

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**S DEVETE SJEDNICE GRADSKOG VIJEĆA TUZLA ODRŽANE 13. JULIA 2017.
GODINE U MALOJ SALI BOSANSKOG KULTURNOG CENTRA S POČETKOM U
9,30 SATI**

-SJEDNICI PRISUSTVUJE 29 VIJEĆNIKA

Tuzli, juli 2017. godine

ALEKSANDAR VUJADINOVIĆ – predsjedavajući Gradskog vijeća Tuzla

Poštovani vijećnici Gradskog vijeća Tuzla, poštovani Gradonačelnike Grada Tuzla i predstavnici gradskih službi obrađivači materijala, predstavnici boračkih i nevladinih organizacija, članovi savjeta mjesnih zajednica, predstavnici sredstava javnog informisanja, dragi gosti, drugarice i drugovi, dame i gospodo.

Otvaram devetu redovnu sjednicu Gradskog vijeća Tuzla.

Konstatujem, da prema evidenciji Stručne službe Gradskog vijeća, sjednici prisustvuje 29 vijećnika od 31 vijećnika, što je dovoljno za punovažan rad i odlučivanje, a u skladu članom 62. i 65. Poslovnika Gradskog vijeća Tuzla.

Za današnju sjednicu svoj izostanak je najavio vijećnik Kenan Osmančević, opravdano, predlažem da mu opravdamo odsustvo, a svoje kašnjenje je najavila vijećnica Erna Delić, pa ukoliko se slažete da im opravdamo i kašnjenje i odsustvo.

Obavještavam vijećnike, da zbog kratkoče vremena za slanje materijala Stručna služba Gradskog vijeća nije uspjela završiti stenogram i skraćenu verziju zapisnika s osme redovne sjednice Gradskog vijeća Tuzla, održane 28. 06. 2017. godine, te ovaj stenogram možemo usvajati na desetoj, avgustovskoj sjednici, Gradskog vijeća Tuzla. Molim vas da uvažite razloge kašnjenja.

Za današnju sjednicu predlažem dnevni red, kao što ste dobili uz Poziv za ovu sjednicu:

D N E V N I R E D

1. VIJEĆNIČKA PITANJA

2. RAZMATRANJE I USVAJANJE NACRTA:

a) ZONING PLANA „REKREACIONOG PODRUČJA I PARK ŠUME ILINČICA“ U TUZLI

b) ODLUKE O PROVOĐENJU ZONING PLANA „REKREACIONOG PODRUČJA I PARK ŠUME ILINČICA“ U TUZLI

3. RAZMATRANJE I USVAJANJE ODLUKE O ODOBRAVANJU POKRETANJA KONKURSNE PROCEDURE ZA DODJELU STANOVA U VLASNIŠTVU GRADA TUZLA

4. RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2016. GODINU

a) Tržnice-pijace d.o.o. Tuzla

b) Centralno grijanje d.d. Tuzla

5. RAZMATRANJE I USVAJANJE IZVJEŠTAJA O RADU JAVNIH USTANOVA ČIJI JE OSNIVAČ ILI SUOSNIVAČ GRAD TUZLA ZA 2016. GODINU:

a) JU Narodno pozorište Tuzla

6. RAZMATRANJE PRIJEDLOGA MINISTARSTVA ZDRAVSTVA TUZLANSKOG KANTONA ZA IMENOVANJE ČLANA UPRAVNOG ODBORA JZU DOM ZDRAVLJA SA POLIKLINIKOM „DR.MUSTAFA ŠEHOVIĆ“ ISPRED MINISTARSTVA ZDRAVSTVA TK

7. RAZMATRANJE INFORMACIJE O GRADSKOM I PRIGRADSKOM SAOBRAĆAJU NA PODRUČJU GRADA TUZLA

8. RAZMATRANJE IZVJEŠTAJA KOMISIJE ZA IZBOR I IMENOVANJA

9. RAZMATRANJE STANJA ŠAHTOVA NA PODRUČJU GRADA, ODVOĐENJE POVRŠINSKIH VODA, TE PROBLEM STVARANJA VJEŠTAČKIH JEZERA U SLUČAJU OBIMNIJIH PADAVINA

10. TEKUĆA PITANJA

a) Obavještenje Službe za budžet i finansije o razlozima prolongiranja izrade Izvještaja o izvršenju Budžeta Grada Tuzla za period 01.01. – 30.06.2017. godine

b) Informacija Službe za razvoj, poduzetništvo i društvene djelatnosti o stanju kampa u MZ Kiseljak

c) Obavijest JKP „Komunalac“ Tuzla o razlozima prolongiranja Izvještaja o radu i poslovanju za 2016. godinu

Obavještavam klubove vijećnika da su prijedloge za naknadno uvrštanje hitnih i neodložnih pitanja, odnosno dopunu dnevnog reda mogli podnijeti u pismenoј formi, najkasnije 48 sati prije održavanja ove sjednice u skladu sa članom 58. važećeg Poslovnika Gradskog vijeća Tuzla.

Kolegij Gradskog vijeća Grada Tuzla, održao je svoju sjednicu neposredno pred početak ove devete redovne sjednice i konstatovao u poslovničkom roku pristigli slijedeći prijedlozi za izmjene i dopune dnevnog reda današnje sjednice, pa će ih sada navesti.

1. Gradonačelnik Grada Tuzla, na inicijativu Službe za geodetske i imovinsko-pravne poslove, predlaže da se dnevni red današnje sjednice dopuni tačkom pod nazivom: **RAZMATRANJE I USVAJANJE ODLUKE O IZBORU NAJPOVOLJNIJEG PONUĐAČA I DAVANJU SAGLASNOSTI NA ZAKLJUČENJE UGOVORA O OSNIVANJU PRAVA GRAĐENJA NA NEKRETNINAMA U VLASNIŠTVU GRADA TUZLA SA MIŠLJENJEM GRADSKOG PRAVOBRANILAŠTVA.**

Predlažemo da se navedena Odluka razmatra pod tačkom 7., a da se ostale tačke redoslijedom pomjere.

Pitam vijećnike ko je za ovaj prijedlog, molim da digne ruku? (27) Ima li neko protiv? (Nema.) Ima li suzdržanih? (Nema.)

Konstatujem da je ovaj prijedlog jednoglasno usvojen sa 27 glasova za, nema nikо protiv, nema nikо suzdržan, te će ova odluka biti uvrštena u dnevni red današnje sjednice kao tačka 7.

2. Zbog kratkoće roka za izradu materijala Služba za komunalne poslove, izgradnju i pitanja mjesnih zajednica predlaže da se sa današnje devete redovne sjednice skine tačka 9. **RAZMATRANJE STANJA ŠAHTOVA NA PODRUČJU GRADA, ODVOĐENJE POVRŠINSKIH VODA, TE PROBLEM STVARANJA VJEŠTAČKIH JEZERA U SLUČAJU OBIMNIJIH PADAVINA**

O ovome smo na sjednici Kolegija dali svoje mišljenje pa pitam vijećnike ko je za ovaj prijedlog da se ova navedena tačka povuče s današnjeg dnevnog reda sjednice, molim da digne ruku? (29) Ima li neko protiv? (Nema.) Ima li suzdržanih? (Nema.)

Konstatujem da je sa 29 glasova za, nema nikо protiv, nema nikо suzdržan, usvojen i ovaj prijedlog te će navedena tačka biti povućena s dnevnog reda današnje sjednice.

3. Kolegij Gradskog vijeća Tuzla je zasijedao i 05. 07. 2017. godine, te je konstatovao da s ciljem usaglašavanja propisa sa Zakonom o gradu Tuzla, udovoljavanju zahtjevima iz MEG projekta i izjednačavanja statusa nezavisnih vijećnika, treba donijeti nekoliko odluka, pa predlaže da se pod tačkom 10. razmatraju slijedeće odluke:

a) **ODLUKA O IZMJENAMA I DOPUNAMA POSLOVNIKA OPĆINSKOG VIJEĆA TUZLA**

b) **ODLUKA O IZMJENAMA I DOPUNAMA ODLUKE O NAKNADAMA PREDSJEDAVAJUĆEG, ZAMJENIKA PREDSJEDAVAJUĆEG I PREDSJEDNIKA KLUBOVA VIJEĆNIKA U OPĆINSKOM VIJEĆU TUZLA**

c) ODLUKA O IZMJENAMA ODLUKE O OSNIVANJU KOMISIJE ZA ISTINU O TUZLI '92. - '95.

Pitam vijećnike ko je za ovaj prijedlog, molim da digne ruku? (29) Ima li neko protiv? (Nema.) Ima li suzdržanih? (Nema.)

Konstatujem da je i ovaj prijedlog usvojen jednoglasno s 29 glasova za, nema niko protiv, nema niko suzdržan, te će biti uvršten u dnevni red današnje sjednice kao tačka 10.

4. Vijećnik SDA Mirza Tupajić, predlaže da se dnevni red današnje sjednice dopuni tačkom pod nazivom d) Inicijativa za izgradnju kružnog toka u mjesnoj zajednici Tušanj (na spajanju ulica VI Bosanske, Pašage Mandžića Meše Selimović i Tušanj)

Predlažemo da se navedeni materijal razmatra pod tačkom 11. TEKUĆA PITANJA, kao podtačka d). Ko je za ovaj prijedlog, molim da digne ruku? (29) Ima li neko protiv? (Nema.) Ima li suzdržanih? (Nema.)

Konstatujem da je 29 vijećnika glasalo za, nema niko protiv, nema niko suzdržan, te je jednoglasno prihvaćen prijedlog da se navedena inicijativa uvrsti u dnevni red današnje sjednice pot tačkom 11. TEKUĆA PITANJA kao podtačka d).

5. Vijećnik SDA Mirza Tupajić, predlaže da se dnevni red današnje sjednice dopuni tačkom pod nazivom e) Inicijativa za hitno postavljanje vibrirajućih traka na regionalnoj saobraćajnici M-4 u ulici "Treće Tuzlanske brigade".

Predlažemo da se navedeni materijal razmatra pod tačkom 11. TEKUĆA PITANJA, kao podtačka e). Pitam vijećnike ko je za ovaj prijedlog, molim da digne ruku? (29) Ima li neko protiv? (Nema.) Ima li suzdržanih? (Nema.)

Konstatujem da je ovaj prijedlog usvojen jednoglasno s 29 glasova za, nema niko protiv, nema niko suzdržan, te će navedena inicijativa biti uvrštena u dnevni red današnje sjednice pod tačkom 11. kao podtačka e).

Sada možemo pristupiti izjašnjavanju dnevnog reda kao cjeline, izvinjavam se, Sabahudin Imamović, ispred Kluba SDA. Izvolite.

SABAHUDIN IMAMOVIĆ - vijećnik Stranke demokratske akcije

Mislim predsjedavajući da ne možemo pristupiti usvajanju dnevnog reda s ovim sadržajem zato što nismo dobili sve materijale za današnju sjednicu. Dakle, u dnevnom redu za današnju sjednicu pod tekućim pitanjima u okviru podtačke b) je informacija od Službe za razvoj, poduzetništvo i društvene djelatnosti o stanju kampa u mjesnoj zajednici Kiseljak, a mi tu informaciju nismo dobili.

Pomoćnik gradonačelnika treba da zna da ovako izgleda informacija. Dakle, na prvoj stranici piše informacija o nečemu, ovo je o gradskom i prigradskom saobraćaju. Pomoćnik gradonačelnika Lakić je nama posao zbir dokumenata, dopisa od Policijske stanice Zapad, od Odjeljenja kriminalističke policije Policijske uprave Tuzla. Primjerak ugovora koji je zaključen između Grada Tuzle i Udruženja Front.

I to je to. Dakle, informacija treba da popiše hronologiju događaja u vezi sa devastacijom kampa koji pripada Savezu Organizacija porodica šehida i poginulih boraca.

Dakle, tamo je u policijskom izvještaju navedeno da je pričinjena šteta u vrijednosti od 150.000 maraka. U Ugovoru koji je zaključila tada Općina Tuzla 2013. godine, Udruženje Front kaže da se daje na korištenje nekretnina zemljište. Na tom zemljištu su objekti i oprema. Evo znamo da je vrijednosti 150 maraka. Udruženje Front je trebalo da reguliše odnose sa Savezom organizacija, Savez Organizacija porodica šehida i poginulih boraca. Mi ne znamo da li je to učinjeno imali su tamo i obaveze prema ovoj organizaciji. Znači ne vidim iz ovoga, dakle, informacija jetrebala da sadrži sve podatke. Ono što ne znaju da nam jasno kažu, ne znamo, čekamo izvještaj policije. Znamo da tamo kriminalci su devastirali. Suština je što je neko dopustio da se to devastira. Što je kamp ostao bez zaštite. Dakle, imamo Grad Tuzlu, imamo

Udruženje Front, imamo Savez Organizacija porodica šehida i piginulih boraca koji su vlasnici, Grad je vlasnik zemljišta, Front je korisnik, a kamp je uništen.

Znači, mi tražimo, ja tražim tu da vidim da, tražimo odgovornost, ko je odgovoran što je uništena imovina u vrijednosti od 150.000 maraka, što je prepustena na milost i nemilost.

I ne dobijamo informaciju, dobijamo zbir dokumenata iz kojih mi sad treba da izvlačimo zaključke i naravno svi ćemo mi drugačije zaključke izvući.

Dakle, ja predlažem da se ova tačka dnevnog reda skine jer nemamo materijal. I da se Pomoćnik Gradonačelnika pozove na odgovornost, jer očigledno jedno neozbiljno i bezobrazno ponašanje prema Gradskom vijeću, prema Kolegiju, jer stav Kolegija je bio da se dostavi informacija.

Znači, očigledno se zaobilazi. Toliko. Hvala.

ALEKSANDAR VUJADINOVIĆ

Hvala lijepo. U redu. Čuli ste prijedlog prijedsjednika Kluba Sabahudina Imamovića, znači vijećnika SDA. Onda možemo staviti na glasanje ovaj prijedlog vijećnika Sabahudina Imamovića da li da se navedena. Poslovnička. Vijećnik Mirnes Ajanović, predsjednik Kluba BOSS. Izvolite.

MIRNES AJANOVIĆ - vijećnik Bosanske stranke

Pozdrav svima. Mi smo pola sata kasnili sa sjednicom Kolegija radi rasprave o ovoj tački.

Odnosno Kolegij je duže trajao kasnili smo na sjednicu Gradskog vijeća. Kolega Sabahudin Imamović je insistirao na raspravi o ovome na odlukama, zaključcima, prijedlozima koje smo mogli raspraviti i svi smo sugerisali na sjednici Gradskog vijeća postoji tačka dnevnog reda.

Način na koji je Sabahudin Imamović reagovao na toj, na sjednici Kolegija je bio kao da nema tačke dnevnog reda. i to smo bili zbumjeni je li ima tačka ili ne.

Bilo je evidentno ima tačka i svi znamo da je tako i on zna. i raspravu dakle ima mogućnost na koji god hoće način, kritikovati koga god hoće, na kakav hoće način i nudili smo ako je nešto sporno da se povuče tačka s dnevnog reda.

Svi, većina. Nije to prihvaćeno. Tačno jeste da Služba umjesto da nazove materijal po tački dnevnog reda, nazvala materijal odgovor na vijećničko pitanje, jer je tačka dnevnog reda proizašla iz zahtjeva Sabahudina Imamovića jer nije dobio odgovor na vijećničko pitanje i vjerovatno zato je Služba napravila tu pogrešku, ali smo predložili kao evo, članovi Kolegija da se promijeni naziv materijala. U materijalu jasno piše došlo je do pljačke, policija je u toku istrage, Grad ne može preduzimati pravne radnje dok se ne okonča istraga i to je tako.

Jer sve što bi mi uradili kao Grad moglo bi biti ometanje istrage. Neka policija, tužilaštvo utvrdi ko je odgovoran, ko je opljačkao kamp. Kamp nije imao zaštitu, zaštitare kao što većina objekata u gradu Tuzla, mjesne zajednice, Kino Centar i ostali nemaju zaštitara. Nemoguće je imati.

Ne možemo vršiti nadzor nad svakim objektom. To su sve rasprave koje treba u okviru tačke i evo sada da faktički, mi kao članovi Kolegija, kako da postupimo. Sabahudin Imamović nije na sjednici Kolegija tražio povlačenje tačke iako smo mi predlagali čak i tu okolnost.

Evo da povučemo pa da se dopuni sa svim onim što on želi da se dopuni. Ja predlažem iz ovih razloga žao mi je vas kolege vijećnici, koleginice, pauzu da vidimo sad šta je je li se povlači ili je Sabahudin promijenio mišljenje, je li ostaje pri ovom mišljenju, kako bi se mi ostali znali odrediti hoćemo li povlačiti ili nećemo.

Jer na Kolegiju nismo imali ovakav prijedlog. Mislim da nije korektno. Ako smo već pola sata zadržavali sve vas, ako smo svi pola sata bili zadržani i kao članovi Kolegija u okviru ove rasprave od strane Sabahudina Imamovića da sad odjedanput izlazi i kaže evo sad. ja povlačim.

Prvo, nije on predлагаč. Više on nije predлагаč tačke. Ima pravo predložiti da se povuče. Onda to moramo svi zajedno proučiti šta ćemo s tim. Moram predložiti pauzu deset, petnaest minuta dok. (Pet minuta.) Koliko god možemo napraviti da riješimo.

ALEKSANDAR VUJADINOVIĆ

Pet minuta pauze, ovdje. A nemojte ići sa svojih mesta molim vas. (Pauza.)

Nastavljam s radom. Pošto smo čuli. (SABAHUDIN IMAMOVIĆ – Predsjedavajući mogu li?) Dobro. Izvolite.

SABAHUDIN IMAMOVIĆ

Osjećam potrebu da repliciram na istupe kolege Ajanovića, dakle, mi smo tražili informaciju i mislim da je informacija treba da interesuje svakog vijećnika u ovom Gradskom vijeću, a odgovor na vijećničko pitanje je odnos između onog ko je postavio vijećničko pitanje i službe, ili onog kome je postavio jel. Dakle, ja mislim da svi ovdje trebaju da budu zainteresovani šta se dogodilo s imovinom ovog Grada i ovog Saveza i ko je odgovoran za to.

To nije samo stvar Sabahudina Imamovića. i ovdje je ključna, ključni propus koji je napravljen, dakle, u dnevnom redu piše da je informacija. Nismo dobili informaciju. Dakle i ne povlačim tačku dnevnog reda, nisam ja predлагаč, ja predlažem da se tačka povuće sa dnevnog reda zato što nismo dobili podpunu informaciju. To je suština.

ALEKSANDAR VUJADINOVIĆ

Mirnes Ajanović. Izvolite.

MIRNES AJANOVIC

Pošto sam ja tražio pauzu, imam pravo i da obrazložim, šta je bilo na pauzi i šta dalje.

Informacija je pod drugim nazivom, rekao sam iz kojih razloga i mi smo već na Kolegiju dobili opet dodatne podatke od sekretara Gradskog vijeća da je, dok je trajao Kolegij, šef Službe za ekonomski razvoj i društvene djelatnosti, obavijestio sekretara Gradskog vijeća, koji je nas obavijestio da će biti napravljena izmjena informacije dostavljena na današnju sjednicu Gradskog vijeća. Mi smo to znali. Dakle, bit će pod nazivom kakav je adekvatan nazivu tačke dnevnog reda, šef Službe je ovamo u holu, dakle ispred ulaza u Gradsko vijeće i stavio se na raspolaganje gradskim vijećnicima da u okviru te tačke, a na kraju, dakle sjedi čitav dan zajedno sa nama i odgovori na sva pitanja koja budu postavljena od strane vijećnika. Dakle, Vedran Lakić kao šef Službe je vrlo, po meni, savjesno evo postupio i postupa.

Informacija je napravio onako koliko je smio da da u okviru ovlaštenja zbog policijske i tužilačke istrage. Ne smije dalje ulaziti u davanje bilo kakvi informacije.

Mogao bi biti optužen da pokušava ometati istragu, što je krivično djelo, ali je tu da odgovori na pitanja na koja može dati odgovore. I da javnost ne bi imala pogrešnu informaciju o ovoj informaciji, bio sam dužan da vam ovo saopštim, a mi smo na ovoj pauzi od pet minuta, kao članovi Kolegija kako smo i nudili Sabahudinu Imamoviću na onih pola sata rasprave gdje ste vi svi morali da čekate da se povuče tačka pa ostavi na narednu sjendicu, nije htio.

A evo danas, sad u stvari i on je eto predložio ali Kolegij je zauzeo stav da ipak povućemo, rasteretimo dakle današnje Vijeće nečega što nije trebao niti biti teret Vijeća na početku same ove sjednice, pa niti teret Kolegija od pola sata i evo prijedlog Kolegija jeste da se povuče ova tačka dnevnog reda.

ALEKSANDAR VUJADINOVIĆ

Dobro. Hvala lijepo. Čuli ste po ovom pitanju, pa možemo. (SABAHUDIN IMAMOVIĆ – Ispravka krivog navoda.) Dobro. Ispravka krivog navoda gospodin Sabahudin.

SABAHUDIN IMAMOVIĆ

Ja razumijem da je kolega Ajanović advokat i često mora braniti i one za koje sigurno zna da su krivi, kao što je i u ovom slučaju. Odnos Pomoćnika Gradonačelnika prema ovom Vijeću pokazuje činjenica da gospodin sjedi u holu, a mi raspravljamo o njegovoj informaciji. Toliko ga interesuje informacija i naše mišljenje.

On da je htio da nam pojasi nešto on bi ovde prisustvovao i dao bi nam elementarne podatke ili eventualno sebe odbranio ili moje, odgovorio na moje argumente kontraargumentima. Dopis koji smo dobili piše odgovor na vijećničko pitanje. Znači nije informacija. i da piše informacija ne bi to bila informacija. Zna se šta informacija treba da sadrži.

Sve ovo što je ovde rečeno on je to mogao da napiše u kratkoj informaciji id a ispoštuje ovo Gradsко vijeće. Znači nije ovo prvi put da se administracija ovako odnosi prema nama. I u pogledu realizacije inicijativa i odgovora na vijećnička pitanja i sve ostalo.

Odnos Lakića prema ovom Vijeću govori činjenica da on sjedi u holu i nije našao za shodno da se pojavi ovdje, a mi pričamo o informaciji. (Nije tačka dnevnog reda.) Jeste tačka dnevnog reda. Jeste. Evo pričamo o tome. I zašto Gradonačelnik nije tu? Da čuje kako mu se pomoćnici ponašaju. (MIRNES AJANOVIĆ – Ispravka krivog navoda.)

ALEKSANDAR VUJADINOVIĆ

Ispravka krivog navoda vijećnik Ajanović.

MIRNES AJANOVIĆ

Ja jesam advokat. A ovdje sam vijećnik. Profesionalno sam advokat.

Mi smo Vedrana zadržali napolju upravo radi odluke Kolegija. I obavezali ga da tu informaciju izmijeni i s punim pravom ne može na sjednici Vijeća telefornirati i tražiti da mu službenici dostave materijal sa sjednice Vijeća to bi bilo bezobrazno. Iz sale. To može neko pokušati, neki pokušavaju komunicirati sa sjednice Vijeća pa malo čak i glasnije, pa ne obraćaju pažnju na to da je u toku trajanje sjednice Vijeća.

Po mom mišljenju, kao vijećnika, Vedran lakić je postupio podpuno ispravno. Po zadatku koji smo mu dali kao Kolegij, pripremao je informaciju za sjednicu dnevnog reda i to je drugo i nema obavezu da odma sada sjedi na početku.

Mi smo dali obavezu svim službama, predstavnicima službi da budu na Vijeću u okviru svojih tačaka. A mi još nismo usvojili dnevni red ili čak i u okviru drugih tačaka, a dnevni red nije usvojen. A Vedran Lakić je zadržan zbog toga što smo mu mi dali obavezu šta da uradi, da pripremi u toku rada sjednice Vijeća i nije korektno obrušavati se na nekoga ko samo radi i postupa onako kako mi tražimo od njih. Nekorektno je. Ja razumijem i treba napasti one koji su zaslužili i koji ne rade svoj dio posla, ali ako od nekoga tražimo da nešto uradi i obavežemo

ga i zadržan je upravo radi realizacije našeg zahtjeva, kao Kolegija Gradskog vijeća i mi onda zloupotrijemo ili kažemo, upotrijebimo svjedno kako ko hoće, govornicu da ga napadnemo jer nije tu, zato što radi po zadatku Kolegija Gradskog vijeća.

ALEKSANDAR VUJADINOVIĆ

Hvala lijepo. U redu, ukoliko nema niko, prodiskutovali smo. Možemo da pristupimo znači glasanju po pitanju znači prijedloga da se ova tačka dnevnog reda, odnosno podtačka u sklopu tačke 11. povuče sa današnjeg dnevnog reda, pa pitam vijećnike ko je za to da se podtačka b) Informacija Službe za razvoj, poduzetništvo i društvene djelatnosti o stanju kampa u mjesnoj zajednici Kiseljak povuče sa dnevnog reda i prolongira za narednu sjednicu Gradskog vijeća, molim da digne ruku? (29) Ima li neko protiv? (Nema.) Ima li suzdržanih? (Nema.)

Konstatujem da je 29 vijećnika glasalo za, nema niko protiv, nema niko suzdržan, znači jednoglasno usvojen ovaj prijedlog pa se navedena tačka skida s dnevnog reda današnje sjednice. b) Informacija Službe za razvoj, poduzetništvo i društvene djelatnosti o stanju kampa u mjesnoj zajednici Kiseljak.

Pitam vijećnike ko je za izmijenjen i dopunjen dnevni red u cjelini, molim da digne ruku? (29) Ima li neko protiv? (Nema.) Ima li suzdržanih? (Nema.)

Konstatujem da je s 29 glasova za, nema niko protiv, nema niko suzdržan, jednoglasno usvojen izmijenjen i dopunjen u cjelini slijedeći:

D N E V N I R E D

1. VIJEĆNIČKA PITANJA

2. NACRT:

a) ZONING PLANA „REKREACIONOG PODRUČJA I PARK ŠUME ILINČICA“ U TUZLI

b) ODLUKE O PROVOĐENJU ZONING PLANA „REKREACIONOG PODRUČJA I PARK ŠUME ILINČICA“ U TUZLI

3. ODLUKA O ODOBRAVANJU POKRETANJA KONKURSNE PROCEDURE ZA DODJELU STANOVA U VLASNIŠTVU GRADA TUZLA

4. IZVJEŠTAJ O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2016. GODINU

a) Tržnice-pijace d.o.o. Tuzla

b) Centralno grijanje d.d. Tuzla

5. IZVJEŠTAJ O RADU JAVNIH USTANOVA ČIJI JE OSNIVAČ ILI SUOSNIVAČ GRAD TUZLA ZA 2016. GODINU:

a) JU Narodno pozorište Tuzla

6. PRIJEDLOG MINISTARSTVA ZDRAVSTVA TUZLANSKOG KANTONA ZA IMENOVANJE ČLANA UPRAVNOG ODBORA JZU DOM ZDRAVLJA SA POLIKLINIKOM „DR.MUSTAFA ŠEHOVIĆ“ ISPRED MINISTARSTVA ZDRAVSTVA TK

7. ODLUKA O IZBORU NAJPOVOLJNIJEG PONUĐAČA I DAVANJU SAGLASNOSTI NA ZAKLJUČENJE UGOVORA O OSNIVANJU PRAVA GRAĐENJA NA NEKRETNINAMA U VLASNIŠTVU GRADA TUZLA SA MIŠLJENJEM GRADSKOG PRAVOBRANILAŠTVA

8. INFORMACIJA O GRADSKOM I PRIGRADSKOM SAOBRAĆAJU NA PODRUČJU GRADA TUZLA

9. IZVJEŠTAJ KOMISIJE ZA IZBOR I IMENOVANJA

10. a) ODLUKA O IZMJENAMA I DOPUNAMA POSLOVNIKA OPĆINSKOG VIJEĆA TUZLA

b) ODLUKA O O IZMJENAMA I DOPUNAMA ODLUKE O NAKNADAMA PREDSJEDAVAJUĆEG, ZAMJENIKA PREDSJEDAVAJUĆEG I PREDSJEDNIKA KLUBOVA VIJEĆNIKA U OPĆINSKOM VIJEĆU TUZLA

c) ODLUKA O IZMJENAMA ODLUKE O OSNIVANJU KOMISIJE ZA ISTINU O TUZLI '92. - '95.

11. TEKUĆA PITANJA

a) Obavještenje Službe za budžet i finansije o razlozima prolongiranja izrade Izvještaja o izvršenju Budžeta Grada Tuzla za period 01.01. – 30.06.2017. godine

b) Obavijest JKP „Komunalac“ Tuzla o razlozima prolongiranja Izvještaja o radu i poslovanju za 2016. godinu

c) Inicijativa za izgradnju kružnog toka u mjesnoj zajednici Tušanj (na spajanju ulica VI Bosanske, Pašage Mandžića, Meše Selimović i Tušanj)

d) Inicijativa za hitno postavljanje vibrirajućih traka na regionalnoj saobraćajnici M-4 u ulici “Treće Tuzlanske brigade”

Prelazimo na realizaciju Dnevnog reda. Prva tačka je:

VIJEĆNIČKA PITANJA

Pozivam gospodina Omera Delalića, vijećnika Saveza za bolju budućnost, da iznese svoje vijećničko pitanje. Izvolite.

OMER DELALIĆ – vijećnik Saveza za bolju budućnost

Pozdravljam sve prisutne. Na prošloj sjednici Gradskog vijeća postavio sam pitanja direktorima Vodovoda i kanalizacije i Saobraćaja komunikacija i njihov odgovor je bio da nisu nadležni za taj problem, već da je to nadležna Služba za društvene djelatnosti.

Znači oba pitanja su upućena Službi za društvene djelatnosti. (Vijećnik misli na Službu za komunalne poslove, izgradnju i poslove mjesnih zajednica op.a.)

Zbog čega Služba blagovremeno ne sanira rupe na kolovozu poslije popravke vodovodnih instalacija? Ko vrši nadzor na izvedenim radovima?

Obrazloženje

Svjesni smo činjenice da poslije svake popravke vodovodne instalacije na kolovozu prođe duži vremenski period do njihove sanacije, čak i nekoliko mjeseci. Time se stvaraju udarne rupe i dolazi do otežanog saobraćaja i konstantnog oštećenja na vozilima. Pored toga postavljam i pitanje ko je odgovoran za nadzor nad izvedenim radovima jer po mišljenju građana taj se posao ne obavlja dobro.

Druge pitanje. Kda će Služba izvršiti regulaciju saobraćaja na raskrsnici na Brčanskoj Malti?

Nova regulacija režima saobraćaja na raskrsnici Brčanska Malta je prema mišljenju velikog broja građana pješaka i vozača, veoma loša.

Problem predstavlja istovremen prolaz za vozače iz nekoliko različitih pravaca kao i za pješake čime se stvara saobraćajna gužva. Tražim da se što prije riješi ova situacija.

Hvala.

ALEKSANDAR VUJADINOVIĆ

Hvala lijepo. Drugih vijećničkih pitanja nije bilo. Zahvaljujem se gospodinu Omeru Delaliću. S obzirom da nije bilo drugih vijećničkih pitanja.

Prelazimo na drugu tačku Dnevnog reda:

NACRT:

- a) **ZONING PLANA „REKREACIONOG PODRUČJA I PARK ŠUME ILINČICA“ U TUZLI**
- b) **ODLUKE O PROVOĐENJU ZONING PLANA „REKREACIONOG PODRUČJA I PARK ŠUME ILINČICA“ U TUZLI**

Predlagač je Gradonačelnik Grada Tuzla.

Obrađivači su Služba za prostorno uređenje i zaštitu okoline i UO Zavod za urbanizam Tuzla.

Materijal su razmatrali Komisija za statutarna pitanja i propise, Komisija za prostorno uređenje i zaštitu okoline i klubovi vijećnika.

Pitam prisutne, da li ima potrebe, da u skladu sa članom 68. Poslovnika Gradskog vijeća Tuzla predlagač ili obrađivač daju uvodno izlaganje? Ima. Zamolit ćemo obrađivača materijala da daju uvodna izlagaja po ovoj tački dnevnog reda.

INDIRA SOFIĆ – ispred Upravne organizacije Zavod za urbanizam

Ja vas sve pozdravljam i prezentirat ću vam ovaj zoning plan u najkraćem u obrazloženju. Prostorna cjelina Park šuma Ilinčica nalazi se u južnom dijelu urbanog područja Tuzla grada.

Prostornim planom Grada Tuzla utvrđena je sa namjenom rekreacioni centar i okvirne je površine 256,6 ha.

Ova zona ima brojne prednosti, pogodnosti i značaj za naš grad, kako svojim položajem, tako i namjenom.

Prije svega riječ je o neposrednoj blizini užeg gradskog područja od cirka kilometar ipo sa kojom je povezana mrežom gradskih saobraćajnica te dalje sa širim gradskim područjem.

Vrijednost lokaliteta odražava se i u prirodnom šumskom ambijentu sa nižom temperaturom, prirodnom hladovinom, te čistim zrakom.

Ovo područje je, uprkos blizini gradske vreve, ipak mirna zona, izolovana od buke, sa lijepim pogledom na grad i područje susjedne općine Živinice.

U kontaktnoj zoni ove prostorne cjeline su gradska naselja, Crvene njive, Mosnik, Mejdan, Kula, Vrapče, Ši Selo, Orašje, Pladulja, Barice, te Crveno brdo.

U širem smislu ove prostorne cjeline, kao što vidite na ovom grafičkom prilogu, ova prostorna cjelina zapravo obiluje šumskim zemljишtem i šumom sastavljenom o hrasta, lužnjaka, cera i kitnjaka, graba, bukve i bora, a rubni dijelovi čini bjelogorica javor, bagrem i lipa, dok jedan manji dio, osobito prema gradskom području, odnosno gradskim naseljima na sjeveroistoku, spada u poljoprivredno zemljiste.

Generalno se može konstatovati da su gradska područja u proteklom periodu da su se sjedinila sa rubnim dijelovima kompleksa Ilinčice, te je na ovaj način i Ilinčica zapravo postala dio sistema gradskih zelenih površina.

Možemo idući slajd. Širenje gradskog područja, ali i ratni period uzrokovali su intenzivniju sjeću šume što je doprinijelo i povećanju broja klizišta, te je sasvim evidentno da je bilo neophodno poduzeti različite korake zaštite ovog vrlo vrijednog gradskog područja.

Kad je riječ o katastarskim podacima, najveći dio prostora je društveno zemljiste Grad Tuzla ili je to Šumsko industrijsko preduzeće Tuzla.

Zbog specifičnosti namjene ovog prostora koji se posebno štiti prema zakonima o šumarstvu i poljoprivredi, analiziran je kompletan obuhvat te je procijenjeno da je izletničko

rekreacioni centar moguće planirati u jednom pojasu koji se nalazi na grebenu, u centralnom dijelu prostorne cjeline, a uz postojeću saobraćajnicu koja vodi od naselja Kula prema Krojcici sa nizanjem sadržaja sa desne i lijeve strane ove saobraćajnice počevši od objekta koji je poznat kao Šumarska kuća. Dužina ovog pojasa koji je na ovom grafičkom prilogu nešto zatamljen je oko 1140 m.

Okosnicu ove planirane izletničko-rekreativne zone činilo bi etno selo i motel, a dalje bi se nizali sadržaji u prirodi. Znači vidikovci, grupacije za sjedenje, prostor izletišta sa mogućnošću organizovanja vanjski roštilja, sportski tereni, prostor za autohtone životinje jelene, arboretum sa mogućnošću odvijanja nastave u prirodi, te zasadi palulovnije. Ovakvo rješenje bi svakako pratila i odgovarajuća infrastruktura, kako saobraćajna, tako i ostala.

Ukupna površina ove tretirane zone je 22,9 ha, a pored cestovnog saobraćaja koji zapravo pruža mogućnost dolaska automobilom ili pješke, razmatrana je i opcija dolaska na ovaj prostor žičarom. Naime, ovakav vid prevoza, do centralnog dijela gdje su predviđeni raznovrsni sadržaji izletničkog i rekreativnog karaktera dodatno bi povečali atraktivnost ovog prostora.

Tako su analizirani mogući pravci kretanja žičare, odnosno moguće stajne tačke na određenim visinskim kotama.

Varijantna rješenja su data sa dva pravca dok će se konačna opredjeljenja za ovu trasu utvrditi detaljnijim studijama koje nisu predmet ovog nivoa detaljne planske dokumentacije.

Radi što kvalitetnije prezentacije dat je jedan segment razrađen na nivou idejnog rješenja, a prikazuje dio ovog izletničko-rekreacionog područja gdje se može vidjeti da je planirano etno selo na jednom padinskom dijelu lokaliteta, na vrhu padine bi se formirao plato sa zajedničkim objektima, dok mi pješačka staza vodila do manji bungalowa čija postavka prati prirodnu konfiguraciju terenna.

Oblikovni tretman ovih objekata bi morao biti, s obzirom na namjenu, ambijentalnog karaktera uz primjenu prirodnih materijala.

Motel je smješten u sjeverozapadnom dijelu lokaliteta, a u neposrednoj blizini, blizini planiranog etno sela. Možemo preći na idući slajd.

I to na ranije zasjeđkom formiranom vještačkom platou. Oko motele predviđene su uređene površine za boravak na otvorenom, te manji parking prostor.

Sportski tereni sa pratećim sadržajima predviđeni su jugozapadno od planiranog motela. Ovaj prostor ima zapravo i svoju memoriju mjesta jer je poznat kao školsko izletište brojnih generacija Tuzlaka u prošlosti. U okviru ovog kompleksa centralno mjesto bi zauzimao teren za mali fudbal i nogomet, a predviđen je i prostor za okupljanje sa nizom manjih montažnih objekata za formiranje garderoba, sanitarnog čvora, ostava, te drugih neophodnih sadržaja za ovaj kompleks.

Arboretum koji je takođe predviđen u ovoj zoni je zapravo zbarka drveća i drvenastih vrsta i namjenjuje se programima školskog obrazovanja u oblasti botanike, ekologije, poljoprivrede, šumarstva, hortikulture za što je potrebno predhodno imati program uređenja ovakvog prostora koji može izgledati izuzetno dobro sa svim značajkama prirodnog pejzaža.

Rezervat za autohtone životinje sa pojilištem predviđen je za jelene i nalazi se blizu planiranog motela. Ovaj planirani prostor pruža mogućnost za formiranje ovakvog rezervata jer s jedne strane pruža mogućnost autonomije i mira životnjama, a s druge strane posjetiocima pruža mogućnost posmatranja sa distance.

Izletište je zamišljeno kao jedan uređeni travnati kompleks sa nekoliko nadkrivenih prostora do kojih vode uređene staze, a ispod ovih nadkrivenih površina bi se mogao formirati roštilj, stolovi, klupe za odmor i boravak u prirodi.

Na padini, krajnjem jugozapadnom dijelu ove tretirane zone, na već evidentiranom, a trenutno i reaktiviranom klizištu predviđena je sadnja drveta paulovnija. Ovo bi bila eksperimentalna plantaža, kao ogledna ploha za buduću intervenciju na sanaciji klizišta.

Kad je riječ o ostalim sadržajima u pitanju su prije svega rješenja koja se vežu na već realizirane pješačke staze koje su izvedenena Ilinčici u dužini od odprilike kilometar. Na njih smo vezali planirane staze a i stvorili smo mogućnost i budućeg povezivanja sa planiranim i postojećim stazama koje vode za vršane i dalje prema Majevici.

Zatim su predviđeni od ostalih namjena i lokaliteti za vidikovce, za sjedenje, predviđene su česme, urbani mobilijar i tome slično.

Mišljenja smo da smo ovakvim rješenjem predvidjeli sadržaj koji kvalitetno koriste prije svega veliki potencijal koji ima prirodni ambijent prostora Ilinčice.

Omogaćivanjem ovog prostora novim namjenama on postaje posjećen, kontrolisan, te se štiti od devastacije koja je trenutno prisutna putem stvaranja divljih deponija, sječe šume i tome slično.

Svi opisani sadržaji bi doprinijeli da građani optimalno koriste ovaj prirodni ambijent lokaliteta, odnosno dali bi mogućnost dužeg boravka unutar ove oaze, zelene oaze koja je zaista u neposrednoj blizini užeg gradskog područja.

Ja sam prezentirala u najkraćim crtama. Stojim na raspolaganju za pitanja. Zahvaljujem se.

ALEKSANDAR VUJADINOVIĆ

Gradonačelnik Grada Tuzle gospodin Jasmin Imamović. Izvolite.

JASMIN IMAMOVIĆ – Gradonačelnik Grada Tuzla

Ovo je važan plan i građani ga odavno priželjkaju, iniciraju. Mislim da je dobro da što prije krenemo u raspravu, da ga donešemo. Mogao je on biti donesen i prije, ali nije bilo prije zainteresiranih investitora. Ali vidite da se ponovo dakle otvaraju gradilišta po Tuzli, ponovo se javljaju investitori. Tako da je možda ovo pravi momenat i da potencijalni investitori saznaju za onaj dio je li gdje će moći da se gradi i čitava ova rasprava jako, kako važan ovaj objekat za kvalitet života građana Tuzle.

Dakle, mi kad govorimo o razvoju gradova držimo se Alboške konvencije koja kaže ekonomski održiv razvoj, kvalitet života i uključenost građana. Ovdje se radi o turističkim objektima. Objekat koji je blizu aerodroma i blizu grada. Svako može da dođe, dakle i taksijem.

Zatim objekat će imati priču. Vi ste zapazili dakle da mi ne gradimo objekat radi objekta. Soni trg govori o najstarijoj proizvodnji soli u Evropi. Trg slobode govori o kontinuitetu bh državnosti, park govori o kontinuitetu bh državnosti. I Panonika ima kulturne objekte, Geološku postavku, Arheološki park. Ovaj kompleks sa jelenima ja sam video jedan u Olimiji nešto slično ali nije vezano za ovu priču. Dakle, vezano je za starobosansko vjerovanje, bogumilsko vjerovanje da su jeleni svete životinje koje nakon smrti ljudsku dušu nose na nebo.

Mogućnost je dakle replika, stećaka, jednog pravog, velike površine. Išli smo gledali u Osijeku, oni imaju jako velike površine u zoo parku. Dakle da ima i šumu i proplanak, da mu je približno ambijent prirodni, a ne da se pati u nekom kavezu, ali da postoji i način veterinarske i svake druge brige i ishrane jelena. Uostalom u šumi lovci brinu o jelenima zimi itd. A zamislite ovako zaštićen od ograde, a u približno ambijentu. Dakle, to će biti jedan magnet, kao što su ovi ostali magneti koji su dobro, dobro izgrađeni.

Dobro izgrađeni (SABAHUDIN IMAMOVIĆ – Budžetski jeleni.) pa ja ne govorim o cijenama pogrebnih usluga, nego o parku na Ilinčici gospodine Sabahudine, ali ćemo i o tome govoriti.

Dakle, govorim o objektu gdje nam treba regulacioni plan da bismo mogli da izdamo građevinsku dozvolu. Da ona bude zasnovana na zakonu, od nadležnog organa, a ne da bude

građevinska dozvola koju izdaje neko ko nije ovlašten, za recimo gradnju nekih spomenika itd. Bavit ćemo se i tim stvarima, ali sada je tema Ilinčica.

Dakle, ekonomski održivost. Ako mi napravimo dovoljno privlačan za investitore plan, dovoljno privlačan plan za investitore i javi nam se neko da gradi etno selo. Tad imamo pravi motiv da budžetom predvidimo komunalnu dobru, adekvatnu infrastrukturu što se tiče cesta, vode svega ostalog, ulične rasvjete i sportskih objekata i rekreativnih objekata o kojima je kolegica govorila.

Tada lokacija postaje atraktivna. Onda, šta ja znam, možda se jave ekolozi, lovci, da neko gradi neku kuću, jer kada se gore ode da se može gore ostati. Ekonomski održiv razvoj znači i to da mi idemo u etno selo u Banoviće, u Bijeljinu itd. a kao što smo nekad išli na kupanje i sunčanje daleko izvan Tuzle, pa i BiH, ali je bitno da sada nama drugi dođu. Da nama dolaze drugi na Ilinčicu, a da mi imamo gdje za 15 minuta biti iz ove recimo velike vreline ili problema zimskog kad su temperaturne inverzije, velike zagađenosti, samo se gore popreti bar na jedan dan, na nekoliko sati.

To je jedan rezervat kisika. Biće to bolja turistička ponuda Tuzle. Evo sad nema soba za iznajmiti. Grad je pun turista. Pa da se i ta turistička ponuda poboljša, pogotovo kada je u pitanju blizina aerodroma i kada neki dolete ovdje da bi išli dalje, jer je predviđeno je li da bude tu i sobe za spavanje.

Kvalitet života ide po ovoj Alboškoj konvenciji je važno što je blizu što može doći svako. Ne mora sad da ima para za nekakav put autom od sat ili dva sata, može se doći gore čak i pješke. Vidjet ćemo poslije da li će biti interesa za žičaru, ali znamo svi koliko je to blizu.

Dalje moramo spašavati šumu sa ovim, dakle brzorastućim paulovnjom koja raste brzo krošnja, ali i korijen jer imamo gore veliki problem klizišta.

Dakle, da se riješe klizišta. Da se napravi ograda i zaštiti taj prostor od šumske krađe, da se sačuva postojeće drveće i da dobijemo jedan park. Park da dobijemo jedan, pošto je Slana banja da taj tretman ima i Ilinčica.

To će naravno je ekološka funkcija i u borbi protiv klizišta, a i za čišćenje, za čisti zrak. Ta paulovnija će nam biti eksperiment jer smo rekorderi po klizištima.

Tu ćemo krenuti paulovnjom, kinesko drvo, nema dovoljno ovdje vještina itd. oko toga, ali su proizveli vrstu koja je prilagođena ovom tlu ovdje i na Slanoj Banji. Da to imamo na oku, da to nadziremo, naravno sa inžinjerima šumarstva i hortikulture. Dakle uz taj sav stručni nadzor i da onda krenemo dalje u borbu protiv tog ekološkog problema koji se zove klizišta.

Dobro je za kvalitet života jer se može dakle potrebna nam je ta šuma i ljeti i zimi. Smatram da je dobro da ovo raspravimo i da javnost upoznamo da se uključe građani sa idejama. Da se uključe sa idejama građani. Dalje da investitori saznaju.

Što mi budemo više o tome govorili to će biti veća konkurencija potencijalnih investitora. I možemo ostvariti veću dobit na sutrašnjoj nekoj licitaciji itd. ali to ne možemo oglasiti dok se ovaj zoning plan ne usvoji.

Ja moram da vam priznam da nisam imao iskustvo sa dokumentom koji se zove zoning plan, uglavnom je to regulacioni plan. Možda se otvori to pitanje. Iz Zavoda za urbanizam su me uvjerili da je to isto kao regulacioni plan, da kada se usvoji, hajde ovo je nacrt, ali kada se usvoji zoning plan, to je isto kao da je usvojen regulacioni plan.

Tako je meni objašnjeno u Urbanizmu i onda je to mene zadovoljilo inače bi rekao hajmo na regulacioni, šta će sad, ali evo. Ako je to ista pravna snaga onda nije važno kako se to zove.

Ja vas pozivam da tu imamo konsenzus. O važnome se projektur adi. Bnismo mi imali para da mi to pravimo sami, ali ja se nadam da ćemo uspjeti privući investitore koji će graditi ovaj dio koji se zove etno selo ili jedan onaj motelski smještaj itd. a da mi onda imamo motiv da se dakle pridružimo sa onoliko sredstava koliko zajedno ovdje zaključimo da treba u budžetu

kad budemo usvajali budžet za narednu godinu, sa već pripremljenim gradnjom, već pripremljenih komunalnih objekata.

Nadam se da, ono što je kompleks Slane Banje danas na sjeveru Tuzle da Ilinčica je vrijeme da bude to na jugu Tuzle. Eto toliko. Hvala.

ALEKSANDAR VUJADINOVIĆ

Hvala lijepo. Ispred Kluba vijećnika SDP-a Elvir Bijedić. Izvolite.

ELVIR BIJEDIĆ - vijećnik Socijaldemokratske partije

Zahvaljujem predsjedavajući, pozdravljam sve prisutne.

Pa, moram priznati da, evo hoću da izkažem jedno ogromno zadovoljstvo u ime Kluba SDP-a i u svoje lično ime, da danas razgovaramo o ovakovom jednom odlično prezentiranom regulacionom planu, odnosno zoning planu NACRT: a) ZONING PLANA „REKREACIONOG PODRUČJA I PARK ŠUME ILINČICA“ U TUZLI i b) ODLUKE O PROVOĐENJU ZONING PLANA „REKREACIONOG PODRUČJA I PARK ŠUME ILINČICA“ U TUZLI.

Ja ču se ovdje dotaći samo par stvari. Ono što mi je jako bitno. Dakle govorim iz ugla sportsko-zdravstvenog, da tako kažem, sportsko-zdravstvenog aspekta. Mi smo svjedoci koliko danas postoji pretilosti i pretile djece, koliko postoji generalno pretilih ljudi. Govorim o globalno u našem gradu, dakle, ovim dobijamo jednu sasvim novu dimenziju kad je u pitanju zdravstveni aspekt da tako kažem u gradu.

Zašto ovo govorim? Mi imamo u situaciji smo dakle da kroz školske programe organizujemo sportske dane van grada. U što se oni pretvaraju ja više nisam siguran. Dakle, djeca putuju autobusima sa punim kesimalama smokija, različitih boćica coca cole, sokova na izletište tipa Ormanica, Zlača itd. bez ikakvog nadzora i ne znam kako uopšte i da li tamo postoje bilo kakvi sportski objekti.

Ovo što danas ovdje vidimo mislim da nam pruža sjajnu mogućnost za održavanje takvih jednih, takvih sportskih dana. Mislim, mi smo pripadamo generaciji koja je imala takva sportska druženja, međutim, dodatno još uz ovaku jednu sadržaj izgradnje sportskih objekata, trim staza, mislim da se otvaraju neslućene mogućnosti. Ako krenemo dakle od onoga, od najosjetljivije populacije, dakle, kada govorimo o djeci, organizovanju sportskih dana.

Dakle, svakako da još i organizacija raznih kretanja, sportom do zdravlja Ilinčica nije na nuli, kao što je govorimo, znači imamo uspone u odnosu na grad. Moguće je dakle organizovati hodanja brza hodanja, moguće je organizovati lagana trčanja kroz šumu. Svjedoci smo dakle i da sam stadion Tušanj u zadnje vrijeme predstavlja jednu dobru rekreativnu bazu, međutim, moramo priznati da je već u popodnevним satima, dakle, kada ljudi završavaju sa poslom poprilično popunjeno. A u situaciji ovakvih temperaturnih ekstremnih temperaturnih oscilacija, dakle, mislim da i zdravstveno možda nije baš najpodobniji. Dakle, može se otići na Ilinčicu, može se gore šetati, može se gore trčati.

Kada je u pitanju rekreativni sport, dakle mogućnosti održavanja ovakvog jednog, da tako kažem basket turnira, fudbalski turnira itekako moguće je organizovati. Kad je u pitanju profesionalni sport gradonačelnik se dotakao malo te teme, dakle ja radim dakle i dugo vremena proveo u profesionalnom sportu, dakle odlasci na koje kakva etno sela i boravak tamo koji ne pružaju dakle niti blizu mogućnosti održavanja kvalitetnih turnira, a ovo praktički imate u centru grada. Znači, ne samo što ćemo sprječiti odlazak i odigravanje turnira, ili ne znam boravak u etno selima poput Bijeljine ili ne znam Mačkovac, Zlače itd. čak možemo i privući potencijalne sportske klubove ovdje. Dakle održavanje turnira, čak i boravak na pripremama.

Htio sam još napomenuti kako sam razmišljaо šta još. Pazite, organizacija Fitnes dana. Ja sam bio par puta u organizaciji Fitnes dana znači jednog masovnog okupljanja građana, govorim dakle prije svega i omladine iz škole srednje škole i raznih udruženja građana u kojima se održava Fitnes dan.

Znači jedna sjajna manifestacija koja je par puta održana na Gradskom stadionu i par puta u Mejdanu, međutim, kad bi se takvo nešto održalo na jednom ovakvom prostornom dijelu, mislim da bi to zaista bio jedan fenomenalan i pun pogodak.

Znači radi se o čistom zraku, radi se o hladovini koja pruža mogućnost i dužeg boravka vani, dakle mislim da zaista ovo pruža apsolutno, apsolutno mogućnosti vrlo širok dijapazon mogućnosti koje se otvaraju.

E sad, kako gradonačelnik kaže, sasvim sigurno da uz prijedloge nas odavde koji moraju krenuti, dakle i prijedlozi i ostalih građana da se uključe dakle, šta bi se još to i na koji način bi se moglo voditi. Zahvaljujem.

ALEKSANDAR VUJADINOVIĆ

Hvala lijepo. Slijedeći je predsjednik Kluba BOSS-a Mîrnes Ajanović. Izvolite.

MIRNES AJANOVIĆ

Ozbiljnost prijedloga Zavoda za urbanizam i dobre prezentacije, evo potkrepljena je angažmanom gradonačelnika. Ja ne vjerujem puno Zavodu. Rekao sam iz više razloga, manipulacija razno raznih, tako da ne bi sad ponavljaо, pogotovo direktora. To sam više puta na sjednici Vijeća govorio.

Nebitno koja je sada tačka dnevnog reda, mada nekad smo dužni i pokvariti. Ali biće prilika drugi put. Ali ozbiljnost rada jeste upravo to što gradonačelnik bukvalno politički grize. Svi takvi projekti koji su bili pred Vijećem gdje je gradonačelnik maksimalno dao doprinos za realizaciju realizovani su.

Tamo gdje gradonačelnik nije stajao na ovakav način iza toga bilo je jasno da se radi o okolnostima da Zavod onako voli prezentirati lijepe slike i to je sve.

A onda nas dovesti u poziciju da budemo prevareni kao vijećnici jer nisu provjerili osnovnu stvar imovinsko-pravne odnose. A još glasamo za lokacije razno razne poslove zone i dobijemo samo jedan procenat od toga jer nisu provjerili osnovnu stvar. Sve su lijepo naslikali, nacrtali, na kraju nas obmanuli.

Ovdje imamo dosta argumenata izrečenih, a malo riječi. Ne treba niti govoriti puno o značaju toga da mi na Ilinići napravimo ovo što je prezentirano.

Zašto? Zato što je sve u stvari u suštini rečeno u tome da mi prezentiramo to onima koji imaju novce za investiciju. Imali smo drugih podzemnih skverova i svašta, čega ne, ali u startu smo znali da je to nemoguće realizovati. Možda nekad davno u dalekoj budućnosti.

Ali ovo nije daleko. Evo recimo, kada smo donosili odluku o Zoo vrtu, bilo je smiješno nekima. Ali ova parlamentarna većina prošla puštala se u te projekte koji su zvučali nekada malo i neozbiljno. Čuj zoo vrt. Davno se smatralo da Tuzla to više nikad neće imati, to je nemoguće imati, to se više u Bosni Hercegovini ne razmišlja više o uspostavljanju zoo vrtova. Imamo negdje neko drži par u etno selima raznih životinja i to je sve. i dobijemo zoo vrt. Bingo napravi vrlo dobar zoo vrt. Bez naknade. Ako hoće ko da popije kafu, pojede picu i to je sve.

I ovo jeste poruka, naravno prvenstveno i Bingu. Dali smo im mogućnost da novac koji imaju mogu licitirati i u ove namjene. Dakle, nesebično, u cilju zaštite davanja građanima Tuzle i svim ostalim u Kantonu ko god hoće mogućnosti da imaju zoo vrt, ja sam siguran da i ovo, dakle, uz angažman gradonačelnika kakav smo već imali priliku vidjeti i sigurno će biti

zadržana ta tenzija želje za relizacijom ovog projekta, da ćemo i pored Binga imati i druge investitore.

Osim toga toliko je postalo popularno sad odlazak u etno sela, nime više važno gdje, čak se počinje pretraživati gdje ih sve ima, pa se vidi de da vidimo i u drugom, a onda se vraća u onaj što se bilo već prije, da to nije niti neka teško ostvariva investicija.

Bitno je dati mogućnost dakle za uslove, to što smo evo čuli sada, ako se ko od tih investitora, a sigurno bi to trebalo biti, javi onda ide naša obaveza saobraćajnice i osvjetljenje.

Ovaj zadnji dio segment koji je rekao kolega Bijedić, oko rekreacije, mi ni zimi ni ljeti nemamo uslove za rekreaciju građana. Ljeti jer je prevelika vrelina na 37°, 38° stepeni je nemoguće trčati.

I zdrav čovjek, kao što fudbaleri stradaju, sa 30 i nešto godina pa čak i manje, na žalost infarkt. Ne može trčati na suncu, nemoguće je. Poslije podne je to već gotovo kasno, zimi nemoguće trčati u gradu ili malo brže šetati, a dužni smo i moramo prema obavezi održavanja zdravlja vlastitog i svih oko nas, nemoguće je radi zagađenja.

Jedna dvije kuće neka puste dimnjak, gotovo je. To je već u Tuzli. Zaista zanimljivo i ja sam probao. Gledamo nekakve čoškove, nekad se čovjek odveze negdje pa da bi mogao malo prošetati. A to su sve okolnosti koje su, eto silom prilika, ali ovo je ovdje, par minuta, vidjet ćemo na koji način, već smo na terenu koji je iznad zagađenja. Potrebno je dakle ljudima koji to sada rade. Dosta je građana koji upražnjavaju tu vrstu rekreacije na Ilinćici, omogućiti tu vrstu sigurnosti, kada se zna da gore postoji i obezbjeđenje i dakle redovne sigurnosne mjere, onda će se ljudi više usuđivati da koriste taj objekat za rekreaciju.

Sada neko može iz straha reći što će ja gore na Ilinćici odkud ja znam sam gore ili nešto slično, šta mi se može desiti. Trebalo bi da neće ništa, ali uvijek ljudi razmišljaju u prostoru gdje su sami jer nema nikoga šta bi se moglo desiti. Sa onom realizacijom eto čak obezbjeđenja ovog kompletног prostora mi možemo očekivati mnogo veći odziv građana, samo u situaciji da prošetaju, dakle, malo bolje osvjetljenje, jedna vrsta poziva da ponekad patrola policije saobraćajna prođe tom dionicom, recimo evo jedan od zaključaka da zamolimo Policijsku upravu Tuzla da ponekad patrola policije prođe tim reonom. Možda ljudi prolaze. Ja ih nisam vido, ali imao sam priliku u tri sata ujutro, u dva, četri, kada mislimo da nikoga nema na cesti, da patroliraju ulicama i to iza zgrada. Zaista svaka čast policiji koliko su revnosni u cilju obezbjeđenja sigurnosti svih nas i naše imovine.

Tamo gdje ne očekujemo ih, iza zgrada prolazi polako patrolno vozilo, lagano i vidim da policajci prate i gledaju. Dakle, da i ovaj segment sada već ispunimo i kažemo građanima, evo dakle, biće patrola policije već i sada. Da sada ponukamo ljude da mogu krenuti gore, a da ovi koji bi nešto ili bar razmišljali, znaju da patrola policije postoji i na tom području. I građanima će biti drago kada dobiju tu informaciju da evo Gradske vijeće i na ovaj način obezbjeđuje sigurnost, a da mi odmah sa svoje strane uradimo gdje god je potrebno, a da se može, proširimo saobraćajnicu koja ide ka Ilinćicu. Uvezši onaj dio kada se ide od Kule prema Ilinćici, koji se najviše koristi za saobraćaj i vozila koji skraćuju put od Živinica do Tuzle, ili recio kada ide iz Sarajeva do Tuzle. Na određenim dijelovima bi moglo bi se samo malo proširiti da se mogu vozila mimoći kada se već nađu dva vozila koja idu iz suprotnih smjerova.

Da dakle i to bude jedan od zaključaka. Da zadužimo Službu za komunalne poslove gdje god je moguće, a da nije sporno, mislim na imovinsko-pravne odnose napraviti samo ta proširenja da ljudi mogu stati i propustiti jer na jednoj dionici je vrlo teško mimoći se kada se krene od mezarja dole prema Kuli, onom dijelu.

Teško se mimoći ako se nađu dva vozila, jedan naprema drugom i da se već sada i onaj dio gdje je postavljena bankina, gdje je došlo do odronjavanja, asfaltira, jer mi silazimo sad, bankina je postavljena na asfaltu, a ovamo je već idemo preko zemlje. Dakle da se ti dijelovi urede, a ne zahtijeva mnogo novca.

Gdje god je moguće proširenje, uređenje, saniranje asfaltne površine i time ćemo već sada, kada evo prođite, ja počesto i prolazim tu dionicu, dosta ljudi gore ima koji stave svoje vozilo pa prodaje sokove, dakle, pića osvježenje, već je to koristi se kao jedna vrsta aktivnije rekreacije od strane građana Tuzle.

Dakle, evo Klub BOSS-a daje punu podršku realizaciji ovoga. Okolnosti koje imamo u realizaciji angažman ovakav gradonačelnika bi mogao biti dobra garancija da će ovo, kada prezentiramo investitorima, biti realizovano i još jedan taj zaključak sigurno će ostati, ali da duže vrijeme ovo bude negdje u vrhu web stranice tuzla.ba.

Dakle, staviti to i kao javni poziv investitorima. Staviti to da bude zaključak i da to stoji sa strane da se može uvijek kada se otvoriti tuzla.ba staviti kao javni poziv investitorima sa prezentacijom, ako je potrebno što da ne i ovog segmenta isječka same ove tačke dnevnog reda o ovoj raspravi.

Da i to bude sastavni dio prezentacije o pozivu investitorima, uz naravno, neko ne voli da gleda se gleda na you tube ili video prezentacija, ali jedno kratko, jače obrazloženje zašto bi neko trebao da investira u ovaj projekat. Hvala.

ALEKSANDAR VUJADINOVIĆ

Hvala lijepo. Slijedeći se za riječ javio Omer Delalić, ispred Kluba vijećnika SBB-a. Izvolite.

OMER DELALIĆ – vijećnik Saveza za bolju budućnost

Klub vijećnika SBB-a će uvijek podržati projekte i aktivnosti koji vode do poboljšanja života naših građana. Gledajući ovaj plan on izgleda izuzetno lijepo i donijet će mnogo benefita građanima Tuzle.

Ono što je problem da Grad Tuzla do danas nema uređeno svoje izletište. Kao pedagog i sportskom radniku ovo je veoma mi je draga da se ulazi u ovakav projekat. Složio bi se sa kolegom Elvirom da će ovo biti mogućnost mnogim sportskim timovima da koriste iako i danas dan u jednom dijelu trenažnog procesa koriste prostor za obavljanje znači svojih trenažnih aktivnosti.

Pored toga draga mi je da se negdje planiraju i sportska igrališta u gradu, kojih izuzetno nedostaje, barem uređenih sportskih igrališta. Ovdje je planiran znači jedan teren za košarku i mali rukomet i jedan manji teren zapravo nogomet i mali rukomet, jedan manji teren za košarku.

Pomenuo bi isto što reče, kolega Elvir je rekao da učenici naših škola svake godine organizovano odlaze na izlet i sportske dane u susjedne opštine autobusima što pred roditelje stavlja određene troškove. Znači, roditelji moraju sve to da plaćaju, a kada pogledamo broj osnovnih i srednjih škola možete da vidite kolika bi ušteda bila kad bi se te aktivnosti odvijale na ovom području.

Načelnik nam je, gradonačelnik pardon, nam je ovo sve slikovito objasnio, ali ja bi volio da nam da precizne informacije, da li je ovaj projekat realan i u kojoj će se mjeri Grad uključiti u realizaciju ovog projekta, kao i da li već postoji potencijalni investitori jer bez finansijskih sredstava ovaj projekat, za kojeg smatram da je izuzetno dobar i koristan građanima Tuzle, možda ostati samo mrtvo slovo na papiru. Hvala.

ALEKSANDAR VUJADINOVIĆ

Hvala lijepo. Slijedeći je ispred Kluba vijećnika Tuzlanske alternative gospodin Mensur Alić. Izvolite.

MENSUR ALIĆ – vijećnik Tuzlanske alternative

Što reko Mirnes, pozdrav svima. Pa dugo vremena smo mi već i u svojim predizbornim kampanjama i u programa stavljali, sve političke stranke i partije, rješavanje problem Ilinčice.

I evo došlo je vrijeme ali došlo je vrijeme zbog toga što evo, ja mogu da kažem iskreno da sam ja doveo prvog investitora i da je od toga krenulo, kad sam ga doveo kod gradonačelnika, kad smo sjeli i obavili razgovor šta čovjek želi, koji ima već novac i koji želi da uloži, pokrenuta je ova inicijativa na izradi ovog projekta.

Ovo o čemu je znači Omer postavio pitanje. Evo imamo prvog investitora, on je obezbijeđen već. Koliko će on uraditi u ovom dijelu i gdje će se uklopiti to ćemo vidjeti. Ja mislim da će doći do promjene ovog plana jer vjerovatno po onome što ja imam informaciju od tog investitora, što želi uložiti, da je to jedna veća površina i da on ima tu i svog dijela jednog privatnog zemljišta i uklapa se u ovaj čitav ambijent. E sad, njegove su velike želje.

Vidjet ćemo koliko to od igrališta raznih malih sportskih, košarka, rukomet, odbojka, etno selo, restorani, fantastično čovjek ima izuzetno jednu dobru viziju. Koliko će on uzeti sad od ovog prostora vjerovatno ćemo za to kažem morati i mijenjati ovaj plan usaglasiti s njim kad on to bude htio da gradi.

Šta je ovdje sad najvažnije? Sve je dobro nacrtano. Ali uvijek, znate projektanti rade, ne želim kritikovati, bože sačuvaj ni slučajno, ovog ko je ovo radio, ali imam jedno iskustvo gdje projektanti urade put i idu preko dvije kuće, tri ne znaju uopšte da postoje te kuće.

I kad dođe do realizacije treba, valja rješavati imovinsko-pravne odnose tih kuća. Znači sve su to lijepo nacrtali, kad na stvarno stanje, kad bude izvedbeno, onda već dođete u situaciju da imate problema, ali to je sasvim normalno u građevini tako to treba i prihvati.

Ovdje je bitno da što kraće traje u nacrtu i da se što prije usvoji i da ono što sam ja stalno govorio, što nam fali ta kancelarija za poduzetnike da čovjek kad dođe da sad ima s kim razgovarati kako i na koji način da realizuje taj projekat, kako će dobiti urbanističku dozvolu, kako građevinsku i sve ostalo ono što prati.

Jer investitori neće da čekaju. Pogotovo oni koji imaju novac. On jednostavno želi da to što prije riješi. Ako mi ovo otegnemo raznim saglasnostima, dozvolama, neće biti od toga ništa. Ako bude administracija bila efikasna i izdavala sve ono što je potrebno u roku od nekih deset 15 dana, onda mislim da investitori dolaze, a kad jednog uvedemo da uradi ovakav projekat, onda sasvim je normalno da i drugi dolaze investitori, a na nama je da, ovo što Mirnes kaže, objaviti na portalu, to je sasvim normalno. Ali nama je vijećnicima obaveza jedna preostaje da i mi razgovaramo sa ljudima s investitorima koji imaju želju, pa da ih čak i uvijedimo da dođu da investiraju u Tuzlu. To bi nam trebala biti zadaća svih vijećnika da to radimo mimo ovdje što radimo na Vijeću.

Da jednostavno mi pokušamo naći neke, neke ljude koji žele da ulagaju u Tuzlu. Evo meni je draga da je pokrenuto samo ja želim da to bude što prije, da se ne čeka, da se ne gubi vrijeme, da ljudi ne ohlade od ovoga i da krenu odma.

Rokove ne možemo postavljati naravno, jer je ovo veliki kompleks, veliki projekat, ali treba samo ubrzati kad su u pitanju te dozvole i papirijada koja treba da prati da se ljudima omogući da krenemo, a vidjet ćete šta će na kraju biti ako uspješno samo službe obave. Službe gradske da obave svoj posao kako treba. Zahvalujem.

ALEKSANDAR VUJADINOVIC

Hvala lijepo. Ispred Kluba vijećnika SDA gospodin Sabahudin Imamović. Izvolite.

SABAHUDIN IMAMOVIĆ

Malo me je iznenadilo koliko je kolega vijećnika se javilo za diskusiju povodom ovog zoning plana. Ne vidim ovdje ništa sporno, dakle, ovo je nacrt rekreacionog područja. Građanima Tuzle treba takvo jedno područje. Klub SDA, kao i uvijek do sada neće stati na put takvim projektima. Naravno mi očekujemo da se iz faze crtanja, iz faze crtanog filma pređe u film gdje se rješavaju stvarni problemi građana.

Čuo sam ovdje da kada gradonačelnik zagrize politički da se ti projekti rješavaju i zaista je tako. Znam da su čak i oni projekti koji uopšte nema u Programu kapitalnih investicija, kad gradonačelnik zagrize oni se riješe u rekordnom roku, naročito u izbornim godinama.

Molim gradonačelnika da zagrize, riješi sve projekte koji se nalaze u Programu kapitalnih investicija, naročito onih koji čekaju po deset godina.

Dakle, imali smo na prošloj sjednici Regulacioni plan gore šljačišta. Ja ne vidim nikakvu razliku u angažmanu Zavoda za urbanizam. I ono što su uradili bilo je korektno i ovo što su uradili je korektno. Njihovo je da crtaju, ponavljam, a na administraciji gradonačelnika je da to pretvore u djelo. I ja se nadam da ćemo dobiti investitore koji su spremni da ulože novac u ove projekte.

Dužan sam gradonačelniku još jedan odgovor na, ja kada istupim kritično prema pomoćnicima gradonačelnika i administraciji, gradonačelnik umjesto da svoju srđbu usmjeri prema svojim saradnicima i ispita o čemu se radi, on tu ljutnju usmjeri prema meni i spominje djelatnost koju ja obavljam.

Isto kao da se ja bavim jednom nečasnom djelatnošću. Dakle ja sam direktor Pogrebnog preduzeća deset godina i radim to u skladu sa pravilima struke i profesionalno po cijenama istim kao što to radi i Komemorativni centar. Ukopna mjesta prodaje Islamska zajednica, koja, umjesto gradonačelnika obavlja tu važnu komunalnu djelatnost, jer ovaj grad, kao što znate nema gradsko groblje, mezarje i sumnjam da će ga imati u narednih deset godina.

I umjesto gradonačelnik da bude zahvalan što neko obavlja posao umjesto njega i što on u međuvremenu može da se bavi jelenima i drugim diznilend zabavama, on nas napada i proziva kao da se mi bavimo jednom nečasnom djelatnošću. Dakle, to jeste neželjena ali je časna djelatnost, kao i svaka druga pružanje usluga.

Dakle i da vas obavijestim da je Revda između 33.000 kompanija u Bosni i Hercegovini izabrana među 12% urednih kompanija, koja uredno izmiruje obaveze prema državi, radnicima i dobavljačima itd. Hvala.

ALEKSANDAR VUJADINOVIĆ

Hvala lijepo. Ovim zatvaramo raspravu klubova vijećnika. Otvaram raspravu vijećnika. Vijećnik Edim Kadić, BOSS. Izvolite.

EDIM KADIĆ – vijećnik Bosanske stranke

Prije svega da vas sve pozdravim. Ja bi izašao sam par rečenica jer mnoge stvari su već rečene one što sam mislio da kažem i želim ovaj put samo da dvije, tri stvari napomenem, podvućem, da im damo na značaju.

Ovo je zaista jedna velika da kažem stvar i stvar u kojoj mi svi moramo dati svoj doprinos. Mislim da možemo, jer grad Tuzla, trebao je i prije, ali evo što kaže možda je sad došlo vrijeme da se iskoriste ove blagodati koje imamo.

Moramo znati da investitori ne dolaze tamo gdje neće da zarade. Znači to je niti će neko investirati novac u nešto da zbog eto voli nas, pa će on tu investirati.

Mi imamo jednu ogromnu prednost, ne znam jesmo li i svjesni toga, to je da je naš Aerodrom Tuzla zaista i svakim danom povećava kapacitete. Svakim danom dolaze mnogi ljudi iz Bosne, iz inostranstva, ovdje i kupuju širom Bosne. I mnogo puta u zadnjih mjesec ipo dana sam bio na aerodromu i video sam da je to zaista tako.

Imamo s druge strane situaciju da je Vlada Kantona odlučila da proširi kapacitete na aerodromu, to je zaista jedna šansa, da mi imamo ovdje ovo, da kažem, buduće etno selo. Ja sam ubijeđen, evo pozivam i nas sve da barem započnemo u ovom našem mandatu da se nešto ovdje počne praviti.

Mi, ako uspijemo, da ono što je do nas da znači odradimo mi vijećnicimo i Vijeće ono što odradi, da službe odrade, ja predlažem da svaka tri mjeseca dobijemo informaciju iz Službe dokle se došlo sa ovim planom, šta je u pitanju, da li ima investitora. Znači da smou toku i bitnoje da dovedemo jednog, dva investitora.

Znači ne možemo odjednom sve uraditi, ali ćemo početi sa da li hotelom, da li sa nečim drugim, otićemo u Etno selo Fis Vitez, na Vlašiću, izvinjavam se i tamo ima dosta stvari koje se što kaže mogu i prepisati i ovdje primjeniti.

Imali smo situaciju u Omegu mislim da je deveta ili deseta godina, kada je bilo dva sprava skoro nismo imali zaklupaca i uložio sam, ja i još jedan prijatelj, odnosno radni kolega, velike napore da dovedemo nju jorker ovdje i DM u Omegu. Kad smo doveli nju jorker i DM svi ostali su dolazili. Znači došao je i Daihman, onda smo imali problem, nismo imali dovoljno prostora. Siguran sam i ovdje. Ako mi, Grad uradi što treba da uradi, znači ono što je do Grada. Dođe jedan investor, da će ovo završiti i da ćemo, da ćemo mi ostati upamćeni da je ovo nešto što i građani Tuzle i ovaj grad zaslužuju. I što se tiče nas, evo što je rekao i predsjednik Kluba Bosanske stranke da dajemo punu podršku i sigurno ćemo dati sve od sebe da i mi učestvujemo i učestvovat ćemo u ovome.

Ja svoj godišnji odmor ću provesti ove godine u etno selima, znači neću nigdje ići, ići ću i u Petrovac Etno selo i u Konjic i nadam se da ću i ovdje dočekivati svoje goste koji će dolaziti meni.

Mi imamo zaista još jednom da ponovim, lijepu državu, 30 puta sam prošao Bosnu. Ni jedno mjesto nema gdje nemam prijatelja i zaista trebamo koristiti ovo što imamo.

Tako da vas pozivam da zaista damo podršku i ubuduće, znači svaki tri, šest mjeseci da vidimo gje smo došli sa ovim planom.

Jedna opaska, nije replika Sabahudinu Imamoviću, ova Služba je, tako sam dobio informaciju nije izborna godina 26 putni pravaca se radi ili je urađeno u ovoj godini i evo put za Rasovac je konačno završen i ovaj put zaista čestitam, ali znači ne samo to i u Gornjoj Tuzli i u mnogim mjesnim zajednicama se radi, a nije izborna godina. Hvala.

ALEKSANDAR VUJADINOVIĆ

Hvala lijepo. Rejhana Dervišević, SDP. Izvolite.

REJHANA DERVIŠEVIĆ - vijećnik Socijaldemokratske partije

Zahvaljujem predsjedavajući, pozdravljam srdačno sve vijećnike, goste i ostale koji prate. Dakle, za očekivati je ovoliki broj vijećnika, koji su danas tražili riječ, jer se zaista radi o nečemu za što su građani Tuzle itekakko očekuju dugu, očekuju uređenje prostora Ilinčice koja je tradicionalno godinama okupljališe građana i građanki Tuzle, dakle osobito za 1. maj.

Isto tako vjerujem da mnogi od vas pamte školske izlete i sportski dan koji su redovito osnovne škole organizirale, bar u vrijeme kad sam ja bila dijete.

Nikada veće potrebe u ovakovom vremenu da se uređenjem područja Ilinžice omogući terapija i dugu i tijelu čistim zrakom.

Podsjetit će na podatke Svjetske zdravstvene organizacije da je Bosna i Hercegovina najzagađenija država u Evropi, a naš grad je tokom prošle zime vrlo često proglašavan najzagađenijim gradom u Bosni i Hercegovini i mišljenja smo da je dakle nikad važnije bilo sačuvati šumu Ilinćice i od šumske krađe ali isto tako izvršiti pošumljavanje i obnovu flore koja itekako sprečava pojavu klizišta. Ovo govorim s stručnog aspekta. Uključujući dakle izgradnju svih ovih pratećih objekata za odmor, sport i rekreaciju koji uključuju naravno i prateću infrastrukturu kako bi Ilinćica dobila tretman javnog parka.

Ona će se promovirati kroz turističke potencijale, ali ja takođe bi dodala da je prostor Ilinćice isto tako interesantan da bude i područje geo parka koji se može promovirati kroz geoturizam.

Ono što hoću reći da je, vrlo kratko naravno, da je geološka historija tuzlanskog bazena vrlo kompleksna i da ona predstavlja pravi dragulj geološke baštine koji se uz adekvatno dakle planiranje i promociju i prateću infrastrukturu može biti vrlo važna destinacija stručnja, kako za studente i eksperte u geološkim naukama, ali isto tako i za sve one koji su zainteresirani za geološku prošlost ovih prostora, a osobito dešavanja koja su bila u miocenu. Stoga znači izgradnja žičare koja se maloprije spomenula bi učinila Ilinćicu još bližom i dostupnijom svim našim posjetiocima, građanima, ljubiteljima prirode itd. stoga znači puna podrška realizaciji ovog plana koji smo danas pogledali i s nadom da će naravno Ilinćica vrlo brzo postati, odnosno ponovo postati omiljeno okupljalište i građanima Tuzle i brojnih drugih posjetilaca kojih je zaista sve više u našem gradu. Zahvaljujem.

ALEKSANDAR VUJADINOVIĆ

Hvala lijepo. Slijedeća se za riječ javila vijećnica SDP-a Merima Softić Sprečić. Izvolite.

MERIMA SOFTIĆ SPREČIĆ – vijećnik Socijaldemokratske partije

Hvala predsjedavajući. Pozdravljam sve prisutne goste, medije, gradonačelnika, pomoćnike, službe, kolege i koegice vijećnike.

Ja bi evo, predhodnici su zaista puno toga rekli i drago mi je što nas ovoliki broj učestvuje u današnjoj, ne bi rekla raspravi, nego evo diskusiji, idejama što dajemo svoje mišljenje. Prije svega pozitivno mišljenje na jednu ovakvu ideju.

Kao sportista mogu reći da nisam, da nisam mogla da ostanem u klupi iako smo uzeli već dosta vremena za govornicom. Ilinćica je bila mjesto gdje sam ja kao sportista koji je evo na neki način postigao mnogo toga, provela svoje najbitnije korake. Tu sam u suštini trenirala dok su svi drugi trenirali po svijetu sa nekim najmodernijim spravama, ja sam na Ilinćici upoznavala kakva je, upoznavala sve njene staze. Tu sam sticala svoju kondicijsku spremu kako bi na teren izašla sa onim najsnažnjima i sa onim koji su imali najmodernije sprave kako bi se pripremili za svjetska i evropska takmičenja.

Ovo pričam iz jednog razloga što je za sve sportaše Ilinćica jedna tačka u kojoj oni, želimo da iskoristimo potencijal Ilinćice. Mi koji koristimo Ilinćicu znamo koliko Ilinćica može dati. Oni koji nisu koristili možda i ne znaju koliki je to kapacitet.

Unutrašnjost Ilinćice je predivna, velika, široka, vazdug je uvijek čist. Izvorska voda prirodna koja je trenutno nezaštićena. To je jedan, sve ovo što mi danas radimo. O čemu pričamo će zaštiti Ilinćicu da ne propada. Pomoće našem ugodnjem i boljem načinu života. Definitivno.

Blizina Ilinćice našem gradu je nešto što je posebna prednost gradu Tuzla. Mi možemo da napravimo karantin pripreme za sportiste ali u našem gradu. Ne moramo da ostavljamo pare,

ne u svim drugim gradovima, nego u drugim državama u kojima idemo i treniramo naše sportaše.

Ovo je za mene jedan idejni projekat, vjerovatno njegov proces stvaranja neće biti baš kratak, u konačnici, da bi u konačnici izgledao onako kako želimo, ali vrijedi čekati.

Otvaranjem ovih projekata znači osnaživat ćemo jedan po jedan objekat. Na nama je, nadovezat ću se na diskusiju gospodina Mensura Alića. Na nama je da mi radimo promociju, da mi dovodimo investitore, svako iz svoje interesne sfere.

Evo ja ću uraditi sve, kao sportaš, da sve sportiste, sportske klubove iz područja, ne samo Bosne i Hercegovine, negdje gdje im je skuplje plaćati pripreme, da oni dođu u naš grad, u Tuzlu, na Ilinćicu, jer mi moćemo imati jedan kompletan zaokružen trenažni proces. Imamo blizinu Mejdana čije usluge su jeftine. Imamo blizinu sportskih terena otvorenih stadiona Tušanj, čije usluge su takođe jeftine. Imamo, odnosno besplatne za građane i za korištenje u ovu svrhu. Imamo i naša Panonska jezera. Imamo Banju koja je takođe besplatna i jeftina, koja je pluća sa svojim borovima u centru grada i imamo jednu Ilinćicu.

Mislim da svi trebamo raditi na promociji, na privlačenju investitora. Na nešto što će našem gradu, ne koliko će ovo koštati, nego mi trebamo raditi na tome i govoriti koliko će naš grad zaraditi na ovome. A naša djeca uštediti na tome što neće odlaziti iz našeg grada kakko bi koristilo ovakve i slične usluge.

Evo ja pohvaljujem zaista ovaku jednu ideju. Drago mi je što svi, naravno da imamo pozitivno mišljenje o svemu ovome. Zašto se to nije moglo uraditi prije, moramo ići od toga da smo grad morali uljepšati i dovesti u tu situaciju da investitorima bude lakše i bolje na ovaku jednu ideju se, da ne kažem, žargonski i zalijepiti. Eto hvala vam svima što ste saslušali.

ALEKSANDAR VUJADINOVIĆ

Hvala lijepo. Slijedeći je Elvir Kasumović, vijećnik SBB-a. Izvolite.

ELVIR KASUMOVIĆ – vijećnik Saveza za bolju budućnost

Zahvaljujem se predsjedavajući. Želim da pozdravim sve građane grada Tuzle koji će ovu sjednicu pratiti putem malih ekrana i svima prisutnim u ovoj sali želim da pozdravim.

Moje buduće izlaganje neće nikako promijeniti odluku našu jel po pitanju ove podrške, davanju podrške ovom zoning planu, međutim, želim malo da iznesem nekih detalja koji su u ranijem periodu bili kao praksa Gradske uprave pa s tim u vezi želimo biti oprezni.

Prije svega evo traži se evo od nas da dovedemo, da pokušamo dovesti određene investitore. Evo ja sam u razgovoru sa određenim osobama jel, koji su već imali kapacitete i imaju na području grada Tuzle, kad su trebali ti kapaciteti da se šire mi smo posredovali tome da se dovedu, da se napravi sastanak sa šefom nadležne službe i gradonačnikom pa smo poslije toga bili zaobiđeni u daljim razgovorima i rezultiralo je time što su sad te firme svoje kapacitete napravili na području drugih općina koje gravitiraju uz grad Tuzlu.

Mislim da to nije dobro. Ako je gospodin Mensur Alić rekao da ima određene investitore onda treba jasno i glasno reći da je gospodin Mensur Alić i zahvaljujući njemu ti investitori da su došli u taj grad i da je on doprinjeo svemu tome, a ne treba bježati od toga da se Mensur Alić bilo u kakvim daljim pregovorima eliminiše iz razgovora po pitanju investicija i investitora, naravno.

Isto u ranijim izlaganjima sam čuo da je Ilinćica poznato izletište Tuzlaka. Da, ona je bila poznato izletište do početka ovih ratnih dešavanja i nakon toga ništa više gore se nije dešavalо, osim sporadičnih okupljanja omladine i sami znamo. Ja nekoliko puta sedmično prođem tom dionicom i znam jednostavno šta se gore, evo već se krenulo u rekonstrukciju putne

infrastrukture, počela su se ona klizišta gdje su se pojavila na određenim dionicama, vrši se sanacija terena itd.

Znači i neposredno u blizini je i moja porodična kuća, tako da sam kao dijete vrlo često gore boravio. Nepoznata mi je tačno ovaj dio Ilinćice ne mogu jednostavno da se orijentišem gdje bi se ovo tačno nalazilo, međutim, želim da predložim jedan zaključak, evo iz izlaganja i vijećnika i službe primjetio sam da nema nekog sinergičnog rada između nadležne službe za imovinsko-pravne odnose i direkcije. Prema tome, ove dvije službe moraju zajednički raditi na donošenju ovakvih planova.

Iz kog razloga? Baš iz tog razloga što ovaj plan danas izgleda kakav jeste a sutra već neće izgledati takav. Iz tog prostog razloga što neko jednostavno ili neće ili ne želi ili nametne određenu cijenu gdje ne možemo otkupiti to privatno zemljište.

Znači moramo imati sinergiju između ove dvije službe koje bi slijedeći put kad nam se prezentuje da znamo da je to 100% vlasništvo Grada Tuzle. Da ne bi se dešavalo da isto tako Grad Tuzla proda određene parcele, neznam investitorima itd. a onda kasnije ti ljudi budu dovedeni u opasnost, odnosno moraju da rješavaju imovinsko-pravne odnose koji su zaostali iz nekog ranijeg perioda zato što ta služba nije to na vrijeme riješila.

A to je neozbiljan odnos prema investitorima. Ako tako jednom investitoru uradimo slijedeći već neće doći. Oni između sebe izuzetno dobro surađuju. Znate kako, a to evo privrednici bolje znaju od mene. Oni prvo dolaze onim investitorima koji su već investirali u grad Tuzla pa sa njima prvo obave razgovor, tek onda idu u Gradsku upravu.

To se raspitajte. To je sigurno tako. Znači, ukoliko raniji investitori nemaju dobra iskustva sa nadležnim službama, odnosno Gradskom upravom nećemo imati ni slijedećih investicija.

Ako se samo budemo bazirali na to da domaći investitori urade određene planove, mislim da i to nećemo onda realizovati. Hoćemo u nekom procentu, ali mislim da je to mali udio svega toga.

Prema tome, kažem, ovo moje izlaganje je malo, želim da budem oprezan po ovom pitanju. Dosta lijepi slika, dosta toga čak bolje možda nego što bi i ja želio da to bude i tako dosta utopijski izgleda sad volio bi da se ovo u sve bržem i rekordnom roku jel realizuje da ove generacije koje već postoje na području grada Tuzle i žive da ne propuštaju nešto što se može riješiti odmah, a da se rješava u narednom periodu.

Prema tome, evo kažem mi ćemo izuzetno nam je dragو što se ovako nešto prezentovalo i nama i građanima grada. Mi ćemo to podržati kao Klub, ali evo uz određene jel da kažem uz određeni oprez, poučen nekim ranijim iskustvima.

ALEKSANDAR VUJADINOVIĆ

Hvala. Vijećnica HDZ BiH Jasmina Mijatović. Izvolite.

JASMINA MIJATOVIĆ – vijećnik Hrvatske demokratske zajednice

Hvala gospodine predsjedavajući, pozdravljam sve nazočne. Obzirom da je riječ o nacrtu nisam imala namjeru da govorim o ovom aktu. Međutim i obzirom na svoje nezadovoljstvo radom Komunalne službe i mnogih službi u gradu Tuzla, kako moje nezadovoljstvo, tako i nezadovoljstvo građana ovaj put svjetla točka je ovaj zoning plan i želim da vjerujem da neće biti futuristički kao što su već kolege rekli za realiziranje GAP projekata i svega onoga što je prevažno za grad Tuzla.

Ovaj projekat je izuzetno važan i za mene i nekako sam emotivno ga izčitavala i promatrала, imajući u vidu činjenicu, da je to kraj koji izuzetno dobro poznajem i kraj koji graniči, ili je nekim dijelom, kao što reče kolega Elvir, ne mogu se baš snaći, postavljen u dijelu

koji je moja pra pradjedovina, tako da je prevažno i sa emotivne strane, ali i sa strane osobe koja živi u gradu Tuzla da jedan takav projekat zaživi.

Trenutno stanje na terenu je takvo, a možda će biti slobodna da dopunim zaklučak kolege Ajanovića koji se osvrnuo na putnu infrastrukturu, je da kolovozne trake koje graniče sa klizištem, imajući u vidu činjenicu da je tokom proteklog rata taj dio šume sasjećen i da su se pojavila klizišta. Da predložim dopunu da se obilježi na propisan način kako bi građani i vozila bili bezbjedni za prolaz jer poznajem i znam jednu situaciju koja se desila u praksi da je osoba zbog neobilježenog dijela automa sletila i imali smo smrtni ishod.

Mislim da je to prevažno, a takvih situacija na terenu u tim krajevima ima jako mnogo, pa čisto, ako se kolega Ajanović ne buni, dopuna njegovog zaključka u dijelu obilježavanja, proširenja, da se obilježi i kraj kolovozne trake.

Znači već sam kazala da me raduje činjenica što se ovakav projekat pokazao vidljivim danas na sjednici Vijeća što možemo u budućem periodu očekivati njegovu realizaciju, imajući u vidu činjenicu da je i kolega alić rekao da se već potencijalni investitor pojavio, no imovinsko-pravni odnosi, o kojima je kolega Elvir kazao, imaju svoje utemeljenje na način da je teško realizirati neki projekat i zoning plan upuštajući se u pojedinačne parcele i sve ono na što građani tih krajeva gdje smo radili planove, imaju pravo.

Na želim da vjerujem da će imovinsko-pravni odnosi biti jedna od smetnji u budućem realiziranju ovog projekta i da ćemo imati sjednicu kome ćemo prolongirati tako nešto jer je ovo projekat koji je izuzetno važan za građane grada Tuzle.

Obzirom da smo već imali jedan zaklučak koji govori o komunalnoj infrastrukturi u sadašnjem stanju i obzirom da smo imali priču o Aerodromu Tuzla koji je veoma značajan za grad Tuzla i strateški jedan od značajnijih projekata kako bi realizirali i ovaj pa i buduće projekte, a poznavajući stanje na terenu, ja predlažem zaklučak da nadležne gradske službe, ukoliko nisu do sada, hitno apliciraju i predlože projekat kod nadležnih institucija i organizacija za izgradnju nogostupa, trotoara na putu Tuzla – Dubrave prema aerodromu, iz razloga što se kolovoznom trakom pješaci koji moraju proći tom dionicom puta kreću jer nije izgrađen trotoar.

Mislim da je to prevažno. Taj dio nema ni osvjetljenje. Nije izgrađena ulična rasvjeta i to je nešto što, imajući u vidu sva izlaganja koja smo imali danas, zahtijeva posebnu pažnju i eventualno da bude dio zaključaka koje danas Vijeće usvaja.

U konačnici ću kazati da želim da vjerujem, da ne bude daleko futuristički ovaj plan i da će svoju realizaciju doživiti u skorije vrijeme. Hvala.

ALEKSANDAR VUJADINOVIĆ

Hvala lijepo. Ivica Kovačević, vijećnik HDZ BiH.

IVICA KOVAČEVIĆ – vijećnik Hrvatske demokratske zajednice

Cijenjeni predsjedavajući, zamjeniče predsjedavajućeg, sekretaru Vijeća, kolegice i kolege vijećnici, predstavnici izvršne vlasti na čelu sa gradonačelnikom, gosti, predstavnici medija, sve vas srdačno pozdravljam u ime Kluba HDZ-a Bosne i Hercegovine budući da se evo danas prvi put javljam za riječ.

Biće vrlo kratak. Kolege su mnogo toga još rekle i ono što podpisujem jeste sve ove pohvale dakle koje su izrečene na adresu dakle Zavoda koji je ovo sve fino pripremio, pohvale naravno i gradonačelniku i njegovim službama da smo krenuli, da konačno kreće ova priča u realizaciju. Naravno ima i kolege mi iz oporbe koji smo malo spominjali da je puno bilo tih nekih planova koje smo ovdje usvajali, a do sad nije puno urađeno. I to naravno stoji. Nadam se da ovaj plan neće biti jedan od tih planova. Meni se u biti danas i zbog čega sam izašao nije svidjela samo jedna stvar, pa bih to evo ovdje želio i reći, a to je da nekako kroz izlaganja sam

stekao dojam da mi u biti čekamo na neki vid realizacije ovog plana, čekamo neku investiciju, čekamo ljudе koji bi ulagali novce.

Mislim da i mi kao zajednica trebamo ući čak i prije toga. Dakle, ono što mi možemo gdje sredstva nisu neka velika, hajmo krenuti, jer je par puta ovdje izrečeno, kao kad se pojavi investitor, e onda ćemo mi ceste, rasvjetu, ovo, ono itd.

Mislim da možda ne trebamo ići tom logikom, mislim da trebamo već mi krenuti pa će onda možda to biti i dodatni poticaj investitorima. Evo dakle samo ta opaska koju sam želio ovdje izgovoriti. Hvala lijepa.

ALEKSANDAR VUJADINOVIĆ

Hvala lijepo gospodinu Kovačeviću, ovim zaključujem. (MIRNES AJANOVIĆ - Samo jedno.) Vijećnik Mirnes Ajanović.

MIRNES AJANOVIĆ

Ovo samo na kraju što je proizašlo iz rasprave. Dosta kolega pita ne razumijemo ovu sliku. Nemojte se praviti vi iz Urbanizma pametni na način da nas pravite da ne znamo. Kod svake slike, od sad zaključak, da se jasno stave šta odprilike se gdje se nalazi, ono što se može toponim, prepoznavanje bilo šta da možemo mi prepoznati kao vijećnici.

Dakle, uz svaku sliku gore da se napiše šta je odozgo, odozdo, odprilike gdje. Da se može prepoznati šta je. (Obuhvat.) Obuhvat da se napravi šta je.

Vijećnici, evo čuo sam kroz raspravu ne znaju, gdje je ovo, šta je ovo, kako ovo stoji, pa gledaju nešto ovo.

Bijećnici to ne znaju, to je dokaz loše pripreme ovog materijala. Od stručnjaka koji trebaju nama koji nismo stručni da prikažu šta je. Kako će ovo sad znati investitor? Gdje je ovo? Dajte mi jednog ko će ovo sad ovde obrazložiti gdje se ovo nalazi. Evo izvolite, izadite.

Svi gledaju u ovo, a niko ne zna gdje je. Ili ako stavimo na stranicu tuzla.ba pojma niko nema gdje je ovo.

E to je loš rad stručnjaka koji navodno kao mi znamo gdje je. Jeste zato što ima širi obuhvat. A nama stave nešto usko, usku prezentaciju i gledate ovo ne znate gdje se nalazi.

Evo neka izade vijećnik neka objasni. E, obaveza dakle, uz sav materijal, zoning, regulacioni, prostorni, šta god hoće, od Zavoda od stručnjaka, pogotovo direktora koji to potpisuje, bude obaveza definisanja da znamo gdje. Neka se potruđe da kaže, gore neka napiše obrazloži, stavi. I nema nama ovo u boji nije došlo. Zaključak Vijeća je da mi kao predsjednici klubova dobijemo bar, pa da možemo svojim članovima kluba objasniti kada nas pitaju gdje je ovo, dobijemo crno bijelo izmeljano. Pogledajte. Otvorite materijale izmeljano, ne vidite ništa. Ni jedan materijal koji smo mi dobili ne vidi se niti se vide slova šta piše. Ničega nema. Potpuna je neodgovornost službe prema Gradskom vijeću, nije službe, izinjavam se, Zavoda za organizam.

Dakle, obavezan zaključak da se mora nastaviti napraviti prepoznavanje gdje se to nalazi, širi obuhvat ako treba, šira karta da obavezno mora biti, da znamo, da pogledamo po lokaciji gdje se to nalazi.

i da ubuduće nema ovakvih stvari. Gradonačelnik uloži trud, napravi se, nije on stručnjak za ovo, on je pravnik i ja sam pravnik. Mi ovim ne treba da se bavimo. Moramo to prepoznati kad pogledamo šta je, a naravno uvjek će biti ta krupna slika. Pa mora biti dakle taj krupni dio. Mora biti i šira prezentacija da znamo gdje se nalazi, u kakvom je to obliku u široj prezentaciji cijelog područja. Eto da ovo bude dio zaključka kako bi mi imali priliku da to vidimo i u boji da dobijemo.

Ne vidi se, pogledajte, dajte mi samo jedan materijal, kolega dajte vi. Pogledajte ovo. Je li iko ovo može od vijećnika da pročita šta je? Niko. Drugu sliku, ništa. Izmeljano ne vidi se. Ne moguće je. To ne zahtijeva, to je nikakav novac dostaviti u boji da vijećnik može pogledati, da vidi šta je, ovako kad vi vidite, pa ovo je malo svjetlijе, pa ono malo tamnije, pa ono još svjetlijе, sve zeleno.

A ovamo kad mi dobijemo crno. Nema nigdje zelenog. Ne može bez zelenila, govorim o rekreacionom parku. Hvala.

ALEKSANDAR VUJADINOVIĆ

Hvala lijepo. Gradonačelnice izvolite.

JASMIN IMAMOVIĆ – Gradonačelnik Grada Tuzla

Ivice zahvaljujem, Mislim sad da bi pravio uvodno izlaganje, pa ne bi rekli nađemo investitora pa mi krenemo raditi. U stvari bolje će se investor privući ako mi već one koje su neophodno potrebne stvari, a neke su stvari neophodno potrebne da se urade, krenemo što prije u to.

Kolegice Jasminka neko je nezadovoljstvo pa da vi ne pamtite Tuzlu od prije 15 godina, ja bi to razumio. Pa sjećate li se vi kako je Tuzla izgledala prije 15 godina? Pa prošetajte malo gradom. Nikad nije bila ljepša. Evo sad prošetajte gradom.

Ovo su komplimenti koje ja dobijam od ambasada, ambasadora i velikog broja turista iz inostranstva. Ono što sam zapazio različiti ambasadori. Ljudi dolaze u ove javne ustanove itd. ne vide ono što je istorijska jezgra i ono što su jezera. Dakle, obaramo rekorde po broju turista iz drugih država. Pa zašto dolaze ti ljudi ovdje? Zašto je u nedelju veću osam ujutro bio 17 autobusa izdaleda? Zašto dolaze ljudi iz Osijeka? Iz Loznice, iz Novog Sada, iz Županje, iz Pečuha?

Dakle, radi se o velikom broju projekata koji su realizirani i Tuzla je ljepša neuporedivo sad nego prije 15 godina. Iako mi zato što postoje kantoni najmanje iz PDV-a primimo u Evropi. 8,5%. Čak u Republici Srpskoj tri put više prime pa i 4,5%. Građani Federacije pate jer postoje kantoni. Je li to neko neda da to se ukinu te državice? Evo recimo Danska, Švedska, Finska, to je između 45 i 47%, Italija 35%. Ljudi ne vjeruju kako mi malo para primimo. Meni kolege iz Republike Srpske ne vjeruju koliko je to malo. Tripot više prime u Republici Srpskoj nego u Federaciji jer imamo kantone. Pomozite nam kolegice da ukinemo te kantone, da spasimo građane Federacije jer ćemo bankotirati. Jer kantoni milijardu i 100 duguju. Dakle, moramo biti pošteni. Moglo je brže.

Mnogi su projekti mogli biti brže realizovani. Ali nije Tuzla nikad bila ljepša. I to nam je zadovoljstvo toliko itd. A ako se dođe do racionalizacije federacije, ako prestane biti iracionalna sa 11 premijera, 142 ministra, 300 pomoćnika, 300 savjetnika, armijom onih koji žive od toga, ako do toga dođe e onda će se Tuzla tri puta brže razvijati.

I onda će biti više naših zajedničkih snova koji će biti ostvareni prije. Samo zapislite da nam je triput veći budžet šta bi to bilo.

Ja vas molim, projekat je da li je realan, pa evo, misim bilo je za više projekata pitanja takvih kolega Delaliću. Govorili su nam nije realno da se ukinu redukcije vode, nisu realan, da bude u Tuzli turizam itd. Neke ideje su se pokazale nerealnim, neke su realizovane.

Dakle, to su, mi moramo sanjati najbolje, pa makar u tome ne uspjeli, ali ako to pošteno zasanjamo. Dakle, u nekim nismo uspjeli zajedničkim snovima, a u nekim smo uspjeli. Jer put od, ja volim onako kada je neko nesporan, evo ova od c, znači istorija civilizacije jedan od najjačih jel. I put od deset hiljada koraka počinje prvim korakom. Dakle, važno je da mi krenemo.

Tako da su neki projekti više nego, mi smo sami iznenađeni kako su neki projekti uspjeli, ali je važno da smo u to hrabro krenuli.

Dolazilo je više zainteresiranih investitora, međutim, prvoga zainteresiranog investitora je doveo gospodin Mensur Alić. I ono što se meni dopalo kod tog čovjeka je što taj čovjek ima san da to napravi. On ima to želju da to napravi.

Osim tog investitora koje sad ne možemo govoriti napamet, odnosno nije fer da spominjemo imena, su bila još dva investitora, jedan iz Tuzle, a jedan iz inostranstva.

Još dva. Ono što je moj posao jeste da kažem svakom investitoru, Zakon o stvarnim pravima je takav i takav, takve su propozicije. Javite se uredno na konkurs koji raspišemo i pobijedite.

Dakle, ako mi, ovo što Ivica kaže, prije krenemo s cestom itd. postićemo veću cijenu. Ja se slažem na lokaciji. I šta je onda? Pa možda uspijemo, možda zatvorimo sve unutar ovoga kompleksa. Za prodaju lokacije pare od kojih će se napraviti najveći dio u tom istom prostoru komunalnih objekata. Naravno to nije, to nije uslov. Prodavat ćemo mi lokacije i u drugim dijelovima Tuzle.

Dakle, i nakon ove rasprave ja se nadam, javit će se još investitora. Naš je interes, imovinski interes grada, da se pojavi što više investitora i da se oni nadmeću i neka pobijedi onaj ko je spreman najviše novca uložiti u budžet Grada uz ostale zakonom propisane uslove.

Ali eto, možda je ovaj kojeg je doveo Mensur. Dakle, čovjek o tome mašta. To mu je san. Pa zamislite recimo da takav na licitaciji, javnoj licitaciji pobijedi. To bi bilo dobro.

Ja se ne razumijem u privatni biznis. Nikad to nisam radio. Ne volim nikoga da savjetujem, ali čini mi se recimo, pa čini mi se da bi se ovo moglo isplatiti onome ko uloži novac. Da bi to mogla biti rentabilna investicija. Ja i poduzetništvo je li, cijeli život radim u državnoj službi, možda i nisam kompetentan savjetovati druge. Biće prepreka. Biće prepreka. Individualni parcela. Biće prepreka klizišta. Biće prepreka možda imovinski odnosa. Možda se neko tamo zainati itd. I da će ovi dosadašnji neki regulacioni planovi. Pa oni samo zavise od investitora.

Čitav onaj Grabov potok to je namijenjeno za investitore. Ako investitori se ne jave da prave tamo zgrade, neće nikad taj plan biti realizovan, a ovaj zavisi i od investitora i od nas.

Eto to je jedina razlika. A na nama je da mi što prije napravimo regulacioni plan. Pa kad se pojavi interes da krene njegova realizacija.

Davno smo recimo Grabov potok napravili. Nema zainteresovanih investitora i dok njih ne bude mi ne možemo to realizirati.

Meni se sviđa plan. Bitno je da je ovo prvi korak. Nacrt je prvi korak, prijedlog je drugi korak da mi u to krenemo.

Put od deset hiljada koraka počinje prvim korakom. i ja mislim da nije samo u meni taj entuzijazam. Ja nisam čuo vijećnika ili vijećnicu da nije ovdje za govornicom ispoljila, ispoljio entuzijazam. Ako je nas sa entuzijazmom za ovaj projekat Ilićice toliko onda taj projekat mora, mora uspjeti. Eto.

ALEKSANDAR VUJADINOVIĆ

Hvala lijepo. Replika. Jasmina Mijatović. (Ispravka krivog navoda.) Ispravka krivog navoda.

JASMINA MIJATOVIĆ

Ako kolega Alić je živo bio zainteresiran za realiziranje ovog projekta onda sam i ja i cijenim napore kolege Alića, poštujem i to je za svaku pohvalu.

Ispravak krivog navoda je u dijelu da sam ja kazala da nisam zadovoljna, a ne znam imati itko od nas da je zadovoljan funkcioniranjem komunalne službe na način izgradnje i održavanje infrastrukture u svih 40 mjesnih zajednica, imajući u vidu činjenicu da imamo GAP projekte, činjenicu da se ti projekti ne realiziraju, čak i 15 i više godina, činjenicu da se kreditno zadužujemo da nemamo informaciju o realiziranju kreditno zaduženih projekata i činjenicu da je to sve neophodno za normalan život žitelja svih mjesnih zajednica u 21 stoljeću.

U 21 stoljeću mi u gradu Tuzla imamo mjesne zajednice koje nemaju vodu. Imamo mjesne zajednice koje nemaju puteve ili imaju stare puteve koji se ne održavaju. Imamo prioritete koji se rješavaju ili se ne rješavaju. Imamo puteve koji se naspu samo kamionom kamena. Imamo puteve koji su uništeni klizištem i čekamo non stop neke rebalanse i nove proračune da ih riješimo. Imamo čak mjesne zajednice koje nisu opskrbljene strujom na adekvatan način i to je ono što je polazna osnova za sve druge projekte i nadgradnju o kojima je načelnik govorio i koje mi svi građani, pa i vijećnici ovdje podržavamo.

Znači nesporna je činjenica da ovaj i sve druge projekte koji će privući strane investicije, koji će otvoriti nova radna mjesta i koji će stvoriti okruženje ugodnog življenja, je veoma značajno i svi mi to zajedno podržavamo. No ne znam kako možemo izraziti zadovoljstvo nečim što je evidentno na terenu. Ako smo prije par godina, ne tako davno govorili da ako Tuzla postane grad onda ćemo riješiti ovo, ovo, ovo. Ako danas govorimo ako se ukine kanton, onda ćemo riješiti neke probleme. Šta je sutra neophodno da se ukine u ovoj državi da riješimo ono ako?

Ako imamo Zakon o principima lokalne samouprave i Statut Grada i nismo u stanju riješiti mjesnu zajednicu a hoćemo uništiti ili riješiti neke druge probleme koji nisu u našoj nadležnosti, ja ne znam zašto se mi nismo razumjeli.

Znači, ja sam rekla da me izuzetno raduje ovaj projekat, da dajem, ne kao vijećnica HDZ-a Bosne i Hercegovine nego kao vijećnica Jasmina Mijatović potporu, jer sam emotivno vezana jer je to pra, pra moja djedovina.

Ako sam pohvalila napore kolege Alića ne znam što je razlog da ja ne izkažem svoje nezadovoljstvo koje nije moje nezadovoljstvo nego nezadovoljstvo građana koje čujemo na terenu.

Ako imamo situaciju da kolovoznom trakom se ljudi kreću, nemaju pješačku stazu. Ako imamo situaciju gdje su nakon evo i 2014. pa i ranije neobilježene kolovozne trake i imamo klizište. To su osnovni preduvjeti da se makar minimalizira normalno življenje u tim dijelovima.

Nitko od nas nije protiv ovog projekta. Čak se radujem ostvarenju njege. Na ovom terenu na način kako su predvidjeli stručne službe, uvažavajući činjenicu da ovoj zemlji je izuzetno potreban zdravino kapital i takve investicije koje će donijeti dobrobit.

Ja želim da vjerujem da će razvoj ovog grada i te zdrave investicije ukoliko ih privućemo na način kako je planirano, dovesti do rješavanja i socijalnih problema na način da će te investicije otvoriti nova polja, nova radna mjesta i time obogatiti pristojan život građana grada Tuzle i stvoriti normalne uvjete za opstanak na ovom terenu. To je moja bila priča.

ALEKSANDAR VUJADINOVIĆ

Hvala lijepo. Replika vijećnik Sabahudin Imamović, SDA.

SABAHUDIN IMAMOVIĆ - vijećnik Stranke demokratske akcije

Pa htio sam takođe istaći. Mi vijećnici u Gradskom vijeću nismo predstavnici turističke zajednice. Mi smo predstavnici građana koji žive na cijelom području grada Tuzla. Ima građana grada Tuzla koji nikada neće otići na Panonsko jezero zato što ih ne interesuje. Oni imaju druge

potrebe. Neko ide tamo da se kupa. To je njegov izbor. Drago mi je da ljudi dolaze iz drugih gradova iz inostranstva i da su zadovoljni onako kako Tuzla izgleda i ja mislim da je to naš zajednički uspjeh.

Tuzla izgleda puno bolje nego prije 15 godina i gradonačelnik će ući u istoriju ovog grada kao gradonačelnik sa najdužim stažom i najljepšom bradom i to nije sporno.

Ali je potrošio puno našeg novca naravno, ja mislim da je mogao biti potrošen na prioritete. Ja imam pravo, dok sam u ovim klupama, da ukazujem na probleme u ovom gradu. Na nedostatak sportskih igrališta, kanalizaciju, vodu itd.

Jednom je gradonačelnik ovaj grad podijelio, uporedio sa stanom, pa kao imamo primaću sobu, imamo spavaču sobu tu vjerovatno boravi dobar dio administracije i javni preduzeća, imamo špajz i balkon. Znači mi moramo zastupati ovi iz špajza itd.

Znači i vezano za kantone. Kažu običan svijet kaže, gradonačelnik je ukinuo mjesne zajednice, sad može i kantone. Ukinuo je mjesne zajednice koje ništa ne koštaju, a neće uspeti ukinuti kantone koji puno koštaju. Toliko. Hvala.

ALEKSANDAR VUJADINOVIĆ

Dobro. Zatvorena je rasprava klubova vijećnika i vijećnika. Zaključujemo raspravu i predlažem da oba materijala razmatramo u paketu a pojedinačno ćemo se izjašnjavati.

Sada stavljam na usvajanje NACRT: a) ZONING PLANA „REKREACIONOG PODRUČJA I PARK ŠUME ILINČICA“ U TUZLI i b) ODLUKE O PROVOĐENJU ZONING PLANA „REKREACIONOG PODRUČJA I PARK ŠUME ILINČICA“ U TUZLI.

Pitam vijećnike ko je za njihovo usvajanje, molim da digne ruku? (27) Ima li neko protiv? (Nema.) Ima li suzdržanih? (Nema.)

Konstatujem da je NACRT: a) ZONING PLANA „REKREACIONOG PODRUČJA I PARK ŠUME ILINČICA“ U TUZLI i b) ODLUKE O PROVOĐENJU ZONING PLANA „REKREACIONOG PODRUČJA I PARK ŠUME ILINČICA“ U TUZLI usvojeni jednoglasno sa 27 glasova za, nema niko protiv, nema niko suzdržan.

Izvinjavam se. Imamo zaključke. Zamolit ću sekretara da nam pročita zaključke koji su proizašli iz ovih diskusija.

MEDIHA NUHBEGOVIĆ – sekretar Gradskog vijeća Tuzla

1) Nacrt Zoning plana „Rekreacionog područja i park šume Ilinčica“ u Tuzli, upućuje se na javnu raspravu, koja će trajati 30 (trideset) dana.

2) Za provođenje javne rasprave zadužuju se Služba za prostorno uređenje i zaštitu okoline, Upravna organizacija Zavod za urbanizam Tuzla i Komisija za prostorno uređenje i zaštitu okoline.

3) U javnoj raspravi javnosti će biti dostavljene sve primjedbe i sugestije vijećnika iznesene u toku ove devete redovne sjednice Gradskog vijeća Tuzla.

4) Gradsko vijeće Tuzla upućuje molbu Policijskoj upravi Tuzla, da sa ciljem povećanja bezbjednosti građana na lokalitetu „Ilinčica“ vrše u skladu sa mogućnostima vrši povremenene obilaskе.

5) Traži se od Službe za komunalne poslove izgradnju i pitanja mjesnih zajednica, da na cesti, koja prolazi kroz mjesnu zajednicu Kula prema lokalitetu „Ilinčica“ u skladu sa zakonskim i faktičkim mogućnostima realiziraju proširenja na cesti i vrše popravku i rekonstrukciju oštećenih dijelova, kao i da se kolovozne trake, koje se graniče sa klizištima iz sigurnosnih razloga obilježe na propisani način.

6) Traži se od nadležnih gradskih službi, da ukoliko to do sada nisu uradili kod nadležnih organa i institucija apliciraju i traže realizaciju trotoara na putu Tuzla-Dubrave.

7) Na web stranici Grada Tuzla, promovirati Rekreaciono područje i park šume Ilinčica“ u Tuzli uz poziv potencijalnim investitorima, da konkurišu na zemljишte u ovoj zoni.

8) Gradsko vijeće Tuzla, traži da se nakon usvajanja Zooning plana Rekreacionog područja i park šume Ilinčica“ u Tuzli, Gradsko vijeće redovno, a po mogućnosti svakih tri do šest mjeseci, informiše o aktivnostima na pronalasku potencijalni investitora za realizaciju navedenog Zooning plana.

9) Nakon usvajanja Zooning plana Rekreacionog područja i park šume Ilinčica“ u Tuzli, potrebno je što prije pristupiti rješavanju imovinsko-pravnih odnosa a sve sa ciljem realizacije Zooning plana i izgradnje planiranih objekata.

10) Ubuduće kod svake prezentacije detaljni planski dokumenata uz legendu naznačiti obuhvat sa karakterističnim mjestima i toponimima (MIRNES AJANOVIĆ – Radi boljeg prepoznavanja.) radi boljeg prepoznavanja.

ALEKSANDAR VUJADINOVIĆ

Hvala. Elvir Kasumović. Izvolite.

ELVIR KASUMOVIĆ

Mislim da su dva zaključka pročitana pod brojem osam. Pa da se opet prebroji broj zaključaka koje smo, da ne bi bilo da neki zaključak nije. (Greška.)

ALEKSANDAR VUJADINOVIĆ

Hvala lijepo. Onda pitam, stavljam na izjašnjavanje pročitane zaključke, pa pitam vijećnike ko je za to da se usvoje pročitani zaključci, , molim da digne ruku? (27) Ima li neko protiv? (Nema.) Ima li suzdržanih? (Nema.)

Konstatujem da su zaključci jednoglasno usvojeni sa 27 glasova za, nema niko protiv, nema niko suzdržan. Hvala Kasumoviću na sugestiji.

Prelazimo na treću tačku Dnevnog reda:

ODLUKA O ODOBRAVANJU POKRETANJA KONKURSNE PROCEDURE ZA DODJELU STANOVA U VLASNIŠTVU GRADA TUZLA

Predlagач je Gradonačelnik Grada Tuzla.

Obrađivač je Služba za boračko-invalidsku zaštitu, stambene poslove i integraciju raseljenih osoba.

Materijal su razmatrali Komisija za statutarna pitanja i propise, Komisija za prostorno uređenje i zaštitu okoline, Komisija za ekomske odnose, Komisija za stambene poslove i klubovi vijećnika.

Napominjem, da je na Odluku o odobravanju pokretanja konkursne procedure za dodjelu stanova u vlasništvu Grada Tuzla u pogledu usaglašenosti sa zakonom i propisima, pozitivno mišljenje dalo i Gradsko pravobranilaštvo Tuzla (mišljenje broj: M-33/17. od 08. 06. 2017. godine).

Vijećnicima je uz materijal proslijeđen i Izvod iz knjige položenih ugovora.

Pitam prisutne, da li ima potrebe, da u skladu sa članom 68. Poslovnika Gradskog vijeća Tuzla predlagач ili obrađivač daju uvodno izlaganje? Nema.

Pitam da li ima potrebe da se pročitaju izvještaji komisija? (Nema.) Nisam čuo šta ste rekli. Pa dobro možemo kroz raspravu klubova vijećnika. Otvaram raspravu klubova vijećnika. Evo možete odmah dobiti riječ. Predsjednik Kluba vijećnika SBB-a. Izvolite.

ELVIR KASUMOVIĆ

Interesuje me status ovih stanova. Da li se radi o čisto narušenim stanovima, odnosno da li se radi o nekim stanovima koji nisu riješeni imovinsko-pravni odnosi, pa će se vršiti deložacija. Da li su jednostavno narušeni ti stanovi, odnosno da li se u njima neko nalazi, da li će doći do određenih deložacija itd. To me interesuje.

ALEKSANDAR VUJADINOVIĆ

Dobro, može to pitanje obrađivač materijala poslije da odgovori na eventualna pitanja. Predsjednik Kluba vijećnika BOSS Mirnes Ajanović. Izvolite.

MIRNES AJANOVIĆ

Ovaj materijal je bio na prošloj sjednici Gradskog vijeća i na prijedlog Komisije za statutarna pitanja i propise, evo tu je i predsjednik i na moju inicijativu je vraćen. Mi smo tražili upravo ova obrazloženja koja je kolega Elvir Kasumović sada postavio, dakle predлагаču materijala, tražili smo od njega obrazloženje i u tom trenutku je bio zaključak da bi bilo bolje vratiti tu tačku, evo za ovu sjednicu. I sve sporne, eventualno, po bilo kojem osnovu stanove isključiti iz ove odluke.

I ovdje je došlo do korekcije. Tamo gdje je moglo eventualno biti šta iz bilo kojih razloga sporno, ostavljeno je za neki drugi put, a ovo bi trebali biti, moram tako reći, stanovi koji su nesporni i gdje neće se desiti bilo kakva vrsta problema u smislu deložacije ili bilo kakve traume za ljudi koji se nalaze u stanu, u bilo kojem od ovih stanova.

I ja sam tražio, trajala je duža rasprava na Komisiji za statutarna pitanja i propise, trajala je duža rasprava u vezi pojašnjenja svih okolnosti provođenja ove procedure, dodjele stanova koji su vlasništvo Grada Tuzla i dobili smo informacije da svi koji koriste stanove već se zbrinjavaju i biće u procesu zbrinjavanja drugim adekvatno zamjenski obezbijeđenim, zakonom, dakle zakonskim putem, stanovima.

I ljudi koji se nalaze u ovim stanovima svakako nisu mogli ih zadržati. Dakle, nisu mogli ući ni na kakav način u posjed ovih stanova. Ti stanovi su vlasništvo Grada, a lica koja su koristila po drugom osnovu imaju zakonsko pravo i već su u proceduri dodjeljivanja tih stanova. Tako da prema informacijama koje imam kao evo član Komisije za statutarna pitanja i propise, odnosno kao zamjenik predsjednika, jer sam zajedno sa predsjednikom i ostalim članovima, te sam tražio od Kolegija, da Kolegij se izjasni po ovom pitanju, gdje je opet Kolegij prihvatio i zato smo i odložili ovu tačku sa prošle sjednice za ovu, evo danas vjerujem da imamo nesporne stanove. Ali svakako predlagač materijala može, nakon što mi završimo raspravu, kao vijećnici, dodatno obrazložiti ono što smo mi imali priliku čuti na Komisiji za statutarna pitanja i propise.

Evo ja vjerujem da će evo sad i predsjednik Komisije, meni je dao prioritet kao starijem, ali evo zadovoljstvo da ja imam mogućnost reći da kolega Elvir, kao predsjednik Komisije, na vrlo dobar način rukovodi tom komisijom tako da smo mi, prvo možemo reći jedna od najbitnijih komisija svakako, ali maksimalno radimo i svaku tačku detaljno raspravimo kako bi vama kao vijećnicima omogućili što jednostavniju raspravu i jednostavniji i bolji uvid u materijale. Hvala.

ALEKSANDAR VUJADINOVIĆ

Hvala lijepo. Ispred Kluba vijećnika SDP-a Elvir Mahmužić. Izvolite.

ELVIR MAHMUŽIĆ - vijećnik Socijaldemokratske partije

Dakle podpisujem sve što je kolega zamjenik predsjedavajućeg Statutarne komisije rekao, osim ovog da dobro vodim, da ne budem narcisoidan.

Dakle sve ovo što je rečeno je tačno. Mi smo se morali voditi na samoj sjednici Komisije za statutarna pitanja i propise o načelima zakonitosti i voditi se pravnom normom. Tako da je bitan jedan momenat da smo mi utvrdili na Komisiji da su ispunjeni svi zakonski uslovi da i ova odluka ide.

Međutim, preporučili smo i samom Kolegiju, kao političkom tijelu, da još jednom razmotri sve aspekte donošenja ove odluke na samom Gradskom vijeću kakko ne bi proizvele neke turbulencije, neke priče koje ne idu ni u korist tim ljudima, a ni u korist digniteta ovog Gradskog vijeća.

Dakle, dragو nam je i jedna sažeta informacija, odnosno sve ono što bi trebali vijećnici dobiti smo dobili od ove resorne Službe i velike pohvale. Imali smo priliku da vidimo da se sve mora raditi u skladu sa propisom i radilo se, što smo naravno utvrdili na komisiji jer evo ovdje imamo Mišljenje Gradskog pravobranilaštva što je jako bitno i bitna vodilja na samoj Komisiji za statutarna pitanja i propise da su i ranije razmatrali to pitanje.

Javni poziv, mislim da tu nema puno diskusije jer je doneseno, raspisati će se u skladu s Odlukom koju je Gradsko vijeće donijelo 2015. godine.

Radi se dakle o osam stanova. Ono što je bitno da imamo za svaki predmetni stan, odnosno osobu koja je u pitanju, imamo i rješenje boračko-invalidske zaštite a i samog Zemljšno-knjižnog ureda i jasno pokazuje da niti jedan od ovih osoba nije podnijelo zahtjev za povrat navedenog stana u posjed, a to je jedan i od uslova bio po Zakono o vraćanju i dodjeli i prodaji stanova da su ispunjeni znači pod a) implementacija imovinski zakona, što je završeno i dva da je ispunjen uslov propisan članom 13. Zakona o prestanku primjene Zakona o napuštenim stanovima.

I dakle, nema dileme. Nadam se da smo uspjeli pomoći i kao Komisija za statutarna pitanja i propise, a i nadam se prilikom usvajanja ove odluke, vi kao vijećnici da jednostavno jednim zajedničkim nastupom možemo doći do najboljih rješenja kako bi se izbjegle neke eventualne moralne i pravne posljedice. Toliko.

ALEKSANDAR VUJADINOVIĆ

Hvala lijepo. Da li se još neko javlja za riječ? Niko. Zatvaramo raspravu klubova vijećnika. Otvaramo raspravu vijećnika. Niko se ne javlja. Onda možemo staviti na izjašnjavanje, znači. Ja se izvinjavam, pojašnjenje možda je i glasilo već u javljanju Elvira Mahnužića, ali ako želite da nekoga od predstavnika Službe, obrađivača materija, da nam da objašnjenje.

Dobro. Ko je ispred Službe da da. Gospođa Admira Atić Tupković. Izvolite.

ADMIRA ATIĆ TUPKOVIĆ – Pomoćnik gradonačelnika za boračko-invalidsku zaštitu, stambene poslove i integraciju raseljenih lica

Dobar dan. Ja vas sve srdačno pozdravljam u svoje lično ime i u ime Službe za boračko-invalidsku zaštitu, stambene poslove i integraciju raseljenih lica.

Kao što je gospodin Mirnes Ajanović rekao na predhodnoj sjednici je bila planirana ova tačka. U materijalu smo predviđeli bili deset stanova za raspodjelu, odnosno za javni oglas i trudili smo se znači da stanovi zaista, tri od ovih osam stanova, tri stana su prazna. Dakle korisnici su umrli, a preostale stanove smo pokušavali i evo uspjet ćemo i riješiti putem projekta neprofitnog socijalnog stanovanja

Znate da smo usvojili prošle godine taj program i da smo zahvaljujući razumijevanju nadležnih ministarstava državnog i federalnog uspjeli znači stvoriti sebi mogućnost, da osim raseljenih lica koja će se naći u stanovima u Miladijama i Solini, uselimo i neke naše korisnike koji su u stanju socijalne potrebe i upravo smo mi kao prioritetno stavili ljude koji su u stanovima u Gradskoj upravi.

S obzirom da se radilo o boračkoj populaciji primarno je to, dakle, Služba koju sam ja rukovodila dugi niz godina i imam posebne emocije prema toj populaciji, trudila sam se dakle da prioritetno stavimo znači te ljude u taj program. Ljudi su pristali i neće biti prinudnih deložacija ovih korisnika.

ALEKSANDAR VUJADINOVIĆ

Hvala lijepo. U redu. Onda možemo sada, nakon ovog pojašnjenja staviti na izjašnjavanje ovu odluku. Pa pitam ko je od prisutnih vijećnika za usvajanje **ODLUKA O ODOBRAVANJU POKRETANJA KONKURSNE PROCEDURE ZA DODJELU STANOVA U VLASNIŠTVU GRADA TUZLA**, molim da digne ruku? (24) Ima li neko protiv? (Nema.) Ima li suzdržanih? (Nema.)

Konstatujem da je ova **ODLUKA O ODOBRAVANJU POKRETANJA KONKURSNE PROCEDURE ZA DODJELU STANOVA U VLASNIŠTVU GRADA TUZLA** usvojena jednoglasno sa 24 glasa za, nema niko protiv, nema niko suzdržan,

Predlažem pauzu pola sata. (Pauza.)

MIREL MIŠKOVIĆ – zamjenik predsjedavajućeg Gradskog vijeća Tuzla -vijećnik Tuzlanske alternative

Nastavljamo s radom. Prelazimo na četvrtu tačku Dnevnog reda:

IZVJEŠTAJ O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2016. GODINU

- a) Tržnice-pijace d.o.o. Tuzla
- b) Centralno grijanje d.d. Tuzla

Predlagač je Skupštine javnih preduzeća.

Obrađivač je Uprava javnih preduzeća.

Materijal su razmatrali Komisija za ekonomске odnose, Komisija za poduzetništvo, Komisija za komunalna pitanja i pitanja mjesnih zajednica i klubovi vijećnika.

Pitam prisutne, da li ima potrebe, da u skladu sa članom 68. Poslovnika Gradskog vijeća Tuzla, predlagač ili obrađivač daju uvodno izlaganje? Nema.

Pitam da li ima potrebe da se pročitaju izvještaji komisija? Nema.

Prije nego krenemo sa ovom tačkom predlažem da raspravu vodimo zajedno, a da se o svakoj podtački izvještaju javnog preduzeća posebno izjašnjavamo i da se posebno izjašnjavamo o zaključcima vezanim za svaki pojedinačni izvještaj, ko je za ovaj prijedlog, molim da digne ruku? (22) Ima li neko protiv? (Nema.) Ima li suzdržanih? (Nema.)

Konstatujem da je ovaj zaključak usvojen sa 22 glasa za, nema niko protiv, nema niko suzdržan.

Otvaram raspravu vijećnika. Prvi se javio Mirnes Ajanović, Klub vijećnika BOSS-a.

MIRNES AJANOVIĆ

Jedan težak, drugi manje težak materijal. Prvi je težak. Izvještaj o poslovanju Tržnice i pijace. Iz izvještaja, ono što je napisano, na strani 2. da je nedovoljna iskorištenost raspoloživih kapaciteta, pa u šest kategorija, pa navodi se smanjena potražnja krajnjih kupaca za robama, trenutna situacija na tržištu, postojećim tržnim centrima, veleprodaja, trgovine, kupovina putem interneta i slično. Poslovanje drugih pijačnih prostora. Nekonkurentnost zakupaca u odnosu na druge prodavce, promjena načina života percepcije i gledanje kupovine na pijaci, pa se obrazlaže zašto, pa ono zimski i ljetni uslovi, primjena zakonskih propisa koji uređuju i regulišu rad na pijačnim prostorima, provejava kroz cijeli izvještaj.

Gdje god se govori o problemu poslovanja faktički se ponavlja ovo što je navedeno ovih šest kategorija. i jeste to generalni problem, evedentno je kroz izvještaj da se vrlo teško posluje, govori se o popunjenososti kapaciteta, pa i centralnoj gradskoj pijaci. Evo od 158 tih komada prostora izdato je smo 59 kaže komada, ili 37% raspoloživog prostora.

Mi smo uradili, zatvorili pijacu, napravili je boljom nego što je eto bilo u proteklim desetljećima, a ne radi ni blizu kao što je radila tad.

Zna se da je gradska centralna pijaca bila uglavnom okupljalište pogotovo petkom svih građana. Mene je nena bukvalno vodila za ruku svaki petak na pijacu. Nikad to neću zaboraviti.

Svaki put je naravno to bila obaveza. Kako kaže ide se u grad. A u grad je išlo se na tu pijacu. Iako su ljudi svi tu živjeli u gradu, pet minuta je to faktički daleko, deset, od pijace, ali to je tako bilo.

I sada taj prostor je loš. Na kraju ovaj dio izvještaja na predzadnjoj strani, na zadnjoj strani to je 45 o parkirnim mjestima, pa evo sad je konačno se svakodnevna cijena parkinga za sat vremena dvije marke je bila zaistaapsurdna.

Sami smo ili su to ovi koji su to radili napravili problem, gdje su otjerali ljudi prevelikom cijenom parkinga. Sad je to smanjeno opet na marku. Ali u drugom dijelu na pola marke. Sav ovaj dio oko pijace mora biti, hajde, ne možemo reći besplatan, ali bar pola marke moramo i stimulisati ljudi da dođu, pa makar došli na nešto drugo, ali možda dođu i do pijace.

Dakle, bilo je tih nekkavih okolnosti koje su rezultirale da ljudi budu otjerani, onda sam nedostatak parking prostora. Šta imate onde 10, 20, 30 nema više od 50 mesta parkinga oko pijace. Ako se pogleda odprilike koliko je vozila, to je veoma malo, mal parkirni prostor. Faktički mi imamo parking za lude koji rade na pijaci. A oni koji dođu nemaju gdje stat.

I onda danas je postalo moderno ako ne možete doći s autom, ne dolazite nikako. Zato i opstaju tržni centri. Zato i prave parkinge. Znaju koliko je važan parking. Niko ne može automobil strpat u džep pa izaći, kupiti sebi nešto.

Vi ako nemate gdje parkirati auto blizu objekta kojeg želite posjetiti, kupovati u njemu i ako nema prostora, ide se dalje. Pijaca ne može egzistirati zbog mogućnosti adekvatnog parkinga i to je jedan od (nerazgovjetno izgovorena riječ op.a.) i ova gore pijaca na Brčanskoj Malti, prije Brčanske u stvari ovdje ni ona nema parkinga. I onda je još gore za parking. Onda nemate deset auta može faktički stati i to je sve.

Sreća pa nekako oko su hajde stambene zgrade, gdje je puno ljudi, Kula i slično, a na Gradskoj, centralnoj toga nema. Dakle, generalno postoji problem. Nije dobra situacija. Može se razmišljati, kako evo vidite na strani 11. opet se ponavlja koji su to elementi zbog čega imamo loše poslovanje neadekvato poslovanje, mogu reći.

Kakvi su prihodi, kad govorimo o prihodima na strani 17. opet su svi ovi elementi, samo prepisani. Ovi šest kategorija. Smanjenje. Koje su mjere poduzete smanjenjem bruto plata radnicima. Dakle, sa smanjenjem toplog obroka. Smanjenje svašta nešto.

Umenjenje naknade, ovom, onom, dakle ide se na rezanje stvaraju veliki problem. Kako riješiti ovu pijacu uz sve ove okolnosti dakle koje imamo, od kupovine na internetu i svega onoga što znamo da otežava funkcionisanje, pa i zakona koji neda tim ljudima mogućnost da

mogu poslovati u skladu sa onim kako prodaju robu. Od njih se traži gotovo fiskalna kasa za tezgom što je absurdno. Zabranjuje se rad ako nemaju takve okolnosti. Stalno su pod prijetnjom da će doći nekakva inspekcija i zabraniti rad svima. Vrlo je nezavidna situacija i za one koji se i nađu tu, a iza ovo društvo.

Problem je što egzistencija i ovih ljudi koji rade na ovim pijaci prostorima je ugrožena. Dakle, ako nema prometa, ako nema kupaca oni sjede, ne prodaju, ulažu, a teško je opstati danas.

Kakvo rješenje razgovarali smo Edim Kadić i ja, pa i on nudi nekakve, predložit će kasnije kao vijećnik, nekakva rješenja, ali stanje jeste da mi za ovo naše preduzeće moramo naći mogućnost boljeg plasmana na tržištu.

Evo da kaže da je konkurentnost zakupaca, izvinjavam se, pod tri, poslovanje drugih pijaci prostora koji ne zadovoljavaju zakonom propisane uslove, pa neloyalna konkurenca, nelegalna prodaja. Vanpijaci prostor, odnosnoulična prodaja, jeste generalni problem. Ali nekako mogu opstajati. Neke pijace ipak funkcionišu. Ja sam imao priliku da prije nekoliko dana čovjek me zaustavi na cesti i pola sata gotovo moram slušati kako je neophodno da postoji pijaca na Slatini.

Ima kaže mjesto, ima i prostora, ima sve, kako se njemu objasniti da i ova pijaca jedva egzistira. Kako uložiti novac da se napravi pijaca na Slatini. A nije to daleko od ove pijace, to je još pet minuta hoda, ali hoće ljudi pijacu tu.

Na kraju će se morati naći rješenje, pa i moguće iz nekakvih budžetskih srestava, ali treba da opstane i ova glavna centralna pijaca i ova mala pijaca, a dobro, pijaca Simin Han ona ima drugačiji način način poslovanja i tu ne možete očekivati da će doći naši ljudi, naročito ko ide na ove pijace.

Mi smo više puta na Vijeću pokušavali, ja kao predsjednik Komisije za ljudska prava intervenisati oko izmjene zakona, omogućiti da pijaci prodavci imaju paušalni porez, da im se odredi koliko je to godišnje, koliko moraju platiti ili mjesечно i da na osnovu toga izmiruju svoje obaveze.

Sve ostalo je nemoguće i dokazati ili njima stvara smetnju u poslovanju, a ovo bi omogućilo i državi sigurne prihode i da ima sigurniji rad i samim građanima.

Ne mogu više smisliti, odnosno mi kao Klub BOSS-a ne možemo više smisliti šta da im pomognemo. Evo od ovog što ćemo prezentirati i nije jednostavna situacija.

Drugo predjeće je Centralno grijanje. Kod njih je zanimljivo što recimo iz opštih podataka pod jedan to kreće od strane 2. onda imamo masu tih podataka 23.202 korisnika. Površina koja se grije je milion i 700, preko milion i 700 m².

20889 domaćinstava. 154 institucije. 2159 privrednih objekata se grije. Pa šta su radili, rekonstrukcije, pa osim ovih rekonstrukcija, pa su sve navedene. Pa onda Navedene aktivnosti koje su imale prioritet ove godine 16-te pa šta je urađeno strana pet, šest. Osnovne aktivnosti Centralnog grijanja, pa šta je distribucija, održavanje sistema, sve ostalo koliko su radili pa nešto svašta, čitava strana, pa tek strana 12. uvodne napomene.

Dakle, onaj prvi dio su svašta ispričali u onom početku gdje sigurno malo se nešto kaže, a oni dvanaest, jedanaest stranica, pa tek onda jo uvodne napomene.

Dobrari izvještaj. Dobro je sve urađeno. Dosta, selektivno, jasno, pregledno, napisano gdje su šta napravili, koliko su uradili i koliko je ko dobio, koliko su naplatili, kako to funkcioniše, kako će biti u budućnosti, što je dovelo na kraju, napisali su i osvrnuli se na vijećnička pitanja, zaključke vijeća sa 12-te sjednice održane 31. 8. 2015. godine i to su ispoštovali po zaključcima Vijeća što je vrlo korektno.

Evo dakle, dobar rad, sve i čestitke i pohvale menadžmentu, pogotovo direktoru. Nije tu, ali ja sam imao priliku da saznam, čovjek je morao iz nekih razloga biti odsutan pa je sam strepio kako to može sad da pokuša obrazložiti pa je predsjedavajućem dostavio obrazloženje da ima pisani dopis, obrazlaže, opravdava se za odsutnost. Svako može imati opravdane

razloge, ali sam taj odnos prema nama vijećnicima da, evo i kada ne može biti prisutan, dostavi se i obrazloženje i opravdanje i faktički eto naravno može se svako naći u takvoj situaciji, pokazuje odnos ovog Preduzeća prema građanima i nama koji zastupamo te građane i govorimo u ime njih.

Evo jedno što se ističe, ne kao problem, ali nepovoljna starosna struktura 42,8% su zaposlenici sa preko 50 godina života. Pokušavaju da podmlade, napraviti će sigurno.

Evo nešto i oko pripravnikačkog staža su naveli, dakle, šta su uradili. Mi smo zaključkom obavezali sva preduzeća da ubuduće faktički se takmiče ko će više primiti pripravnika.

Dobar je izvještaj. Ovdje mi se nešto nemamo puno potrebe niti mijesati. Dobro rade. Individualni kolektivni objekti su pokriveni svi, pardon, kolektivni. Individualni, tek sada ide način realizacije rješenja problema pogotovo mjesnih zajednica Šiški Brod, Bukić, Husino. Imali smo mi, kao Kolegij Vijeća, nekoliko sjednica. Prije nekoliko dana je bila tematska sjednica Kolegija koja je dosta dugo trajala gdje smo raspravljali o načinu rješavanja problema priključenja ovi nekoliko mjesnih zajednica i svih ostalih oprilike je rečeno da oko dvije hiljade novih korisnika se može priključiti na način drugačijeg sistema priključenja gdje će se graditi podstanice, pa će se priključivati zavisno kako ko od dužine samih cijevi koje su potrebne i tražili smo naravno da se iznađe rješenje što jeftinijeg nabavljanja svih potrebnih dijelova za priključenje kako bi to bilo u nekom realnom okviru.

A govorilo se da je to sad cijena oko šest hiljada, moglo bi biti i četri. Možda bi moglo biti i niže, opet zavisno samim time od udaljenosti samog individualnog objekta do centralnog voda koji će ići ili kod drugog sekundarnog voda u odnosu na recimo postavljenu tu podstanicu koja će biti vlasništvo Grada. U vlasništvu Grada jesu i sve podstanice u individualnim, pardon kolektivnim zgradama. To je informacija koju smo dobili. Dakle, nije to vlasništvo Centralnog grijanja nego Grad raspolaže sa svim tim podstanicama kao svojim vlasništvom.

Mogli bi još dosta govoriti šta je bilo na tom sastanku, ostaviti će to i ostalim kolegama koji su bili prisutni ispred Kolegija Gradskog vijeća Tuzla.

Donijeli smo određene zaključke. Nekakvi alternativni prijedlozi kako se može zagrijavati svako onaj ko recimo ne može biti niti priključen na centralno grijanje. Ovdje ne možemo očekivati da svaki građanin ima mogućnost priključenja na centralno grijanje.

Za sada se može obezbijediti da 2000 korisnika bude priključeno. Dakle, 2000 kuća. A ostale, na žalost ne mogu. Pa sam predložio visoka otvoreno, možda i to kao jedan od zaključaka za individualne stambene objekte, dakle, kuće koje nisu u mogućnosti da priđu tom centralnom vrelovodu. Da sagleda se mogućnost da Grad Tuzla posreduje u, evo recimo da objasnim to, u jednoj vrsti analize ili konkursa ili prijava građana koji su zainteresovani za kupovinu peći na pelet.

Gdje bi mi kao Grad obratili se dakle raznim proizvođačima i tražili izrazito smanjenje cijene, jer normalno kada kupujete jednu peć, cijena je toliko, kada kupujete tri, četri već je cijena mnogo niže, a kada kupujete hiljadu peći cijena bi mogla biti znatno niže.

Da kao Grad pokušamo ići prema građanima dakle, jednu vrstu ankete koja bi zahtijevala određenu ozbiljnost u smislu davanja izjave da će zaista pristupiti realizaciji toga i da mogu obezbijediti ta sredstva i većina se građana želi priključiti, želi zagrijavati svoje prostore i na taj način. Time bi im omogućili možda čak i gotovo upola cijene obezbjeđenje takvih peći, a samim tim i obezbjeđenje goriva.

Peleta samog da se ne desi da neko ucjenjuje. Da kao grad pokušamo posredovati na takav način, koliko je to zakonski moguće i dozvoljeno.

Dakle, sa anketom, a onda sa tom ako je to nastupiti prema nekome. Pogledajte koliko je to u okviru zakonski propisa da i mi kao Grad saučestvujemo. To bi bila jedna vrsta subvencije grada, pored onog što smo istakli da ćemo subvencionirati sa stiroporom od desetak centimetara izolacije, utopljavajući određenog broja ovih objekata koji ne mogu biti priključeni na vod centralnog grijanja.

I dobio sam ovako upozorenje sudske vještak građevinske struke koji su sugerisali, pravo da kažem, da ima dosta ljudi koji oblažu svoje kuće sa stiroporom debljine 5 cm. Da to ne daje gotovo nikakav pozitivan efekat.

A zanemariva je razlika između 5 i 10 cm tako da faktički uloži se puno, uradi se mnogo posla, pa kasnije malterisanje i sve, a ne dobije se ni približno efikasno kao sa tom nužnom razlikom još tih 5 cm. Dakle, 10 cm je minimum da se može reći da je isplativo to što neko želi da ulaže da utopli svoj objekat. Zato smo se i mi, kao grad, odlučili da to bude tih 10 cm. Postoji dakle, ispred ovog Gradskog vijeća, pa hajde i Gradske uprave, razni načini i prijedlozi kako da pomognemo građanima, da riješe zagrijavanje svojih objekata sa manje troškova, a samim time i sa manje zagađenja po njih same i sve nas u gradu jer prioritet je svima namaobezbijediti zdravije uslove života, a to može evo recimo na ove primjere koje sam naveo. Hvala.

ALEKSANDAR VUJADINOVIĆ

Hvala. Riječ ima Sabahudin Imamović, predsjednik Kluba vijećnika SDA.

SABAHUDIN IMAMOVIĆ

Što se tiče izvještaja Centralnog grijanja, rezultati su odprilike standardni, dakle, pozitivni i kada kažemo da neko izmišlja toplu vodu kad hoćemo da kažemo da radi nešto uzaludno, očigledno da se prodaja tople vode isplati.

Plata je daleko iznad federalnog prosjeka 1.100 maraka. Vjerovatno su radnici tamo zaslužili taj projekat. Htio bih samo da mi predstavnik ovog Preduzeća pojasni šta znači 475.000 nematerijalnih troškova.

Što se tiče izvještaja Tržnice i pijace, očigledno je da imamo problem tamo u ovom preduzeću. Iz godine u godinu bilježe se gubitci. Pad prihoda, ali interesantno je povećanje rashoda. Znači menadžment se sjetio tek u novembru da počne preuzimati određene mjere da sanira stanje, smanjujući za jednu marku tamo topli obrok itd.

U konačnici efekti nikakvi. Dakle, imamo manje prihode, a imamo veće rashode.

Znači, tamo se očigledno ne prepozna problem. Tamo se spava dubokim snom. Znači, iz godine u godinu je pad, ali nema akcije. Znači neko mora biti odgovoran za to.

Prvo menadžment pa onda nadležne službe. Mislim da podhitno treba i evo u finansijskim pokazateljima kaže naknada članova Nadzornog odbora, ugovora o djelu i pripravnika.

Valjda da se prikrije koliki je, kolika je naknada članovima Nadzornog odbora. Ovo se, nema potrebe da se objedini. Da mi valjda ne bi znali koliki je paušal članova Nadzornog odbora. Mislim, sasvim ne potrebno. Dakle, imamo problem u Tržnicama i pijacama. Ja znam da postoji tamo objektivni razlozi koji utiču na poslovanje, ali mislim da i menadžment treba da prestane da prima nove radnike. Da se plate smanje i troškovi da se reduciraju na minimum itd.

Ovo za plate hajde i ne morate me poslušati. To nije popularno, ali očigledno nešto se mora preuzeti. Ne možete se ponašati kao da se ništa ne dešava. Ja znam da su Tržnice i pijace prije deset godina bile vrlo primamljiv pljen i biti direktor tamo, zaposliti se, bilo je jako primamljivo.

Evo iz godine u godinu ovo preduzeće trpi gubitke. Mislim da jedan od zaključaka treba da bude da menadžment preduzeća Tržnice i pijace što prije dostavi Kolegiju Načelnika ili ne znam ovom Vijeću nekakav program kako ima namjeru izaći iz ovog stanja.

Znači da imaju očigledno i objektivne i subjektivne okolnosti koje utiču na poslovanje.

Mi ćemo podržati, Klub vijećnika SDA će podržati izvještaje o radu Centralnog grijanja, ali nećemo podržati ovaj izvještaj o poslovanju javnog preduzeća Tržnice i pijace. Hvala.

ALEKSANDAR VUJADINOVIĆ

Dalje. Riječ ima Elvir Kasumović. Klub vijećnika SBB-a.

ELVIR KASUMOVIĆ

Evo dva predstavnika su već dosta toga rekli vezano za ova dva izvještaja. Ja ču reći samo par riječi naše stavove kao Kluba.

što se tiče Centralnog grijanja, izuzetno dobrog jel izvještaja. Prije svega ono što nas interesuje njihovo poslovanje koje evo u ovoj godini, odnosno u protekloj godini, prethodnoj pardon, pozitivno itd. što kaže Sabahudin nastavlja se trend evo nekog intenziteta od strane ovog dioničkog društva.

Najbitnije je da ono sve dobro funkcioniše. Međutim, šta ne funkcioniše dobro je to što se tiče proširenja toplovodne mreže. Naravno. Ovo se ne tiče ovog preduzeća. Ovo preduzeće je samo izvođač radova. Ovde kritike upućujem nadležnoj službi što ne radi po pitanju ravnomernijeg razvoja, tako da i ove predhodne i visinske mjesne zajednice mogu osjetiti blagodat ovog dobrog, da kažem grijanja, koje upoređujući jednostavno sa evo nekim drugima u okolini je nemjerljivo.

Što se tiče cijene, to nemam priliku, obzirom da nisam konzument ove usluge, pa ne mogu o tome ni da pričam, ali evo, vidim da se građani jednostavno s obzirom na kvalitet grijanja ni ne žale na ove cijene koje su njima prezentirane.

Kažem, bilo bi dobro da nadležna služba uputi daleko više sredstava, odnosno shodno prihodu sredstava od rada naknade od rada Termoelektrana jer su jednostavno to sredstva namijenjena za te potrebe.

Obzirom da su u Zakonu o raspodjeli tih sredstava tamo navedeno da treba da se ulože u ekološke projekte. Ako nisu ovo ekološki projekti zatvaranja malih kotlana, odnosno kućnih grijališta jel to ne znam šta bi moglo da bude više jel. Upoređujući neke podatke, kaže se da jedno domaćinstvo koje koristi nekvalitetan jel ogrev tokom zime može da nanese, što kaže, da zagadi zrak i nanese štetu građanima više nego stotine autobusa u toj sezoni.

Znači da se mora obavezno pozabaviti tim. Evo, za nas prihvatljiv izvještaj. Lijepo urađen itd. a što je najbitnije pozitivno poslovanje i Savez za bolju budućnost će prihvatiti ovaj izvještaj.

Izvještaj o poslovanju Tržnica i pijaca. Po samom uvidu u ovaj izvještaj u obrazloženju, da kažem, ostvarenog gubitka u 2016. godini vezano pod onim tačkama prihodi i rashod, menadžment je tako dobro to obrazložio da su jednostavno sami sebi postavili pitanje da li imaju svrhu više postojanja.

Ne znam koliko ste svi ostali pročitali ovo obrazloženje, ali iz ovih njihovih samih obrazloženja, koje su oni naveli. Kaže faktori koji negativno utiču na prihode društva su navedeni u narednom dijelu teksta. Između ostalog, smanjena potražnja krajnji kupaca, trenutna situacija na tržištu. Poslovanje drugih pijačnih prostora, nekonkurentnost pijačnih zakupaca, smanjenje broja zakupaca, promjena načina života, radno vrijeme itd.

Ima li svrhe uopšte da postoji ovo preduzeće? Oni su sami u izvještaju naveli da oni nemaju više svrhe postojanja.

Od onako pompeznog projekata građevina i svega toga što smo se nagledali jednostavno u nekim regulacionim planovima itd. doveli smo do toga da nam je ovako jedno jel rentabilno preduzeće u izuzetno teškom stanju, negativno posluje itd.

Naravno svi su svjesni ovoga što ste vi naveli, a šta ste vi poduzeli da do toga ne dođe? Ovde navodite poslovanje drugih pijačnih prostora koji ne zadovoljavaju zakonom propisane uslove. Što šutite? Što šutite ako ne zadovoljavaju zakonske propise, dajte da vidimo ko to ne

zadovoljava zakonske propise, koji su to, evo naveli ste ovdje tzv. Hametova i Kadrina pijaca u naselju Stupine. Ako već imate određena saznanja da nije nešto u skladu sa zakonom i vi ste saučesnici u tome.

Jer ako ne prijavite ono što nije u skladu sa zakonom, znači radite prikrivanje nečega. Dajte da vidimo ovdje, da rješavamo te stvari. Možda će to doći do konkurenčki poboljšanja vašeg poslovanja.

Još sam htjeo da, evo, onda da kažem mali kolektiv. Mali kolektiv od 34 ima 10 VSS. Naravno ja bi volio da su svi VSS ali ima li potrebe da ovim brojem visoke stručne spreme uposlenika jednostavno šta oni rade. Ovo preduzeće je namijenjeno pružanje usluga i faktički ljudi bi trebali da budu što više na terenu, odnosno u direktnom, da kažemo u proizvodnji jel. A ovdje koliko vidimo 10 uposlenika sa VSS vjerovatno što su zbrinuti negdje po kancelarijama i ne znam koja je svrha.

Možda vjerovatno će obrađivač materijala malo da pojasni, da li postoji ili ne postoji ta potreba. Međutim i pored izraženi evo da kažem gubitaka itd. vrši se prijem visokoobrazovanih kadrova i to evo predpostavljam po priči, ja sam čuo to, ne tvrdim da je istina, da se i od jednog šefa nadležne službe koji je isto tako u krvnom srodstvu sa direktorom ovog preduzeća, sin zaposlio u ovo preduzeće. Ja ne tvrdim da je to istina, ali evo neka direktor iznese da li se radi o tome.

Ne kažem da ne trebaju ta djeca i da ne trebaju da se zapošljavaju da ne trebaju da imaju priliku za zaposlenje, ali pitam da li je to bilo potrebno nakon svih ovih manjaka koji su se javili po pitanju rada ovog d.o.o. da li je bilo potreba, istinskih potreba za prijem tih uposlenika? Hvala lijepo. Mi nećemo podržati ovaj izvještaj.

ALEKSANDAR VUJADINOVIĆ

Dalje. Riječ ima Mensur Alić, Klub vijećnika Tuzlanske alternative.

MENSUR ALIĆ

Evo ja ću krenuti od pijaca. Biću kratak. Prije deset godina ili osam godina, ovo preduzeće je poslovalo odlično. Čak je i iz svojih sredstava i dogovaralo onaj dio i uredilo pijacu po standardima Evropske unije.

Međutim, šta se desilo u međuvremenu? Ogomorna je konkurenčija. Vi znate da grad Tuzla nije imo par supermarketa, a danas imate negdje 30 do 40. I svi uglavnom drže ove articke koji se prodaju na pijaci. Svi.

Znači od svih tih manjih prodavnica i kad uđete imate sve kupiti i zbog toga je kupovna moć pala na pijacama i došlo se do situacije u kakvoj jeste ovo preduzeće.

Ali da nije toliko kritično nije. Da postoji način izlaska iz ove situacije, postoji. i mislim da je ovdje još jedan ključ u svemu ovome da bi bio bio gubitak ovakav, osim ovog što sam naveo na početku jeste i nekontrolisan prijem radnika.

Mislim da je tu velika greška pravljena. Nije to mislim do direktora, to su dolazile ceduljice vjerovatno kako se to radi, zapošljavalо se i to je naravno da je došlo do situacije ovo što Elvir kaže 10 visokokvalifikovanih nije baš tolika potreba za ovakvo preduzeće i mislim da će se ovde morati izvršiti reorganizacija kad su u pitanju uposleni da bi se smanjio ovo naravno direktori i upravni odbor trebaju da sjednu i da naprave strategiju izlaska iz krize u 2017. godini.

Kasno će biti u 2018. već je polovina prošla 2017. tako da u izvještaju 2017. treba se fokusirati do kraja godine menadžment i svi ostali da u naredni šest mjeseci, ne znam kakvo je stanje sad, ovi šest mjeseci finansijski, da pokušaju da saniraju ovaj gubitak bar da ga umanje, ako ne skroz onda u narednom periodu da u podpunosti ukinu da bi poslovali sa nekim pozitivnim, hajde da kažem, pozitivna nula za ovo preduzeće je dobra. I pozitivna nula, kada

pogledamo šta se dešava u drugim gradovima federacije Bosne i Hercegovine kad su u pitanju javna preduzeća i javne ustanove, mi možemo u Tuzli biti djelimično zadovoljni, ali trebamo ukazati na nešto što nije dobro, trebamo i tu nema ljutnje, nego mi smo kao Vijeće ovdje da pomognemo nekim preduzećima da izađu i stanu na zdrave noge.

Bolje je spriječiti nego liječiti. To je pravilo. Sad ako se bude išlo iz godine u godinu u veći gubitak, dubiozu doćemo u stanje da će naravno doći do nestanka ovog preduzeća u podpunosti, a to mi ne smijemo dozvoliti. Zbog toga zaključak da bude jedan da javno preduzeće Tržnice i pijace izvrši reorganizaciju uposlenih radnika po potrebama. Po potrebama. Stvarnim potrebama u tom preduzeću. Da više iz kancelarija bude radnika koji će naplaćivati tamo i raditi ono od čega se novac zarađuje. A u kancelarijama nema novca.

To je sigurno. Projekat. Evropski standard je u preduzećima javnim i privatnim na sedam uposlenih jedanu kancelariji. Deset je najveći. Pa vi sad napravite tu proračun pa ćete vidjeti gdje se nalazimo. To je standard. Naravno evo, mi ćemo dati podršku ovom preduzeću, a pružit ćemo šansu da prežive u narednom periodu i da vidimo šta će se dogoditi na slijedećem izvještaju.

Nećemo sad obarati, ali ako bude u slijedećem izvještaju ne bude pomake naravno da ćemo onda razmisliti kako ćemo i šta ćemo raditi.

Kad je u pitanju Centralno grijanje ovde samo možemo, mogu reći da kad sam prolazili ovu zimu jednu od najgori zima u posljednji 100 godina, možemo reći da je Centralno grijanje položilo ispit pravi.

Mislim da ni jedan dan Tuzla nije bila bez grijanja. Bilo je minus 20. Da su se potrudili uposleni svi da do svakog onog ko je pripojen na centralno grijanje, da ima normalno grijanje i da je Tuzla bila jedna od gradova koja je imala najredovnije snabdijevanje centralnog grijanja u Bosni i Hercegovini.

Kada pogledamo i uporedimo ovakva preduzeća u drugim gradovima, evo Banja Luci da uzmem, evo u Republici Srpskoj, pa da uzmem Sarajevo, pa da uzmem Mostar i gradove Zenica, vidjeli smo šta se dešavalo katastrofa bila. Ni grijali ca nisu mogli kupiti koliko je bilo potrebe. Mislim da su oni radili izuzetno dobro i da trebaju nastaviti, ali takođe jedan zaključak predlažem kada je u itanju Centralno grijanje, da se ne izvode radovi na nekim projektima, pogotovo ovim većim projektima, dok se ne napravi ekonomska analiza opravdanosti produženja ili uvođenju u nekom dijelu grada, kad se to uradi, a svi imamo hvala bogu članove u mjesnim zajednicama, da se sproveđe jedna anketa u dijelu tom gdje treba ići jer to su sad sve veći projekti i skupi su ti projekti da bi se samo položile cijevi i ostale u zemlji dole grijanje, a da se ne koristi. Da se takvi projekti ne rade dok se ne napravi ekonomska analiza. Dakle, ovi naši članovi savjeta provedu ankete po mjesnim zajednicama ko to želi da se priključi, koliko ima ukupno da se priključi ljudi, da se napravi jedan finansijski plan, na osnovu toga da se ide u realizaciju takvih projekata.

Jer mi ako idemo u projekat neki od 500.000 KM a na kraju dobijemo rezultat pet priljučaka na centralno grijanje onda tu ekonomije nema nigdje. Doćemo u situaciju kao tržnice, a to ne smijemo sebi dozvoliti.

Znači, sve projekte koje treba raditi i treba ih prezentovati ovom Vijeću, ovom Vijeću prezentovati da Vijeće konačno daje ono saglasnost na takve projekte da se radi i onda ćemo biti opravdani i mi i vi pred građanima pa će oni reći tamo zašto mi nemamo, nismo dobili grijanje. Pa niste dobili zbog toga što se prijavilo od 500 domaćinstava pet. I na osnovu čega ćete to raditi? Ekonomija je ključna. Finansije zna se kako. Ako tu padneš, onda nema povratka. To je samo jedna, jedan od zaključaka koji predlažem da se uvede i naravno da ćemo dati podršku Centralnom grijanju da ih ne hvalimo. Jer puno one predhodne izvještaje gdje smo imali neki deset, petnest javnih preduzeća i ustanova toliko je nahvaljeno ovde, nahvaljeno, nahvaljeno da je to stvarno, ja sam rekao da im neće nauditi. Sad neke kritikujemo dole i treba i toga treba da bi bili bolji, ali imali smo sa gubicima i po 400, 500.000 maraka pa smo hvalili

ovde. A imamo javna preduzeća i javne ustanove koje iz Budžeta dobijaju ogromna sredstva i dobro naravno posluje, ali mi nahvalimo i to kako. Ono baš pravo.

Nekad je i pozitivna dobra kritika može pojačati rad ovih preduzeća. Hvala.

ALEKSANDAR VUJADINOVIĆ

Hvala. Riječ ima Erna Delić, Klub vijećnika SDP-a.

ERNA DELIĆ - vijećnik Socijaldemokratske partije

Srdačno pozdravljam sve prisutne, obzirom da sam danas prvi put za ovom govoricom. Ispred Kluba vijećnika Socijaldemokratske partije, evo ja ču obrazlagati oba izvještaja.

Prije nego što se osvrnem na izvještaj Tržnice pijace, fokusirat ču se na izvještaj Centralnog grijanja.

U svom izlaganju kolega Ajanović na početku je rekao da određeni dijelovi samog izvještaja nisu niti složeni niti poprilično jasni. Prvi ovaj dio opšti podaci već je na 12 strana i mi jesmo i navikli i jesmo usvojili tu metodologiju izrade izvještaja, ali evo, možda za narednu godinu da se potrudimo da možda malo bude čitkiji izvještaj, da se tako izrazim, nadam se da se razumijemo.

Moji predhodnici koji su govorili o samom stanju centralnog grijanja svakako, evo i Klub vijećnika SDP-a podržava sve napore uprave i sav ovaj dosadašnji rezultat samog preduzeća i naravno evo i u narednom periodu i narednu grejnju sezonu želimo vam svakako da nastavite dosadašnjim putem. I evo Klub vijećnika SDP-a će svakako podržati ovaj izvještaj.

Kada govorimo o Tržnicama pijacama neki od zaključaka koji smo mi razmatrali na Klubu vijećnika SDP-a već su ovdje iznešeni. Nisam htjela na početku odmah da izlazim, a evo znala sam da će doći do toga da će se ponavljati. Naravno zato i postoji ovoliki broj vijećnika da skupa i zajedničkim mišljenjima pokušamo unaprijediti trenutna stanja u našim preduzećima i ustanovama.

Ono što je kolega Alić govorio o reorganizaciji unutar preduzeća to je ono na što sam i ja htjela da skrenem pažnju i da pitam koliko je moguće u budućnost da se upravo poradi na tom problemu što s tim u vezi podržavam vaš predloženi zaključak.

I kolega Sabahudin Imamović predložio je upravo ovaj program mjera u cilju povećanja prihoda izlaska iz trenutnog stanja, to je ono što smo i mi svakako kao Klub htjeli predložiti da se u što skorije i što hitnije, vrijeme pokuša izraditi ovaj program.

Svakako on je sadržan i ovdje u ovom trenutnom izvještaju, ali evo, sve što je u moći uprave i direktora nadamo se da će se u narednom periodu raditi na tome jer evo vidimo svaki izvještaj kako nam dolazi iz godine u godinu, na žalost ovaj gubitak se povećava tako da nadamo se da će nastojanja uprave u cilju prevazilaženja trenutnog stanja prevladati i da će ovo preduzeće krenuti uzlaznom putanjom u narednom periodu.

Ono što smo mi kao Klub htjeli predložiti, a evo govorim s aspekta mladih, Tržnice i pijace kao preduzeće nisu prepoznati, odnosno nisu zastupljeni, moram taj dio da spomenem na socijalnim mrežama.

Na socijalnim mrežama u smislu šta je ono što pijaca kao takva nudi. Kao dio tradicije i ovog grada, kao dio tradicije i tih malih prodavaca koji svaki dan dolaze i obavljaju svoju djelatnost.

Ja sam posjećivanjem pijacem i to nismo petkom, nego smo subotom, naslijedila od svojih roditelja i evo nadam se da svi i mog uzrasta i mlađi isto to i rade. Nemam naviku kupovati prehrambene proizvode koji se prodaju na pijaci recimo u nekim velikim trgovackim lancima.

Više volim da potrošim porodično vrijeme upravo na velikoj ili maloj pijaci, da se tako izrazim. Tako da se nadam da možda većom zastupljenosti ovog preduzeća u javnosti da se proba, da se tako izrazim žargonski targetirati neka druga dobna skupina koja nema tu naviku odlaska na pijacu u cilju je li kupovine bilo prehrambenih proizvoda ili tekstilni.

Ono još na što sam htjela da obratite pažnju, možda jeste da evo imamo Festival ART koji se odigrao prošlog mjeseca. Festival Kaleidoskop tek ide. Oba festivala imaju tradiciju da rade sa ART marketima. Ne znam koliko uprava sama ima možda saradnju sa tim malim prodavcima, ali možda da se odrade neke tematske subote na temu tih ART marketa koji bi ti mali obrtnici možda stekli neke stalne mušterije, a samim tim od vas u konačnici i zakupili neke od poslovnih prostora i tu prodavali ono što i sami prave.

Pa evo to je isto tako jedan od zaključaka da se obrati veća pažnja tim malim obrtnicima koji su zastupljeni na sadašnjim ART marketima. Možda u nekom narednom periodu bi svoje usluge možda vršili i u okviru Tržnica i pijaca.

I ono što smo isto razgovarali u više navrata mislim da evo i sami vijećnici i naravno građani i građanke znaju u narednom periodu na prostoru Kadrine i pola Hametove, nisam toliko sigurna, nemam Regulacioni plan ispred sebe, planira se graditi više zgrada. Samim tim će se ukidati postojeće pijace i ja ne znam koliko uprava i uposlenici imaju, evo da se tako izrazim, agenata koji će na postojeću pijacu ići i prodavati sadašnje kapacitete Tržnica-pijaca, u smislu da kad dođe do zatvaranja tih pijaca da ti prodavci upravo dođu nama, odnosno da počnu koristiti usluge javnog preduzeća Tržnice-pijace.

Evo za kraj da naglasim Klub vijećnika SDP-a će podržati ovaj izvještaj.

ALEKSANDAR VUJADINOVIĆ

Hvala. Ispravka krivog navoda Mirnes Ajanović.

MIRNES AJANOVIĆ

Ja vjerujem da je koleginica zbog nesporazuma rekla da moje isticanje tih jedanaest stranica iz opštih podataka do uvodnog, uvodnih napomena je kao negativno.

Ne, ja sam to pohvalio njih. Da su oni samo u opštim podacima mogli raspisati sa jedanaest stranica koliko su radili. Vjerovatno samo je nesporazum bio.

Uvijek može biti čitljiviji izvještaj ili bolji, ali toliko toga se uradilo od strane Centralnog grijanja da sam ja to primjetio kao pozitivno. Opšti podaci zna se, jedna stranica se napravi i hajmo bježi na uvodno i dalje. A oni su jedanest. Desetak dakle više.

I to je sve u ovom okviru onoga što je Mensur dobro istakao upoređujući Tuzlu, zimske uslove vrlo ekstremne, Zenicu gdje su ljudi patili bukvalno iz dana u dan i kada su imali centralno nisu znali da će raditi sledeći sat, mi imao tu sigurnost gdje uopšte ne razmišljamo da li će funkcionsati centralno grijanje. Nebitno šta je napolju centralno grijanje radi. I to je velika stvar.

I zato je bila ova okolnost pohvale iz ovog dijela opštih napomena, a da se ne zaboravi da se kaže dodatno na evo ove okolnosti koje nama Mensur, Centralno grijanje prije početka svake sezone ide besplatno sa kako kažu toplom probom. Jer je 15. prevedeno, da svakog 15. ide početak sezone. Oni idu i dosta prije.

Sjećam se 2014. kada su krenule one teške zime početkom septembra, faktički je bilo mjesec dana prije sezone grijanja počelo grijanje. Ali bez naknade.

Dakle i to je pokazatelj koliko se pokušavaju boriti za građane, pa sarađujući sa Termoelektranom, pa hvala i Termoelektrani zbog toga što izađe u susret dakle nama kao građanima. A sve je to u okviru onoga da drže kupce sa pažnjom.

Tako da samo da ne ostane nesporazum. Sakako da izvještaji uvijek mogu biti malo pregledniji, sistematičniji, ali ovo je bilo iz moje, sa moje strane kao pohvala ogromnom radu koji su napravili i rezultatima koji postoje, pa sam to eto pokazao kao jedan primjer gdje vrlo rijetko imamo opšte napomene na toliko strana. Hvala.

MIREL MIŠKOVIĆ

Zahvaljujem. Ako nema više nikog ispred klubova vijećnika, zaključujem raspravu klubova vijećnika i otvaram raspravu vijećnika.

Riječ ima Edim Kadić.

EDIM KADIĆ

Ja ћu vrlo kratko. Da ne ponavljam ono što su prethodnici rekli. Što se tiče Centralnog grijanja, jedina zamjerkna ne dostaže analitike. Znači to prenesite direktoru. Ovdje moraju biti malo više razrađeni troškovi, gdje, za što je, tako da je to jedina. Ovo sve ne bi ponavlja. Zaista trebamo biti ponosni što imamo ovakvo grijanje, što zaista i cjenovno i svakako. Što kaže jedina ono trošak kad idem rado da platim nešto to je grijanje.

I treba nastaviti sa radom, nastaviti da Preduzeće sa svoje strane učini da, da bude dostupno i da što više naših građana uvedu to centralno grijanje i radi čistoće grada kompletog i radi zdravlja svih nas. Tako da čestitke, ali evo ovo znači da direktoru prenesete da.

Što se tiče Tržnica i pijace. Ovo sam zaboravio da kažem, da ipak kad mi ovdje raspravljamo o preduzećima trebali bi da odemo prija nego što dođemo ovdje na Vijeće malo da se upoznamo konkretno i da malo pravimo razliku između pojedinih preduzeća.

Mi ovdje imamo preduzeća koja imaju monopol, imamo preduzeća koja su na tržištu i koja zaista kad kažemo bore se sa nelojalnom konkurencijom. Tako mislim da i ovo Preduzeće Tržnice i pijace, uz uvažavanje sve ovo što su rekli prethodnici, da treba izvršiti ponove i sistematizaciju i vidjeti šta može sa svoje strane učini. Dobro je da ste vi krenuli sa da kažem i mjerama štednje i prijedlozima, ali sam ubijeden da i mi kao gradski vijećnici i Grad treba učiniti sve da ovom Preduzeću pomognemo.

Mislim nisam bio tad u Vijeću, ali kad je donesena Odluka da se uloži investicija milion i šesto, je li tako otprilike bilo i trista hiljada je naknadno još Preduzeće uložilo i vratilo je taj kredit i mislim da ste strane trebamo imat to u vidu da naš grad zaista ima jednu prekrasnu gradsku pijacu i da svaki grad ima. Međutim, s druge strane ako gledamo sad parkinzi oni su najbitniji za, za, za. Tako je vrijeme jer ljudi hoće da uđu u prodavnicu. U apoteku hoće da uđu. Hoće da uđu u.

Mi smo tamo skoro sklonili dosta parking mjesta, onda smo uveli naplaćivanje enormno, enormno skupo ovo što je rekao gospodin Ajanović, tako da ste strane trebamo razmislisti da li ima načina da pomognemo.

Ja sam na Komisiji predlagao, treba razmiliti, možda nije pametno, možda jest, dio parkinga koji smo dali Javnom preduzeću Saobraćaj i komunikacije, vidjeli ste oni imaju i enormne dobiti i akumuliraju dobit, i da odvojimo pola parkinga onoga da damo na, ovome Preduzeću da ono tamo iznajmljuje barem ona tri mjeseca jer veliki broj ljudi dolazi. Da to možda da razmislimo. Ja ne znam treba izvršiti analize.

Ili u okviru tamo negdje blizu Panonike da li ima načina da. Zatim treba razmislisti o pijaci na Slatini. Mi stalno govorimo Slatina je ogromno naselje i tamo u krugu onome ima petnaest apoteka. Evo ja radim pa to pratim.

Ali siguran sam da bi ta pijaca radila dobro. I da bi, i da bi Preduzeće moglo tu da ostvaruje, ostvaruje dobit. Ali pitanje je šta uraditi da ljudi dođu. Nije samo problem zakupaca.

Doće zakupac ako ima interes i ako ima, ako ima ljudi. Šta uraditi da što više ljudi dolazi, da to bude šetnja hajmo u kupovinu, to ima na pijaci.

Nije dobro a imali smo situaciju ovaj požar nesretni na, na pijaci Hametovoj gdje smo ponudili na tri mjeseca džaba da dođu ljudi, niko nije došo. Znači to je, neki, neki imamo probem.

E sad treba razmisliti kako one mjesta koja stoje prazna da ih pokušamo izdat. Da li je problem u cijeni. Da li da damo džaba, ali ne možemo dati džaba jer odmah će doći ovi koji plaćaju pa će bitat. Da li možemo spustiti cenu. Da li možemo napraviti neki pravilnik kad te čovjek dolazi tamo na pijacu prvu godinu da plaća manju cijenu, pa onda kao što smo imali u Lipnici neka preduzeća dođu pa imaju, pa kad poraste onda plaća punu cijenu.

Znači ovo, ne znam ko je predložio, ili gospodin Mensur ili Sabahudin, da vi napravite jedan plan koji ćete Službi i ovdje Vijeću da mi s Vijeća uradimo da vama zaista pomognemo jer grad bez pijace mislim da, ja ne znam nijedan gradi i da mora da bude, ali ne smije, ne smije iz godine u godinu.

Pitanje je kako će i iduća godina da bude. Jer ja vidim da nema nekih finansijskih pokazatelja da će biti bolja nego, nego što je bila 2016. Eto. Hvala lijepo.

MIREL MIŠKOVIĆ

Zahvaljujem. Prije nego što zaključim raspravu vijećnika, pozivam obrađivača materijala da. (MIRZA TUPAJIĆ – Mogu li ja?) Može. Mirza Tupajić, SDA.

MIRZA TUPAJIĆ – vijećnik Stranke demokratske akcije

Ja bi vas sve maksuz poselamio i pozdravio. Danas se prvi put javljam. Kratko ću. Ovaj maksuz sam čeko da svi završite ovu diskusiju. I vezano za Tržnice i pijace. Alarmantna znači je situacija. Sigurno će i ova godina evo to će potvrditi direktor, ne znam ili direktor, ili predstavnik firme, da je to tako i mislim da nema vremena čekati sljedeću godinu. Znači u ovo isto doba možda će biti kasno.

Ja bi predložio da za dva mjeseca, dva i po mjeseca, tako će otprilike biti na septembarskoj sjednici, imamo jednu tačku dnevnog reda ili dio ono na početku kao tematski sjednicu, prijedlog znači mjera za ozdravljenje ove, ove firme.

A nek se pripremi znači menadžment sa svojim prijedlozima i naravno sa ovim današnjim zaključcima iz prethodnih diskusija i onda vidiš ako tu je potrebno možda neka nova energija, novi menadžment i tako dalje ako nemaju ideje. Jednostavno ovo Preduzeće treba spasiti. Nama Tržnice ovaj trebaju.

A evo iz ovih svih diskusija vidi se da, da, da je itekako potrebno posebna pažnja, posebna sjednica, posebna priprema za ovu problematiku.

A što se tiče Centralnog grijanja. Ove godine smo se svi lijepo ugrijali. Nadam se da onaj višak sredstava koji, onaj profit, će malo kvalitetnije trošiti. Znači u širenje mreže, u kvalitetu usluga i tako dalje.

Ali uglavnom imamo jeftino grijanje, dobro smo se ugrijali ove godine i ako bog da ćemo i sledeće.

MIREL MIŠKOVIĆ

Zahvaljujem. Riječ ima Ivica Kovačević. HDZ Bosne i Hercegovine.

IVICA KOVAČEVIĆ

Zahvaljujem zamjeniče predsjedavajućeg. Ja će isto biti kratak. Neću ponavljat većinu onoga što je rečeno za ovom govornicom. Uputit će samo dva pitanja. Jedno na adresu jednog, jedno na, jedno pitanje na adresu drugog našeg Poduzeća.

Dakle što se tiče Centralnog grijanja, ono što bih priupitao jeste, razmišlja li menadžment i radi li bilo što na uvodnji individualnih kalorimetara?

A pitanje što se tiče Tržnica-pijaca jeste. Ovamo kad se govori o gubitku, odnosno o rashodima, kaže se da je, da je taj gubitak u stvari posljedica između ostaloga i troškova koji su nastali zahvaljujući znači reklamnim uslugama i sponzorstvima.

Kad pogledamo ovamo ovu tabelu o rashodima, vidimo dakle da su usluge reklame i sponzorstava u 2015. bile nula KM, a u 2016. dakle kad imamo ostvaren ovaj veliki gubitak od preko 100.000 maraka, 12.000 KM-ova dakle troškovi sponzorstva i reklame.

Obzirom da smo vidjeli je li u kakvom, obzirom dakle da vidimo uvjete u kojima Poduzeće djeluje, evo o tome smo već svi puno toga rekli, zanima me dakei je li bilo potrebe dakle ulaziti i povećavati troškove dodatno kroz sponzorstva i reklame? Hvala lijepa.

MIREL MIŠKOVIĆ

Zahvaljujem. Prije znači nego što zaključimo raspravu vijećnika, pozivam obrađivače materijala da daju odgovore na postavljena pitanja. Evo Tržnice-pijace d.o.o. Tuzla. Gospodin Mensur Kozarić. Zahvaljujem.

MENSUD KOŽARIĆ – ispred Javnog preduzeća “Tržnice-pijace“ d.o.o. Tuzla

Mensud Kožarić. Predsjedavajući, pozdravljam i vas i vijećnike. Ja će malo ukratko pokušat vam obrazložit. Neću braniti izvještaj o poslovanju. Ono je takav kakav jest. Vidjeli ste u nalazu eksternog revizora da je ocijenjen izvještaj istinit i fer.

Mi objektivno. Nije samo 2016. problematična Tržnicama-pijacama. Vi vjerovatno znate 2012. godine mi smo uradili investiciju milion i petsto osamdeset hiljada, milion i šesto hiljada i mi smo došli boga mi u jednu finansijsku vrlo tešku situaciju.

Digli smo kredit, sad smo u julu mjesecu otplatili taj kredit i mi smo se finansijski iscrpili. I mi nismo mogli u smislu, jer nismo mogli u stvari procijeniti, procijeniti da će takav biti pad prihoda. I normalno pad tih troškova nije, smanjenjem troškova nismo mogli obezbijediti da firma normalno funkcioniše. Odnosno da nema gubitaka.

Moram naglasiti da je gubitak za 2016. pokriven na Skupštini Društva. Znači više gubitka nema. Obzirom da vidjeli ste u izvještaju imamo 945.000 rezerve iz koje je gubitak pokriven.

Međutim, taj problem pada prihoda od 2012. godine nastavio se. Mi taj trend ne možemo zaustaviti.

Ja će vama reći vi ste predložili jedan program na neki način da se zaustavi, da se povećaju prihodi. Mi smo se uključili u aktivnosti oko ovog Zakona u unutrašnjoj trgovini 2010., 2005., pa 2010. usvojen, i sad je na Domu naroda, nije bilo kvoruma, nije usvojen, gdje nama određene daje mogućnosti možda danas-sutra da malo ovaj kapacitet koji je neiskorišten da ga upotpunimo.

Naime mi smo apsolutno bili uključeni u izradi ovoga Zakona. Vi ako se sjećate nekad je bila Buldožer komisija gdje sam ja Pravilnik uradio samo za pijace na teritoriji Federacije, gdje je Buldožer komisija ta usvojila, međutim u dogовору sa pomoćnikom federalnog ministra za trgovinu mi smo taj Pravilnik faktički ugradili u Zakon, gdje postoji i dan danas.

Međutim, osnovni problem je kod nas konkurencija. Neka je konkurencije. Mi smo jedino Javno preduzeće koje danas imamo konkurenciju. Nek je poštena konkurencija. Mi smo zato i ulagali tolke pare. Mogli smo da ne uložimo te pare. I mi bi živili i imali bi danas pozitivan rezultat, ali smo pokušali da ne dajemo sebi luksuz u smislu da javno preduzeće ne obezbijedi zakonom propisane uslove.

Bio bi veći problem ovdje recimo danas, sutra kod vas da kažete vi Preduzeće nije obezbijedilo te uslove. I ima dosta drugih i ostalih razloga. Mi smo pokušavali određene sadržaje da ubacujemo na pijaci.

Međutim, takav je trend gdje objektivno nema zainteresovanosti prodavača da dolaze, odnosno građana da dolaze da rade na pijaci. Ja vam mogu odgovorno reći da korektnim nekim radom na pijaci može se neki lični dohodak obezbijediti da se neka četveročlana porodica normalno može živiti. Međutim nema.

Druga stvar. Mi profesionalno pratimo starosnu strukturu i prodavača i starosnu strukturu i građana. Moram vam reći da je vrlo nepovoljno. Vrlo nepovoljno. I bojim se da ovaj trend smanjenja prihoda da će se nastaviti i u ovoj godini. Iako smo mi preko Programa, ja ću malo vama reći mjere koje smo mi preduzeli preko Programa mjera koje smo mi unutar Preduzeća mogli uraditi.

Mi smo smanjili gubitak. Sad je recimo za pet mjeseci ove godine gubitak je negdje, pošto se radi već periodičan obračun, negdje oko 14.000. Prošle godine u isti pet mjeseci prošle godine je bio 67.000.

Znači pokušali smo na taj način preko troškova da ih malo, malo smanjimo. Međutim, objektivno je nedovoljno. Ako se nastavi trend, ja moram pošten biti, ako se nastavi trend ovakvog pada prihoda bojim se ne da će doći ovaj Program naš u pitanju, da će problem doći u pitanju broj zaposlenih. Mislim to ćemo imati objektivno veći problem. Jer ne ovaj broj zaposlenih neće moći izmo, u, raditi.

Da vas puno ne govorim. Mi smo bili kod Gradonačelnika na sastanku, mi smo predložili, mi smo jedino Javno preduzeće, evo ja možda radim tu jedno sedamnaest, osamnaest godina u Javnom preduzeću, mi smo jedino Javno preduzeće koje nismo pomoći od Grada dobili ni marke. Sve smo na osnovu nekih činjenica da smo dobro radili. Možda nije ni bilo potrebe.

Ali sad smo došli u situaciju da, da smo uradili ovaj Program mjera, taj Program mjera smo potpisali sa sindikatom, vidjeli ste i sa Vijećem uposlenika i taj Program mjera smo definisali do 28. 02. 2018. godine. Bojim se možda da neće biti nedovoljan u smislu.

Evo nama je još krenula druga nesezona. Pored toga što smo u proljeće, odnosno u zimskom periodu imali nesezonu, nama je sada evo i ovaj juli, avgust nesezona. Vi pogledajte, uđite sad u centralnu pijacu vidićete jedno deset, dvanaest štandova pokriveno. Nema korisnika. Iz kojih razloga? Sad ne ulazim.

Nije popularno bilo da mi povećamo, odnosno da razmišljamo, mi smo razmišljali i o cijenama. Mi od 2002. godine gdje imamo Saglasnost ovog Vijeća na cijene i mi dan danas držimo to. Nismo u mogućnosti s obzirom da bi i nešto smanjivali cijene.

Mi imamo u Nadzornom odboru, donio je Odluku, mi imamo neke stimulativne mjere u smislu novih korisnika na tri mjeseca da damo neke pogodnosti da on dođe, da opstane i da dalje radi. Međutim, objektivno nema zainteresovanosti.

Pokušat ću, reću mjeru, ali samo da vam odgovorim gospodinu Sabahudinu na, na, na, razrađeno je. Nadzorni odbor, Odbor za reviziju i ovo razrađeno je ovdje u izještaju. Imate stavku 27 koliko Nadzorni odbor iznosi. On je u skladu sa, sa, sa odlukama Skupštine. I čak je u odnosu u našem Preduzeću najmanje. 255 maraka je Nadzorni odbor. A Odbor za reviziju je 100 maraka, odnosno 120 maraka predsjednik Odbora za reviziju. Znači razrađen je. Nije uopšte.

Visoka stručna spremu. Deset čini mi se ljudi ima. Međutim, ti od tih deset ljudi 60% radi na poslovima srednje stručne spreme. Znači on je primljen na poslovima srednje stručne

spreme, radi, ima, u međuvremenu završio fakultet i mi ga ovdje u izvještaju da bi bio transparentan izvještaj mi objektivno imamo deset ljudi sa visokom stručnom spremom. Oni objektivno ne rade te poslove sa visokom stručnom spremom. Evo u tome mislim je to. Ne pokušavam. (ELVIR KASUMOVIĆ – Onda nije dobar izvještaj.)

Pa ne. Mi smo govorili. Mi imamo ovoga. Mi. U ljudima je u radne knjižice upisano deset. Možemo za sledeći, prijedlog možemo sledeći puta kad budemo tu strukturu školske spreme radili možemo to odvojiti i napisati da ljudi to rade na tim poslovima i taj dio. (MENSUR ALIĆ – Oni su plaćeni kao visoka stručna sprema.) Nije plaćen. Plaćen po srednjoj stručnoj spremi što on radi te poslove. On je primljen na to radno mjesto. A on je u međuvremenu. Molim? (MIRZA TUPAJIĆ – Samo jednu rečenicu da ste napisali.) Pa slažem se. Prihvatom. Mislim prihvatom ovo. (MENSUR ALIĆ – Mislim da je dovoljno.)

Mi smo. Mi smo. Mi smo ovaj predložili ovo, ja ču vama reći. Kod Gradonačelnika kad smo bili na sastanku da se ovaj Program mjera koji smo mi unutar firme donijeli da on se produži do 28. 02. 2018. godine, da pokuša se, evo i vas na neki način molim, ako bude rebalans Budžeta za ovu godinu da na neki način 100.000 maraka da, da pokuša se kao neki grant ili pomoć Javnom preduzeću za tekuće poslovanje. Ja ču vam reći iz kojih razloga.

Da mi smo predložili s obzirom da imamo dužni Gradu Tuzla za. (MIREL MIŠKOVIĆ – Samo malo. Ako možete odgovore na pitanja samo da nam date. Da ne obrazlažete izvještaj.) Pa evo otprilike. Otprilike ovaj. Ne. Ne. Ne obrazlažem. Ja samo htio sam ovo što smo mi rekli. Ja nemam više. Mislim. (MIREL MIŠKOVIĆ – Mi to imamo sve u izvještaju tako da.)

Nemate u izvještaju ovo što smo mi razgovarali. Ja sam samo mislio to, a ništa više posebno.

Gospodin je rekao za. Činjenica je da smo pokušali u ovoj godini za putem reklame. Mi smo i na Komisiji za ekonomske odnose razgovorali. Da ponovo animiramo potencijalne zainteresovane korisnike naših usluga pokušali smo ih tu preko reklame da nešto uradimo da. Zato su ti troškovi nastali u iznosu od 12.000 maraka. Ali nije baš neki efekat. Možda će se u nekom narednom periodu nešto pojavit, ali pokušali smo i putem reklame da animiramo, da pozovemo potencijalne korisnike i to je ti troškovi koji su nastali.

Ja sam to zapisao. To je otprilike kolko ste vi pitali. Ja nemam više. Ako bude nekih pitanja. Hvala.

MIREL MIŠKOVIĆ

Dobro. Zahvaljujem. Predstavnik Centralnog grijanja. (MENSUR ALIĆ – Samo da nam odgovori na pitanja.) Samo kratko da nam da odgovore na pitanja. I nek se predstavi samo.

ADNAN KARAHMETOVIĆ – ispred JP “Centralno grijanje“ d.d. Tuzla

Dobar dan dame i gospodo. U odsustvu direktora ja sam zadužen da prisustvujem i da dam eventualne odgovore ukoliko budem u stanju da vam dam, obzirom da ja nisam ekonomske struke, ja sam tehničko lice, ali obzirom da pitanja mislim nisu preteška ja ču pokušati da na sva odgovorim.

Gospodin Imamović je pitao, ostali nematerijalni troškovi. Je li tako? U nematerijalne troškove spadaju premije osiguranja, troškovi telefona, troškovi pošte, članarine strukovnim udruženjima.

Ovdje bi se osvrnuo na to da za ono što se manje zna da je Centralno grijanje Tuzla član Euro hiten power organizacije. To je organizacija koja se bavi daljinskim grijanjem i koja pravi najnovije inovacije u Evropskoj uniji i koja diktira politiku daljinskih sistema grijanja u Evropi. Mi imamo svoje članarine.

Pored toga Centralno grijanje Tuzla je redovan učesnik Društva tehničara Srbije sa stručnim radovima, koje objavljujemo redovno svake dvije godine. 2013., 2015. imali smo po dva rada. Prošlog mjeseca smo bili zastupljeni sa jednim radom.

Pored toga na prestižnom Slovenskom udruženju daljinskih sistema grijanja mi smo prisutni od 2011. Svakog marta u Portorožu se održava to. Imamo neke troškove u vezi toga svega.

Ono što treba istaći ovom prilikom sudske takse. Znači direktor ne dozvoljava da dođe do zastare dugе. I na sudske takse se otprilike godišnje troši 200.000 maraka.

Troškovi oglasa u štampi. Troškovi pretplate Glasnika. Stručne publikacije. Troškovi reprezentacije.

Znači ja nisam ove struke ali kolege su me obavijestile šta znači ovo sve i ja sam vam sve to pročitao. Da ne ispadne da sam nešto reko. Ja se nadam da ste zadovoljni sa odgovorom.

Gospodin Ivica. Je li tako? Individualni kalolimetri. Je li tako? Vidite. Ne znam šta znači individualni kalorimetri. Mislite na poslovne ili stambene objekte? (IVICA KOVAČEVIĆ – Stambene.) Stambene objekte. Vidite.

Instalacija centralnog grijanja u samim objektima nije u nadležnosti Centralnog grijanja po Zakonu iz 2005. i mislim po zadnjem Zakonu iz 2014. ili 15. godine. Znači to pripada kućnim upraviteljima.

Način, način obračuna naših korisnika po energetskim cjelinama oni sami biraju. Znači Centralno grijanje Tuzla je sa 01. 01. 2016. bila u završnoj fazi nerealizacijom nekih javnih nabavki, problema sa javnim nabavkama nismo uspjeli to završiti, ali znači 31. 12. Centralno grijanje Tuzla će biti spremno da očita sva kumulativna mjerila toplinske energije.

Znači ona naša strana i naše obaveze prema mjerenu, biće zadovoljene sa Novom godinom. Znači Centralno grijanje će u potpunosti moći da fakturiše. U ovom trenutku je to negdje oko 95 do 96%. Sa Novom godinom bićemo sigurni da će to biti 100%.

Ja sad ne znam individualna mjerena. Da li su naši objekti spremni za individualna mjerena? Ja bi to pitanje postavio vama, obzirom da naši objekti nemaju toplinsku izolaciju, da stolarije nisu zamijenjene i bojim se da ova individualna mjerena mogu prouzrokovati samo probleme.

Znači svi objekti na daljinskom sistemu grijanja su projektovani sa nekim zastojem u zagrijavanju i projektovani su bez mogućnosti isključenja bilo kojeg stana. Zašto Centralno grijanje ne dozvoljava nijedan stan da se isključi? Zato što se narušava energetska cjelina. Isključenje jednog stana neće prouzrokovati ništa, međutim ko će izabrati taj stan koji se može isključiti.

Znači u kritičnim dijelovima objekta, nekih 30% kad se isključi i ostali korisnici će osjetiti gubitak toplinske energije. Znači da bi se izvršilo jedno individualno mjereno nekog ozbiljnog objekta solitera potrebne su veome velike investicije, potrebitno je rekonstrukcija mreže i prije svega potrebna je izrada projektne dokumentacije kako bi se ta mreža rastavila.

Imamo primjer iz Zagreba, to veoma dobro pratimo sa lokatorima i mislim da to nije dobro rješenje. Mi imamo to rješenje desetak godina u tržnom centru na Sjenjaku. Mislim da to neće biti naša budućnost da nećemo moći u tim pravcima.

Ali sama znači mogućnost mjerena bilo koje toplinske podstanice ako stanari podnesu zahtjev, moguće da se podijeli po kvadratu potrošnje iz toplinske podstanice. Ne znam da li sam bio dovoljno jasan.

Znači u toplinskoj podstanici postoji kumulativni mjerač i vi možete da iz tog kumulativnog podijelite po stanovima ako imate mjerače a možete da podijelite to i po kvadratu. To i sad možete uraditi ako želite.

Ali napominjem ponovo, nisam siguran da su naši objekti spremni građevinski za mjerenu. Jer bojim se da neće biti skuplji, skuplji MWh nego kvadrat. Po našim analizama mislim da će to biti puno skuplje, obzirom da objekte prije samog mjerena treba pripremiti.

Ja će vam reći da zadnjih, da zadnje tri godine 200, 300 poslovnih prostora je prešlo na mjerjenje. Zašto? Zato što cijena poslovnog prostora i stambenog nije ista. Jedna je jedna i po maraka, ovo je pet maraka. I sigurno se puno bolje isplati poslovnim prostorima da to rade.

Znači u toku je prelazak na obračun po mjerjenju i svi novi objekti se mjere. Znači svi novi objekti ugrađeni su mjerači utroška energije toplotne i oni se mjere i detaljno se analiziraju što se tiče cijene.

Jedan od problema koji se javlja je ne postojanje fiksног dijela u cijeni toplinske energije. Znači da bi, da bi mogli fakturisati kako treba, ne postoji mogućnost da ne platite ništa. Kao što je trenutno sad problem kod nas. Znači postoji fiksni i varijabilni dio koji plaćate.

Trenutno mi imamo problem sa tim, sa tim fiksним dijelom koji ćemo u toku ove godine najvjerovalnije ići prema Općinskom vijeću sa nekim zahtjevima jer to je nemoguće da ne postoji. Nigdje na svijetu to ne postoji nego kod nas.

Pretpostavljam da je to bila odluka da bi se poslovni prostori i svi ostali počeli prelaziti na mjerjenja, ali već sad prelazimo neku kritičnu granicu jer nekih dvadesetak posto konzuma ukupnog se fakturiše po MWh. (MENSUR ALIĆ – Dobro.) Tako da imate pred sobom. (MENSUR ALIĆ – Dosta.) Hvala.

MIREL MIŠKOVIĆ

Zahvaljujem. Zahvaljujem. Ivica Kovačević. Odustaje. Evo Jasminka onda, Mijatović. HDZ. (JASMINKA MIJATOVIĆ – Hoću li ja biti Ivica Kovačević.) (SABAHUDIN IMAMOVIĆ – Budi Marica.)

JASMINKA MIJATOVIĆ

Ne može Sabahudin da ne izrazi. Hvala vam gospodine zamjeniče. Nekako sam bila uvjerenja da će gospodin iz Centralnog grijanja dati takvu informaciju koja će biti sukladna Zakonu o zaštiti potrošača, isto tako i Povelji i činjenici da smo na početku rekli da je Tuzla mnogo ljepši grad nego što je bila.

A ukoliko građani nemaju ispoštovan Zakon i pravo da plaćaju usluge po utrošku energije i ukoliko mi kao Vijeće ne stvorimo takve preduvjete da plaćanje bude po utrošku energije, odnosno bilo drugo, bilo koje druge komunalne usluge, ja mislim da smo debelo na tragu kršenja bilo kojeg propisa iz te oblasti.

Mladi gospodin je kazao da je Centralno grijanje i ja cijenim, član neke Udruge evropske koja se bavi sustavom daljinskog zagrijavanja, ili oprostit ćete mi ako se nisam pravilno izrazila, ja želim da vjerujem da članstvo u takvoj Udrizi će doprinijeti tome da Centralno grijanje bolje funkcioniра, da bolje posluje i da građani u konačnici imaju korist.

Da se zakonski izhjednače prava onih koji su u novogradnji i onih koji žive u starijim stanovima, da poštujući zakon koji garantira jednak pristup pravu bio kojeg građanina u konačnici rezultira i takvim rezultatom ovaj put od Centralnog grijanja.

Znači sistem daljinskog zagrijavanja govoreći i o priključku na način kako je gospodin Kovačević rekao, ni u kojem slučaju ne opravdava i nije našlo obrazloženje u onom što ste vi kazali.

Znači mi smo kao Vijeće tu institucija koja će dati potporu i da vi stvorite preduvjete jednakosti svih građana pred zakonom i poštujući zakone o kojima sam ja govorila.

Znači u tom pravcu je bila intervencija i pitanje i želim da vjerujem a obzirom da je prošlo Izvješće sadržavalo jedno od takvih odredbi kolko se ja sjećam da će to zaživjeti, ja vjerujem da možda neki potrošači neće biti zadovljni način kako ste vi stvorili, a ukoliko se približimo evropskoj obitelji i ukoliko zaštita okoliša bude rezultirala time da imamo fasadne obloge na način kako je u Evropskoj uniji, vjerujem da će cijene biti mnogo manje.

MIREL MIŠKOVIĆ

Zahvaljujem. Riječ ima Sabahudin Imamović. (MENSUR ALIĆ – Nema više riječi.) (ERNA DELIĆ – Zaključili smo raspravu.) Nisam. Nisam. (ERNA DELIĆ – Jesmo prije nego što ste.) Nisam. Nisam.

SABAHUDIN IMAMOVIĆ

Poslovnička. (MENSUR ALIĆ – Pa nema više poslovnička.) Pa imam posl, uvijek izgovor. (MIREL MIŠKOVIĆ – Ne. Ne. Nije zaključena rasprava.) Pa moramo. Moram. Nismo ništa zaključili. (MIREL MIŠKOVIĆ – Nije. Nije.) Ostale bi nek stvari nedorečene. Je li.

Znači 475.000 nematerijalnih troškova je poprilična cifra. Imate dobit 71, neto dobit 71.000, a za 475.000 ne znam u što je potrošeno. Dakle jedno logično pitanje.

Ne znam gdje je direktor. Nadam se da nije smrtno bolestan. Ako je na, na godišnjem onda je neozbiljan. Dakle u toku godine na jednoj sjednici raspravljamo njegov izvještaj a on je odsutan. Ne znam gdje je. I vi ste u jednoj nezahvalnoj poziciji.

475.000 sve se to moglo tamo podijeliti. Telefonski troškovi, ta članarina i šta ono još ima? Sudske takse. Pa to se svugdje. Malo analitike i ja neću imati upitnik iznad glave.

Što se tiče utopljavanja zgrada i. Ako bude išlo ovim tempom preko Službe za komunalne poslove za jedno trideset godina mi ćemo imati ispunjene uslove jer se nedovoljno po nama izdvaja i za širenje mreže i za taj projekat utopljavanja.

Imamo najbolje daljinsko grijanje u ovom dijelu svijeta, samo treba da ga širimo i tako em olakša postižemo ekološke efekte, em olakšavamo život naših građana, em povećavamo prihode ovog Javnog preduzeća. Mislim imamo samo trebamo malo volje i malo koordinacije.

I Mensure nemoj da me sprečavaš da, da.

MIREL MIŠKOVIĆ

Zahvaljujem. Još Elvir Kasumović i zaključujemo raspravu vijećnika.

ELVIR KASUMOVIĆ

Samo evo da predstavnik Tržnica-pijace je rekao da je to vezano u ovom izvještaju navedeno u tabeli kvalifikaciona struktura zaposlenih, da je to upisano onako kako je ko, šta je ko po struci i koliko, i kakva u stvari stvarna kvalifikacija a ne sistematizacija Preduzeća.

Mislim da ova tabela jednostavno nije dobra jer nije objektivno prikazana. Ovdje nemamo sistematizaciju radnih mjesta po stručnoj spremi, nego imamo jednostavno stvarnu, stvarnu situaciju na, na terenu.

Prema tome nas ne interesuje stvarna situacija nego sistematizacija. Sistematski šta je predviđeno i trebala je ta, ta tabela ovdje da, da se, da se nalazi.

I jednostavno prešućivanjem, hvala vam i na ovom odgovoru koji, odnosno pitanju koje sam ponudio a pitao sam vas a jednostavno evo građani su me zamolili da to pitam. Evo i prešutno ste potvrdili to i hvala vam i na tom odgovoru.

MIREL MIŠKOVIĆ

Zahvaljujem. Zaključujem raspravu vijećnika.

Sada stavljam na izjašnjavanje izvještaj o radu i poslovanju javnih i drugih preduzeća, čiji je osnivač ili suosnivač Grad Tuzla za 2016. godinu. Pa pod a) „Tržnice-pijace“ d.o.o. Tuzla. (ELVIR KASUMOVIĆ – Koji?) Tržnice-pijace.

Pitam vijećnike, ko je za ovaj izvještaj, molim da digne ruku? (17) Ima li neko protiv? (4) Suzdržan? (7)

17 vijećnika je glasalo za, 4 vijećnika je bilo protiv i 7 vijećnika je suzdržano, te konstatujem da je IZVJEŠTAJ O RADU I POSLOVANJU JP „TRŽNICE-PIJACE“ D.O.O. TUZLA ZA 2016. GODINU, usvojen većinom glasova.

Sada stavljam na izjašnjavanje izvještaj o radu i poslovanju javnih i drugih preduzeća, čiji je osnivač ili suosnivač Grad Tuzla za 2016. godinu.

Pa pod b) „Centralno grijanje“ d.d. Tuzla.

Pitam vijećnike, ko je za ovaj izvještaj, molim da digne ruku? (28) Ima li neko protiv? (Nema.) Suzdržan? (Nema.)

28 vijećnika je glasalo za, niko nije bio protiv i suzdržan, te konstatujem da je IZVJEŠTAJ O RADU I POSLOVANJU JKP „CENTRALNO GRIJANJE“ D.D. TUZLA ZA 2016. GODINU, jednoglasno usvojen.

Sada pozivam sekretara Gradskog vijeća Tuzla da pročita zaključke vezane za ovu tačku dnevnog reda.

MEDIHA NUHBEGOVIĆ

Dakle uz Izvještaj Tržnica i pijaca kao podtačkom a), predlažemo sljedeće zaključke:

1. Traži se od menadžmenta Javnog preduzeća „Tržnice-pijace“ d.o.o. Tuzla, da što prije Kolegiju Gradonačelnika i Gradskom vijeću, dostavi program mjera za sanaciju stanja u poslovanju u ovom Prirednom društvu i smanjenje gubitaka. Na septembarskoj sjednici Gradskog vijeća Tuzla će biti razmatran program mjera za sanaciju stanja u poslovanju „Tržnice-pijace“ d.o.o. Tuzla i smanjenje gubitaka.

2. Traži se od menadžmenta i Nadzornog odbora Javnog preduzeća „Tržnice-pijace“ d.o.o. Tuzla, da izvrši reorganizaciju u skladu sa potrebama navedenog Privrednog društva.

3. Traži se od menadžmenta i Nadzornog odbora JP „Tržnice-pijace“ d.o.o. Tuzla, da obrete veću pažnju i sagledaju mogućnosti saradnje sa malim obrtnicima, s ciljem realizacije popularnih projekata, kao što su tzv. „art-marketi“ i slično.

4. Gradsko vijeće Tuzla, traži da se sagledaju zakonske i faktičke mogućnosti da se obezbijedi dio prostora oko glavne gradske pijace i da na upravljanje Javnom preduzeću „Tržnice-pijace“ za namjenu parkinga, kao i da se sagledaju mogućnosti za otvaranje pijace u Mjesnoj zajednici Slatina.

Prijedlozi zaključaka pod b) „Centralno grijanje“ d.d. Tuzla, bili bi sljedeći:

1. Sagledati mogućnosti i provesti anketu preko savjeta mjesnih zajednica, kako bi se utvrdilo da li su građani, koji ne mogu biti priključeni na sistem centralnog grijanja zainteresirani za zagrijavanje putem peći na pelet. Sagledati zakonske i faktičke mogućnosti pružanja podrške građanima, koji se ne mogu priključiti na sistem centralnog grijanja, a zainteresirani su za utopljavanje objekata i zagrijavanje putem peći na pelet, kako bi se navedenim građanima po što povoljnijim uvjetima moglo obezbijediti zagrijavanje njihovih individualnih objekata.

2. Traži se od Službe za komunalne poslove, izgradnju i pitanja mjesnih zajednica i Javno komunalnog preduzeća „Centralno grijanje“ d.d. Tuzla, da ne kreću sa realizacijom projekata toplifikacije, dok se ne izvrši ekonomska analiza opravdanosti projekata, što uključuje i anketu preko savjeta mjesnih zajednica, da li su građani zainteresirani na priključenje na sistem centralnog grijanja ili ne. Eto.

MIREL MIŠKOVIĆ

Zahvaljujem. Sada stavljam na izjašnjavanje pročitane zaključke.

Pitam vijećnike, ko je za pročitane zaključke, molim da digne ruku? (28) Ima li neko protiv? (Nema.) Suzdržan? (Nema.)

28 vijećnika je glasalo za, niko nije bio protiv ni suzdržan, te konstatujem da su jednoglasno usvojeni sljedeći zaključci:

a) JP „Tržnice-pijace“ d.o.o. Tuzla

1. Traži se od menadžmenta JP „Tržnice-pijace“ d.o.o. Tuzla, da što prije Kolegiju Gradonačelnika i Gradskom vijeću, dostavi program mjera za sanaciju stanja u poslovanju JP „Tržnice-pijace“ d.o.o. Tuzla i smanjenje gubitaka. Na septembarskoj sjednici Gradskog vijeća Tuzla će biti razmatran program mjera za sanaciju stanja u poslovanju JP „Tržnice-pijace“ d.o.o. Tuzla i smanjenje gubitaka.

2. Traži se od menadžmenta i Nadzornog odbora JP „Tržnice-pijace“ d.o.o. Tuzla, da izvrši reorganizaciju u skladu sa potrebama navedenog privrednog društva.

3. Traži se od menadžmenta i Nadzornog odbora JP „Tržnice-pijace“ d.o.o. Tuzla, da obrate veću pažnju i sagledaju mogućnosti saradnje sa malim obrtnicima, s ciljem realizacije popularnih projekata, kao što su tzv.“art-marketi“ i slično.

4. Gradsко vijeće Tuzla, traži da se sagledaju zakonske i faktičke mogućnosti da se obezbijedi dio prostora oko glavne gradske pijace i dodjeli na upravljanje JP „Tržnice-pijace“ d.o.o. Tuzla za namjenu parkinga, kao i da se sagledaju mogućnosti za otvaranje pijace u MZ Slatina.

b) JKP „Centralno grijanje“ d.d. Tuzla

1. Sagledati mogućnosti i provesti anketu preko Savjeta mjesnih zajednica, kako bi se utvrdilo da li su građani, koji ne mogu biti priključeni na sistem centralnog grijanja zainteresirani za zagrijavanje putem peći na pelet. Sagledati zakonske i faktičke mogućnosti pružanja podrške građanima, koji se NE mogu priključiti na sistem centralnog grijanja, a zainteresirani su za utopljavanje objekata i zagrijavanje putem peći na pelet, kako bi isti pod što povoljnijim uvjetima mogli zagrijavati svoje individualne objekte.

2. Traži se od Službe za komunalne poslove, izgradnju i pitanja MZ-ca i JKP „Centralno grijanje“ d.d. Tuzla, da se ne kreće sa realizacijom projekata toplifikacije, dok se ne izvrši ekonomска analiza opravdanosti projekata, što uključuje i anketu preko savjeta MZ-ca, da li su građani zainteresirani na priključenje na sistem centralnog grijanja.

Prelazimo na petu tačku dnevnog reda:

IZVJEŠTAJ O RADU JAVNIH USTANOVA ČIJI JE OSNIVAČ ILI SUOSNIVAČ GRAD TUZLA ZA 2016. GODINU:

a) JU Narodno pozorište Tuzla

Obavještavam vijećnike, da je u vezi sa ovom tačkom, predlagač Upravni odbor Javne ustanove, obrađivač je menadžment Javne ustanove.

A materijal su razmatrali: Komisija za ekonomske odnose, Komisija za poduzetništvo, Komisija za mlade, obrazovanje i sport i klubovi vijećnika.

Pitam prisutne, ima li potrebe, da predlagač ili obrađivač daju uvodno izlaganje? Nema.

Otvaram raspravu klubova vijećnika. Ima li neko? Zatvaram raspravu klubova vijećnika. Otvaram raspravu vijećnika. Zaključujem raspravu vijećnika.

Sada stavljam na izjašnjavanje izvještaj o radu javnih ustanova čiji je osnivač ili suosnivač Grad Tuzla za 2016. godinu. Pa pod a) Javna ustanova Narodno pozorište Tuzla.

Pitam vijećnike, ko je za ovaj izvještaj, molim da digne ruku? (24) Ima li neko protiv? (Nema.) Suzdržan? (Nema.)

24 vijećnika je glasalo za, niko nije bio protiv i suzdržan, te konstatujem da je IZVJEŠTAJ O RADU I POSLOVANJU JAVNE USTANOVE NARODNO POZORIŠTE TUZLA ZA 2016. GODINU, jednoglasno usvojen.

Prelazimo na šestu tačku dnevnog reda:

PRIJEDLOG MINISTARSTVA ZDRAVSTVA TUZLANSKOG KANTONA ZA IMENOVANJE ČLANA UPRAVNOG ODBORA JZU DOM ZDRAVLJA SA POLIKLINIKOM „DR.MUSTAFA ŠEHOVIĆ“ ISPRED MINISTARSTVA ZDRAVSTVA TK

Obrađivač je Ministarstvo zdravstva Tuzlanskog kantona. Materijal su razmatrali: Komisija za statutarna pitanja i propise, Komisija za ekonomske odnose, Komisija za mlade, obrazovanje i sport, Komisija za izbor i imenovanja i klubovi vijećnika.

Pitam prisutne, da li ima potrebe, da predlagač ili obrađivač daju uvodno izlaganje? Ima li potrebe da se pročitaju izvještaji komisija?

Otvaram raspravu klubova vijećnika. Nema. Zatvaram raspravu klubova vijećnika. Otvaram raspravu vijećnika. Ima li neko? Nema. Zatvaram raspravu vijećnika.

Sada stavljam na izjašnjavanje prijedlog Ministarstva zdravstva Tuzlanskog kantona za imenovanje člana Upravnog odbora Edina Kurević. (ELVIR KASUMOVIĆ – Kako? Kako prezime?) Kurević Edina. (ELVIR KASUMOVIĆ – To je nepoznato prezime.) Za imenovanje člana Upravnog odbora Javne zdravstvene ustanove Dom zdravlja sa Poliklinikom „Dr. Mustafa Šehović“ ispred Ministarstva zdravstva Tuzlanskog kantona.

Pitam vijećnike, ko je za, molim da digne ruku? (22) Ima li neko protiv? (Nema.) Suzdržan? (Nema.)

22 vijećnika je glasalo za, niko nije bio protiv ni suzdržan, te konstatujem da je PRIJEDLOG MINISTARSTVA ZDRAVSTVA TUZLANSKOG KANTONA ZA IMENOVANJE ČLANA UPRAVNOG ODBORA JZU DOM ZDRAVLJA SA POLIKLINIKOM „DR.MUSTAFA ŠEHOVIĆ“ ISPRED MINISTARSTVA ZDRAVSTVA TK, jednoglasno usvojen. (ELVIR KASUMOVIĆ – Da damo šansu novima.)

Evo sad će predsjednik preuzeti.

ALEKSANDAR VUJADINOVIĆ – predsjedavajući Gradskog vijeća Tuzla

Hvala.

Prelazimo na sedmu tačku dnevnog reda:

ODLUKA O IZBORU NAJPOVOLJNIJEG PONUĐAČA I DAVANJU SAGLASNOSTI NA ZAKLJUČENJE UGOVORA O OSNIVANJU PRAVA GRAĐENJA NA NEKRETNINAMA U VLASNIŠTVU GRADA TUZLA SA MIŠLJENJEM GRADSKOG PRAVOBRANILAŠTVA

Predlagač je Gradonačelnik Grada Tuzla. Obrađivač je Služba za geodetske i imovinsko-pravne poslove.

A materijal razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za poduzetništvo i klubovi vijećnika.

Pitam prisutne, da li ima potrebe, da predlagač ili obrađivač daju uvodno obrazloženje, u skladu sa tačkom 68. Poslovnika Gradskog vijeća Tuzla? Nema. Dobro.

Otvaramo raspravu klubova vijećnika. Erna Delić-Mešić, Klub vijećnika Socijaldemokratske partije-SDP.

ERNA DELIĆ

Zahvaljujem predsjedavajući. Evo Klub vijećnika SDP-a smatra da ipak ova tačka ne bi trebala proći bez diskusije. Ja ču jako kratko.

Uzimajući napore prethodne parlamentarne većine evo i ove sadašnje usvajanjem ove odluke o izboru najpovoljnijeg ponuđača i davanju saglasnosti na zaključenje ugovora o osnivanju prava građenja na nekretninama u vlasništvu Grada Tuzla, počinjemo konačno sa realizacijom našeg zajedničkog projekta Poslovne zone Kreka-sjever.

Evo nadamo se da će naravno nastojanjima službe gradske uprave evo i našim daljim naporima doći do realizacije i prethodnih ovih parcela.

U obrazloženju dobili smo sve podatke koji su nama potrebni i evo ovim trima poduzetnicima želimo puno naravno sreće u daljim poslovnim poduhvatima.

I evo naglasili bi, ne mora ništa ni u formi zaključka, ali evo prethodna nastojanja koja teže ka realizaciji Poslovne zone Kreka-sjever naravno da se i nastavi u narednom periodu.

ALEKSANDAR VUJADINOVIĆ

Hvala lijepo. Da li još neko želi da diskutuje? Nedžad Malikić, Klub vijećnika Tuzlanske alternative. Izvolte.

NEDŽAD MALIKIĆ – vijećnik Tuzlanske alternative

Imajući u vidu da smo mi svoju kampanju počeli upravo sa Industrijske zone sjever keker, Kreka-sjever, ja sam izrazito ponosan na ovo što se danas usvaja i što se dešava, jer ipak moramo imati jednu činjenicu da su dole, da se dole grade tri nove fabrike, u kojoj će biti zapošljeno nova radna mjesta i upravo ono što je jako bitno a to je sektor proizvodnje što je neophodno i što nam treba.

Ovo je samo početak i ovo je jako bitno za ovaj grad da to imamo. Ja se nadam da će u narednom periodu upravo biti ovo smjernica razvoja grada na području cijele naše opštine, odnosno cijelog našeg grada. Hvala.

ALEKSANDAR VUJADINOVIĆ

Hvala lijepo. Nedžad Jusić. Izvolite. Predsjednik nacionalnih manjina

NEDŽAD JUSIĆ – nezavisni vijećnik iz reda nacionalnih manjina

Pozdrav svima pošto se prvi put javljam. Da ne prođe Vijeće da se ne javim, ko što je moj kolega Elvir rekao prošli put. (ELVIR KASUMOVIĆ – Koji? Koji?) Komšija ba. Komšija.

Vezano dobro je što imamo današnju odluku vezano izbor najboljeg ponuđača i davanje saglasnosti na zaključivanje ugovora o osnivanju prava građenja nekretnina vezano za gradnju postojećih objekata, ali možda smo malo neke stvari izostavili i na prošli put kad smo davali saglasnost za objavljivanje Javnog poziva, ali evo čitam i u ovoj odluci se to takođe spominje, vezano evo kolega je to rekao za novo zapošljavanje i to je dobro.

Znači sa ovom odlukom mi ćemo imati negdje 59 novih radnih mesta i to je dobro. Mi, ja lično smatram a smatram i kolege vijećnici i vijećnice, da mi želimo da zaposlimo građane Tuzle. Mi se nigdje nismo ovdje ogradiili.

Ja se plašim, ja se plašim da ovi poslovni subjekti imat će pravo, znači niko im neće moći to zabraniti, da ovih 59 osoba zaposli iz Živinica, iz Banovića, iz bilo kojeg drugog mjesta da dođu i da rade tu, i dobro nek i oni rade, ali glavni cilj je naš bio da se građani Tuzle zaposle.

Pa zbog toga možda, možda bi trebali voditi računa u nekom narednom periodu da služba koja bude potpisivala ugovore sa ovim pravnim subjektima, na neki način da sugeriše ukoliko ikako je moguće da što veći broj radnika bude od ovih 59 Tuzlaka. Znači iz Tuzle.

To sam stjeo i osjetio potrebu na kraju krajeva da kažem, ali možda za neke naredne parcele kada budemo raspisivali javne pozive da se to ograničimo, da bude novo zaposlenje građana Tuzle.

Možda u tom pravcu ići. Jer ipak mi dajemo to zemljište po povoljnim uslovima baš s ciljem da se zapošljavaju građani Tuzle. Hvala.

ALEKSANDAR VUJADINOVIĆ

Ureda. Vijećnik Mensur Alić, Tuzlanska alternativa. Izvolte.

MENSUR ALIĆ

Pa evo samo da kažem da smo dočekali hvala Bogu, hvala Bogu dragom kad smo dočekali da ovo krene.

Predlažem zaključak. Da Služba za komunalne poslove, a imamo sredstva izdvojena već kad je u pitanju ova Poslovna zona, da nastavi odmah sa realizacijom asfaltnog puta prilazu poslovnoj toj zoni. Znači on je nasut, urađen, sve da se odmah počne sa radom.

Drugi zaključak takođe predlažem. (MEDIHA NUHBEGOVIĆ – Izvinite šta je reko?) Da službe, prilazni put asfalt koji je najpotrebniji sad. Da ne bi išli po prašini tamo. Da bi sljedeće investitore privukli kad budu oglasi.

Drugi zaključak. Takođe da Služba za prostorno shodno zakonskim pravilima u što kraćem roku kad podnesu zahtjev za urbanističku dozvolu i gađevinsku da te firme dobiju to u najkraćem roku. Da ne bi čekali, da gradnja krene odmah.

Jer čim se pojave ti tri nove fabrike krenu sa izgradnjom onda tek dolazi sledeći odmah. Jer to je ona psihološka kod ljudi kad on pogleda i kaže evo stvarno su počeli gradit se dole fabrike idem i ja u sledeću lokaciju.

A nama trebalo bi do Nove godine da se još deset novih lokacija riješi imovinsko-pravni odnosi gdje će biti takođe raspisan oglas. Evo to su moji zaključci. Hvala. Predlog zaključaka.

ALEKSANDAR VUJADINOVIĆ

Hvala lijepo. Vijećnik Mirnes Ajanović. (MIRNES AJANOVIC – Klub.) Izvolte. Ispred Kluba. Može. Ispred Kluba Bosanske stranke. Izvolte.

MIRNES AJANOVIC

Klub BOSS-a pridružuje se prijedlozima i sugestijama kolege Mensura Alića i ostalih vijećnika. Klubova.

ALEKSANDAR VUJADINOVIĆ

Hvala lijepo. Dobro. S obzirom da smo vodili zajedno raspravu predsjednike klubova vijećnika i samo i vijećnika, da li ima još neko od vijećnika da se javlja za diskusiju? Nema. Dobro.

Onda možemo staviti na izjašnjavanje odluku o izboru najpovoljnijeg ponuđača i davanju saglasnosti na zaključenje ugovora o osnivanju prava građenja na nekretninama u vlasništvu Grada Tuzla sa mišljenjem Gradskog pravobranilaštva.

Pa pitam vijećnike, ko je za usvajanje ove odluke, molim da digne ruku? (26) Ima li neko protiv? (Nema.) Suzdržan? (Nema.)

26 vijećnika je glasalo za, niko nije bio protiv ni suzdržan, te konstatujem da je ODLUKA O IZBORU NAJPOVOLJNIJEG PONUĐAČA I DAVANJU SAGLASNOSTI NA ZAKLJUČENJE UGOVORA O OSNIVANJU PRAVA GRAĐENJA NA NEKRETNINAMA U VLASNIŠTVU GRADA TUZLA SA MIŠLJENJEM GRADSKOG PRAVOBRANILAŠTVA, jednoglasno usvojena.

Iz rasprave su proistekli sledeći zaključci, a to pod jedan. Gradsko vijeće. A to su:

1. Gradsko vijeće Tuzla, traži od Službe za komunalne poslove, izgradnju i pitanja mjesnih zajednica da što prije krene u asfaltiranje pristupnog puta, kako bi se mogli raspisati javni oglasi za naredne parcele.

2. Traži se od Službe za prostorno uređenje i zaštitu okoline, da zahtjeve preduzeća za lokacije poslovna zona "Kreka-Sjever" prioritetno i hitno rješavaju.

Pitam vijećnike, ko je za to da se usvoje navedeni zaključci, molim da digne ruku? (25) Ima li neko protiv? (Nema.) Suzdržan? (Nema.)

25 vijećnika je glasalo za, niko nije bio protiv ni suzdržan, te konstatujem da su jednoglasno usvojeni sljedeći zaključci:

1. Gradsko vijeće Tuzla, traži od Službe za komunalne poslove, izgradnju i pitanja MZ-za da što prije krene u asfaltiranje pristupnog puta, kako bi se mogli raspisati javni oglasi za naredne parcele lokacije poslovna zona "Kreka-Sjever".

2. Traži se od Službe za prostorno uređenje i zaštitu okoline, da zahtjeve preduzeća za urbanističku saglasnost i građevinsku dozvolu, sa lokacije poslovna zona "Kreka-Sjever" prioritetno i hitno rješava.

Prelazimo na osmu tačku dnevnog reda:

INFORMACIJA O GRADSKOM I PRIGRADSKOM SAOBRAĆAJU NA PODRUČJU GRADA TUZLA

Obrađivač je GIPS d.d. Tuzla. Materijal razmatrali: Komisija za ekonomске odnose, Komisija za poduzetništvo, Komisija za komunalna pitanja i pitanja mjesnih zajednica i klubovi vijećnika.

Pitam prisutne, ima li potrebe da obrađivač materijala da neko uvodno izlaganje? Nema.

Otvaram raspravu klubova vijećnika. Mirnes Ajanović, predsjednik Kluba vijećnika Bosanske stranke. Izvolte.

MIRNES AJANOVIĆ

Ovo je vrlo neugodna okolnost da mi raspravljamo o nečemu zašta nemamo nikakvog uticaja.

Informacija o gradskom i prigradskom saobraćaju na području Grada Tuzla je rasprava o privatnom preduzeću koje radi šta hoće i kako hoće. Vidjeli ste da i građani se nalaze u situaciji da zavise od njihove volje.

Da nema taksista u Tuzli mi bi bili robovi ovog Preduzeća. Još jednom pozdrav, hvala svim taksistima i građanima koji koriste taksi prevoz. To je jedini način da možemo se suprodstaviti ovom Preduzeću.

Ovo je pokazalo pogubnost privatizacije. Ovako su htjeli privatizovati sva preduzeća. Zamislite danas da je kao što je htjelo da imamo privatno Centralno grijanje, privatni Vodovod, privatna ostala preduzeća, gdje bi građani Tuzle bili sluge i robovi raznih tajkuna.

Ja ne želim da raspravljam o izvještaju. Neću da ulazim u njega kao Klub vijećnika, zato što šta god da kažemo je bezpredmetno. Ponašaju se kako hoće, ophoto, oholo, osiono, drsko prema Gradskom vijeću, prema građanima Tuzle.

Od njih hoće novac, hoće da se bogate na račun građana Tuzle, a ne žele da razgovaraju nego koriste metode sile, ucjene i uslovljavanja da neće vršiti prevoz ili slično.

Ja, evo pokušat ću olakšati ostalim kolegama vijećnicima i vijećnicama, da mi zaključak jedan samo imamo, da Vijeće ostaje pri svim dosadašnjim zaključcima donesenim po svim povodima koji su bili u vezi dugotrajnih rasprava u vezi ove problematike, a što je osnovno da pokušamo ići ka formiranju našeg preduzeća kroz naše preduzeće Saobraćaj i komunikacije da pokušamo gradu vratiti javni prevoz koji će biti u funkciji grada i građana a ne u funkciji privatnog evo ovakvog rada i ličnog bogaćenja.

Iz tih razloga bez glasanja treba izvještaj prihvati k znanju ono što imamo pravo po Poslovniku i ne treba predugo raspravljati o ovome. Ko naravno ima određene sugestije može ih i reći, ali iskustvo dosadašnje pokazuje da te naše sugestije oni sa podsmijehom prihvataju, ne žele uopšte da ih razmatraju, pa ni ja ne želim da razmatram ovaj izvještaj. Hvala.

ALEKSANDAR VUJADINOVIĆ

Hvala lijepo. Predsjednik Kluba vijećnika Stranke demokratske akcije, gospodin Sabahudin Imamović. Izvolte.

SABAHUDIN IMAMOVIĆ

Preduzeće Gradski i prigradski saobraćaj Tuzla obavlja važnu komunalnu djelatnost prevoz putnika, nad kojom nažalost nikakav nadzor i uticaj nema Grad Tuzla. Dakle ono je privatizirano. Što ne znači da se ta djelatnost i od strane privatnih firmi ne može obavljati kvalitetno.

Ovdje je problem u, u, što je u početku su napravljene dakle strateške greške. Prvo što je se dozvolilo da se privatizira, ali već ako je privatizirano mislim da Grad ima načina da da pomoću ugovora kojim se povjerava obavljanje ove komunalne djelatnosti a koji bi se zaključio između Grada Tuzla i ovog Preduzeća, čak postoji mogućnost da Grad Tuzla u Nadzornom odboru Preduzeća ima svog jednog člana, predstavnika.

Što znači da bi, da bi na jedan način Grad Tuzla mogao na jedan simboličan bar način da ima uticaj i informacije o poslovnoj politici koju vodi GIPS.

Prema ovoj informaciji ovo Preduzeće nastoji da poboljša kvalitet svojih usluga. To se vidi iz informacije. Ja ne znam ima sigurno i u pružanju tih usluga i nekih, nekih ružnih strana. Ali evo nabavili su i taj vozni park koji zadovoljava ekološke efekte. Uložili su preko dva miliona maraka. Nastoje poboljšati uslugu. Ne treba to da ne cijenimo.

Kažem da li će Grad sutra biti u mogućnosti da formira svoje preduzeće, to je jedan, jedan dugotrajan proces.

Dakle mislim da ne smijemo, mi smo i kada smo i prošle godine razmatrali probleme u vezi ovog gradskog i prigradskog saobraćaja, mislim da je bio jedan od zaključaka, da Grad definitivno reguliše ove odnose.

Dakle mislim da je dužnost da Služba za komunalne poslove zaključi ugovor sa ovim Preduzećem o obavljanju ove djelatnosti prevoza putnika. I da se tamo jasno definišu prava i obaveze. To nije urađeno. (MEDIHA NUHBEGOVIĆ – Ne može, ne može direktno sa ovim Preduzećem. Nego mora raspisati konkurs. Ne može direktno da nešto.) Da. Naravno i one druge. Ali nije se ništa pokrenulo sa mrtve tačke. To je problem. Da.

I evo vraćamo se stalno o GIPS-u raspravljamo, kada se pojave određeni problemi i opet smo na početnim pozicijama.

Dakle ovaj, taj ugovor i ostalo, povjera, prije svega povjeravanje te djelatnosti, zatim ugovor, priča o subvencioniranju ovih karata isto nije, i to je jedna realna priča. Dakle mislim da, da bi se moglo tamo procijeniti koliko je to novca i da se u Budžetu za penzionere i druge izdvoje određena sredstva. Pa evo nažalost troše se sredstva za kojekakve stvari. Mislim da je to jedan realan, realan pristup.

Ono što ne smijemo dozvoliti jeste da se na spram ovog Preduzeća odnosimo kao na spram neprijateljskog preduzeća. Dakle oni trenutno obavljaju jednu važnu djelatnost, treba graditi odnose sa tim Preduzećem i njihove usluge i sve ostalo da se kreću u određenim okvirima, naravno i zaštiti građane, građane Tuzle.

Ali treba uspostaviti jedan partnerski odnos i odnos gdje će se tačno znati sva prava i obaveze. Dakle da vidimo šta i mi možemo pomoći, a da isto i ovo javno preduzeće uvažava Grad i da radi sa sviješću da obavlja važnu komunalnu djelatnost. Toliko. Hvala.

ALEKSANDAR VUJADINOVIĆ

Ureda. Hvala lijepo. Da li ima još neko? (ELVIR KASUMOVIĆ - Ispravka krivog navoda.) Ispravka krivog navoda Elvir Kasumović, SBB. Izvolte.

ELVIR KASUMOVIĆ

Moram i ja svom kolegi. Ne radi se o javnom preduzeću nego Dioničkom društvu.

ALEKSANDAR VUJADINOVIĆ

Ureda. Hvala. OK. Dobro. Da li se još neko javlja ispred klubova vijećnika? Ivica Kovačević, Klub vijećnika HDZ BiH. Izvolte.

IVICA KOVAČEVIĆ

Lijep pozdrav svima. Pa evo odmah na početku ču reći da se skoro u potpunosti ne slažem sa raspravom gospodina Ajanovića koju je imao. Mislim da je ova rasprava gospodina Imamovića puno bliže nekom rješenju ovog jednog problema kojeg već jako dugo imamo u Gradu Tuzli.

Rekao bih da je ovaj, da je pitanje javnog prijevoza najbolji, jedan od, jako dobar pokazatelj jedne nebrige Grada Tuzle, odnosno gradske administracije prema tom jednom važnom pitanju u našem gradu, a to je dakle pitanje javnog prijevoza.

Mi smo, odnosno ovo Poduzeće koje obavlja usluge javnog prijevoza već godinama obavlja te usluge i mi smo kao grad godinama žmirili na sve one neke stvari koje nam možda u nekom trenutku nisu odgovarale. Žmirili smo na sve one neke stvari na koje su nas brojni građani upozoravali. Skraćivanje nekih linija, cijene, ovako, onako, onako.

Mislim ova je priča već ispričana i u prošlom mandatu mnogo puta, ali bi zavi kolega koje nisu ovdje bili u prošlom sazivu mislim da je vrijedi ponoviti.

Dakle bilo je puno prigovora, Grad nikada nije reagirao i onda su problemi nastali kad je ovo Poduzeće povisilo cijenu prijevoza, ali kad je povosilo ovdje u gradu. Zašto? Zato što je tad velik broj ljudi koji žive u gradu došao na udar.

Grad ranije nije zanimalo činjenica da možda na nekoj mjesnoj zajednici gdje živi moža 200, 300 ljudi što je njima povišena cijena. Nije to važno bilo toliko, zato što tih 200,300 ljudi ne utječe ni na koji način na rezultate izbora.

Međutim, onog trenutka kad je na udar došao jedan veliki broj građana ovog grada, dakle kompletno gradsko sjedište, e onda smo mi alarmi, sva zvona su počela zvoniti i tako dalje.

I onda je krenula priča. I krenula je priča i evo opet do dana dašnjeg ništa se nije dogodilo. Nikakav niti najmanji pomak. Mi smo prije ako se ne varam i dvije godine govorili treba raspisati natječaj pa da vidimo ko će se prijaviti, šta će biti i tako dalje i tako dalje. Pa je onda to prolongirano, prolongirano i evo do dana današnjeg mi nemamo nikakvog konkretnog rezultata.

I dalje imamo ljudе koji koriste usluge ovog Poduzeća i dalje će sad neki govoriti treba ovo, treba ono, ali kažem ovaj primjer pokazuje nebrigu Grada Tuzle, gradske administracije, ovom jednom važnom komunalnom pitanju.

Ja sam sa ove govornice što postavlja pitanja, što ponavlja pitanje i ne znam više koliko puta govorio o tome, pitanje evo mještana Kosaca i Tetime. Gore živi, ne živi velik broj ljudi, međutim ti ljudi nemaju nikakav javni prijevoz već kolko sad tri, četiri godine. I to ovdje u ovom gradu nikog ne zanima.

Ja sam više puta govorio, može li se nekako kroz proračunska sredstva subvencionirat. Ljudi kažu oni nemaju isplativost. OK. Možemo li mi nekako naći način, ovaj grad, da subvencionira prevoz tim ljudima.

Međutim, nikad nikog nije to zanimalo. Ja nikad nisam dobio bez obzira koliko puta sam postavlja to pitanje, koliko puta sam ga ponavlja, nikad nisam dobio nikakav odgovor na to pitanje. Dakle jedan klasičan primjer nebrige, nezainteresiranosti.

I to će tako i ostati prilično sam uvjeren, dok se opet možda ne dogodi neki udar povećanje cijene ili čega već, e onda ćemo se mi opet onako kao što uostalom često radimo. Kad je sezona grijanja puna su nam usta zagađenosti zraka i onda zaboravimo i tako dalje i tako dalje. Mi funkcioniramo, odnosno ovo Vijeće funkcioniра na taj način.

Dakle ne možemo žimiriti na problem javnog prijevoza i ovo pitanje treba rješavat i ja pozivam dakle većinu u Gradskom vijeću da ozbiljno tomu pristupi. Hvala lijepa.

ALEKSANDAR VUJADINOVIĆ

Hvala lijepo. Da li se još neko javlja ispred klubova vijećnika? Ne. Dobro. Time zaključujem raspravu klubova vijećnika. Otvaram raspravu vijećnika. Merima Softić, Sprečić. Izvolite. SDP.

MERIMA SOFTIĆ SPREČIĆ

Evo pozdravljam vas opet. Ja će zaista samo kratko. Prošle godine smo takođe imali ovdje jednu informaciju, ovu istu informaciju, bio je direktor, pa smo imali niz određenih zaključaka.

Između ostalog jedan je bio možda ne toliko važan, ali nikako manje vrijedan, je da se bar jedan autobus koji je eto najfrekventniji, radi na kružnoj liniji, oslika u jednoj poruci

dobrovoljnog darivanja krvi, zato što je to na neki način evo i vama kao Preduzeće poklon gradu ali nekako sugestivno djeluje na, na građane.

Prošle godine smo oko toga malo više razgovarali. To je bila jedna ideja koja je zaživila u Osijeku. Prenijeli smo tu informaciju ovdje. Oni su radili određene analize i to se zaista dobro pokazalo, koliko je samo evo jedno prevozno sredstvo javno uticalo na svijest građana.

Evo to je neka po meni mala stvar a vi možete da, a za građane vjerovatno mnogo veliko, a i za evo Klinički centar će vjerovatno mnogo značiti.

Što se tiče evo ja bi možda iako je informacija samo voljela da saznam, da li je ijedan autobus i jedno znači ovo sredstvo javnog prevoza opremljeno opremom za, da je mogu koristiti invalidna lica.

Znači da li ijedan autobus ima i postoji li mogućnost da ijedan autobus koji radi na evo ovoj gradskoj bar zoni da se na neki način počne i to koristiti, da li mogu koristiti invalidno lice koje sa kolicima može ući na jedna vrata?

I drugo moje pitanje bi takođe bilo. Da li slijepi, da li ima autobus koji ima zvučne informacije o stanicama koje su naredne stanice, koje su dolazeće, koji je broj autobusa, kako bi slijepa lica koja poznaju svoj grad i koji recimo sami hodaju već kroz svoj grad mogli da uđu u javno prevozno sredstvo bez pomoći drugih. Eto.

ALEKSANDAR VUJADINOVIĆ

U redu. Hvala lijepo. Dugujem izvinjenje gospodinu Delalić Omer, SBB. On se bio prvi javio za diskusiju vijećnika. Evo naknadno. Izvolte.

OMER DELALIĆ

Hvala. Pa na današnju raspravu ponukala me ova prva rečenica u izvještaju koja glasi. Stanje gradskog i prigradskog saobraćaja na području Grada Tuzle prema ocjeni drugih, Hayat TV, Portal BHBus, Udruženje potrošača TK, može se ocijeniti kao vrlo dobro i kao najbolje na području Bosne i Hercegovine.

Meni je žao što ovdje nije saslušano mišljenje oni direktnih konzumenata. Znači ljudi koji koriste gradski prevoz. Ja sam kontaktirao i obišao malo teren i u razgovoru sa građanima sam prikupio neke informacije koje bi želio da iskoristim da pročitam ovdje. Za nekoliko mjesnih zajednica.

U Pascima. Građani se žale da plaćaju najskuplje karte i da je jeftinija karta do Srebrenika. Često se spajaju dvije linije, čime se povećava period kad se, kad su Pasci odsječeni od grada. Često se putnici iz Pasaca izbacuju kod baze i moraju da čekaju drugi autobus. Kasne skoro na svaku liniju. Ako je 31.

Gospodo Merima ja vas nisam prekidao kad ste vi bili i dobacivao sa klupe, (MERIMA SOFTIĆ – Ni ja vas ne prekidam.) pa molim vas nemojte i vi. (ALEKSANDAR VUJADINOVIĆ – Samo malo molim vas.)

Ako je 31. u mjesecu subota ili nedjelja, roditelji moraju platiti kartu do Tuzle dok djeca ne izvade novu mjesecnu kartu. U ljetnom periodu često nemaju klime. U zimskom periodu imaju, odnosno nemaju često grijanje. Ne dogovaraju sa savjetima mjesnih zajednica o redu vožnje i linijama.

Lipnica. Ne saobraćaju do krajinjih mjesta. Smanjen je broj linija. Karta do Lipnice je dvije i po marke. Udaljenost između Lipnice i Tuzle je 14 kilometara. A Srebrenik koji je udaljen preko 30 kilometara ima istu cijenu karte. Isto tako i Kalesija. Smatraju da je previsoka cijena đačke karte od 55 maraka, pogotovo za roditelje koji imaju dvije i više djece. Dvoje i više djece.

Dokanj, Hidani. Problem je kašnjenje subvencija za prevoz. Svaki mjesec od četiri do pet dana i roditelji moraju plaćati kartu za taj period. Cijena đačke karte sa 49 povećana na 60 maraka, a Doknja, udaljenost između Doknja i Tuzle je 8 kilometara. Od Brčanske Malte znači. To je stvarno previše.

Ukinuta je linija od Doknja i Hidana u deset sati, pa djeca kada imaju predčas moraju da krenu u devet sati da bi stigli na taj čas u 12. Znači prevelik je period dok djeca moraju da čekaju jer nemaju druge linije.

Skuplja im je mjesečna karta nego za Kalesiju. Dobro oni su Kalesiju sad spomenuli nisu Srebrenik. Vjerovatno bliže im Kalesija. Već neko vrijeme ne saobraća linija kroz Hidane i Nikoliće, pa djeca moraju pješačiti po nekoliko kolimetara do stanice. Takođe i u gradu u ovo ljetno vrijeme građani se žale da se ne poštuje red vožnje.

Mramor. Žale se građani da je najskuplja cijena karte za Mramor i da je skuplja u odnosu na druge linije. Spominju primjer Mramor-Tuzla gdje je cijena karte 3 marke, a Tuzla-Dobrnja, Dobrnja je udaljenija od Mramora koliko ja znam, nisam mjerio vjerujte, ali ovako iz ličnog mišljenja smatram da jeste, dvije i po marke.

Mjesečna karta za đake i studente je 60 maraka. I pokušao sam vjerujte da i ja malo pogledam ove cijene, pokušao sam da nađem cjenovnik, međutim ni na jednoj stranici Preduzeća nisam mogao da nađem kolike su cijene za pojedine linije. Hvala.

ALEKSANDAR VUJADINOVIĆ

Hvala lijepo. Vijećnik Mirza Tupajić, SDA. Izvolite.

MIRZA TUPAJIĆ

(MENSUR ALIĆ – Ti si vijećnik.) Dao bi ti prednost ali nestrpljiv sam da ovo. Žao mi je što danas nemamo našeg kolegu iz prošlog mandata Beriza Sakića koji je oko ovih pitanja imao izuzetno dobra, eksplitna, fina izlaganja. Pozdravljam ga ovim putem. Nadam se da će gledat ovu sjedicu. Hoće kad čuje ovo.

Drugi. 02. novembar, 27 ljudi je dobilo otkaz. Proglašeni tehnološkim viškom. Od 27, 23 čovjeka su sa prostora Grada Tuzle. Nekolicinu ja poznajem. Za to vrijeme, prije petnaestak dana, neću imenovati koga, video sam čovjeka obolio. Vi ste gospodo uništili 27 porodica. 27 porodica. I ja ne mogu da prešutim da ne kažem to.

Ali zašto? Znači 02. novembar, to je vakum poslije izbora. Poslije izbora vakum onaj period kad mi nismo imali one sjednice, pa smo imali konstituirajuću sjednicu kasnije i onda je došlo na red Budžet pa je to ta, prevladavale su te teme. Zaboravilo se ovo.

Jako ste neosjetljivi, socijalno neosjetljivi. Zamislite to je od svih 27 ljudi preko trideset godina radnog staža. Dali svoj život za vašu firmu koju ste vi naravno preuzeли, privatizirali i tako dalje. Dali temelje toj firmi.

Jako socijalno neosjetljivi ste tada bili. I sad, i možete razumiti zašto na primjer evo ja kao gradski vijećnik imam neprijateljski odnos prema vašoj firmi. Slažem se ja, neko je spomenuo da treba subvencionirati određene nerentabilne onaj linije i tako dalje. Da treba malo više saradnje Grada sa ovim javnim, sa ovim Preduzećem koje nije javno ali obavlja onaj javnu djelatnost. Mi vam dajemo te linije.

Ali strašno, 27 ljudi proglašiti tako tiho odmah poslije izbora tiho, faktički otpustit, uništiti im živote, a čovjek koji za šest mjeseci i obolio od dijabetisa, žena se razbolila. Pazi sa 50, 55 godina. Znači evo čovjek kojem fali šest godina do penzije. Gdje? Ko će ga zaposliti? Uništen. Stres. Znači vi ste dvadeset, tako socijalno neosjetljivo samo pustiti.

A dobili ste od nas povjerenje, dobili ste od nas linije, slažem se ja ulažete i vi u razne projekte. U poboljšanju usluga i tako dalje. I vidi se taj napredak. Sve je to super. Ali socijalna neosjetljivost, ja ne mogu da vjerujem, 27 ljudi, 24 porodica Grada Tuzle.

A kolko se mi borimo Masure evo dole za industrijsku zonu i da poboljšamo, znači da nam ljudi ne idu da se stvore ta radna mjesta. De mi recite jeste li poslije ovih otpuštanja ponovo zapošljavali ljude? Kolko radi sad u vašem Preduzeću. Vi obavljate najviše djelatnost na području Grada Tuzle i tu najviše i imate profita pored ovih nekih drugih linija, da li su to građani Tuzle ili kako dobijam informacije da to dolazi iz Lukavca? Ali 24 porodice Grada Tuzle vi ste uništili.

Razmišljate li o tome? Ima li ikakve vaš gazda, vlasnik, većinski vlasnik, ima li. Ja ne mogu da vjerujem da su to 24 porodice kojima je sad haos. Možda se neko snašo, ali većina njih nije. Znači preko 30 godina radnog staža.

Neko je imo možda tri, četiri godine pa je steko one uslove da otkupi od Biroa ono, ima taj, kako se sjećam ima ta mogućnost da otkupi pa da ode u penziju. A mnogi njih šest, sedam godina imaju do penzije. Gdje će on? Izgubljen.

Ja ne mogu da vjerujem da ste toliko socijalno neosjetljivi a mi smo vam dali to povjerenje. Znači ovo Gradsko vijeće u prošlom mandatu, raspravljadi smo o ovim stvarima. Htjeli ste i onda monopol napraviti pa smo fala bogu imali dovoljno ruku da to spriječimo.

I odmah vi ste napravili neprijateljstvo, da mi neprijateljski smo nastrojeni prema vama. To nije dobro. Mislim bespotrebno je dalje šta govoriti. Ali moro sam izaći da kažem da je ovo strašno.

I jedno je odgovornost i Gradonačelnika. Ne znam, ja se ne sjećam da se on nešto posebno oglasio, da je stao u zaštitu ovih ljudi, a i nas kao vijećnika imamo odgovornost da. Tad u to vrijeme. To je taj vakum, ba period kad je promjena, bez obzira što je to aktuelno, al malo je, malo je gradska znači vlast, evo i kao Gradsko vijeće dao taj ton, taj glas svoj i u javnosti povodom ovog. 27 ljudi, 27 porodica. Pa to je strašno.

Pa evo na kraju samo reći, sram vas i stid bilo.

ALEKSANDAR VUJADINOVIĆ

Hvala lijepo. Sledeći je Mensur Alić, Tuzlanska alternativa. Izvolte.

MENSUR ALIĆ

Mi smo prošle godine bili na rješenju ovog problema, blizu rješenja i ja sam dao izjavu baš na Vijeću jednom, da ćemo uskoro riješiti kad je u pitanju Gradsko saobraćajno preduzeće.

Nas pet kompanija se sastalo i bilo odlučilo da kupimo ovo javno preduzeće i da ga par godina samo zadržimo i da izbjegnemo ove sve probleme koje imaju, a da ga onda prodamo gradskom po istoj cijeni, Gradu Tuzli, po istoj cijeni po kojoj smo kupili i mi bismo se odrekli i zarade i svega samo da napravimo jednom da konačno riješimo ovaj problem.

Međutim došlo je, cijena je bila i dogovorena i sve, došlo je ujutro se čovjek predomislio i odustao od toga. Meni je žao što nije došlo do toga. Mislim da danas bi sasvim drugačije raspravljadi.

Ali ovdje je jedino rješenje, možemo mi svakog Vijeća imati ovu tačku informaciju, nećemo riješiti sigurno. Nama je jedini način da pokušamo i da damo ovlaštenje Gradonačelniku i njegovim pomoćnicima, da stupe u kontakt vlasnikom ove firme i da pokušaju da vide da li čovjek želi prodati, prodati ovo Preduzeće i da ga Grad Tuzla kupi, da digne kredit dugoročni od deset godina i time bi jedino, time bi problem riješili.

Sve drugo. Molim Mediha? (MEDIHA NUHBEGOVIĆ – Izvinjavam se. Mislim Zakon o javnim nabavkama to ne dopušta, da se ništa, ni od koga ništa direktno kupi bez konkursa,

bez procedure.) Pa naravno da bi bio konkurs. Nisam ja govorio sad da ide odmah načelnik i kaže de mi prodaj to Preduzeće. Pa znam ja šta su zakoni i procedure, kako treba i na koji način. Ali za to treba oformit tim koji će razgovarat, pregovarat, postoji li mogućnost ta. Ne postoji druga.

Da bi javno preduzeće ovako Grad Tuzla oformio iznova, treba mu prvo što je najvažnije, treba mu servis koji će pratit, održavat vozila. Ovo sve ima. Održavat ta vozila. Teba mu najmanje dvadeset, trideset autobusa kupit. To su ogromna sredstva. Tu je potrebno pedeset miliona da bi se uradilo.

Ili druga stvar. Sjest sa menadžmentom ovog Preduzeća i napraviti, probati ovo o čemu je Sabahudin govorio i što je govorio, da pokušamo naći načina kako u Budžetu da obezbijedimo dio subvencija za određene kategorija građana Grada Tuzle. Jesu li to penzioner, da li su to studenti, socijalno ugroženi, ili linije koje nisu ekonomski opravdane, da te linije subvenciramo. Jedini je to način.

Ali u ovu priču treba ući ozbiljno i treba tim da radi na ovome par mjeseci da bi se ovo riješilo. Sve drugo, mi možemo govoriti. Mirza malo ovo, malo je ovo ne znam kako, emotivno govorio o otpuštanju radnika.

Međutim, ovo je javno preduzeće, privatno preduzeće. Ono ima pravo da otpusti radnike, da im da određenu po zakonu, ono što Zakon o radu i predviđa, da da otpremnine i ostalo sve i to je, to je, to je normalno. Nije to samo u ovom Preduzeću.

Naravno da je ne štim sad zašto su otpušteni ti radnici, ali vjerovatno neka ekomska računica se pokazala da to više ne može i da mora doći do toga. I to, ne možemo u to ulaziti.

Ali da treba tim oformiti, da treba naći načina. Kako? Sjesti i razgovorati sa menadžmentom ovog Preduzeća. I naći zajednički kako nastaviti dalje put. Mi možemo, evo pričalo se o tome da treba raspisati javni oglas. Je li? Da bi nekom dali, onom drugom.

Na tome nismo ništa uradili. I ako raspisujemo pitanje samo hoće li nam se ponovo jedna kompanija samo pojavit, tj. ova. Mislim da Centrotrans iz Sarajeva neće doći u Tuzlu. Ali evo i to je jedan od načina da pokušamo i to uraditi.

Ali da treba gradska uprava, Gradonačelnik i čitav Kolegij Vijeća treba sjest zajedno, bez ikakve i pozicije i opozicije, sjest i razgovorat i tražiti pravo rješenje kad je u pitanju ovo. Jedino na taj način možemo riješiti.

A da se može riješiti evo ima četiri, pet načina kako se može doći do najboljeg. Jedino je to. Svako drugo, napadanje, oduzi, ovako, onako, ne dolazi, ne približavamo se jedni drugima i moramo se mi približiti i tražiti interes i ovog privatnog preduzeća, a interes građana Tuzle broj jedan staviti to pa onda interes ovog privatnog preduzeća.

Evo to. Mislim da Mediha može izvući neke od zaključaka, nisam ih direktno, ali evo ona zakonski to zna šta može predložit u zaključku pa neka to odluči ona sama. Hvala.

ALEKSANDAR VUJADINOVIĆ

Hvala lijepo. Sljedeća se za riječ javila Jasmina Mijatović, HDZ BiH. Izvolite.

JASMINA MIJATOVIĆ

Pa evo o ovome je mnogo rečeno i ranije i danas. Ja ču samo predložit jedan zaključak. Evo ovako glasi.

Nalaže se nadležnoj gradskoj službi da u dogovoru sa Gradskim i prigradskim saobraćajem iznađe mogućnost nesmetanog funkcioniranja prevoza u svim mjesnim zajednicama, a posebno u prigradskim mjesnim zajednicama i naseljeno mjesto Tetima-Kosci u kojem je ukinut prevoz, subvencioniranjem troškova ili uvođenjem rentabilnijeg kombi prevoza.

ALEKSANDAR VUJADINOVIĆ

Hvala lijepo. Mujkanović Sabiha, SBB. Izvolite.

SABIHA MUJKANOVIĆ – vijećnik Saveza za bolju budućnost

Pozdravila bih sve prisutne. Ovo je tema o kojoj se sigurno može puno govoriti. Međutim, najprije moram naglasiti naravno da mi je žao što je došlo do privatizacije Gradskog i prigradskog saobraćaja i žao mi je što to nije spriječeno kao što je hvala bogu u slučaju Vodovoda i kanalizacije, Centralnog grijanja i tako dalje.

Iako vjerujem da je puno puta postavljeno to pitanje, dozvolit ću sama sebi da još jednom postavim pitanje ko je kriv za privatizaciju GIPS-a imenom i prezimenom. To nije mogao biti samo jedan čovjek. To je morala biti grupa ljudi.

Kao što se mora reći ko je kriv za privatizaciju, isto tako mora se javno reći da GIPS ima monopol u ovom gradu i da su definitivno naši građani ti koji najviše ispaštaju i najviše osjete.

Evo kolega Omer Delalić je nabrojao sve ono sa čim se susreću naši sugrađani, a naročito oni u prigradskim mjesnim zajednicama. Što se tiče prevoza grad nam je izolovan i već sam rekla znači da naši građani najviše ispaštaju.

Zamislite šta bi tek bilo da je usvojeno ono prije dvije godine ja mislim da je to bilo na Vijeću, bilo je neke govora i priče, one dvije stanice vezano za Siporeks i Simin Han, kakav bi tek onda monopol u gradu imali.

Ono što meni naj. Naravno da treba tražiti neka konkretna rješenja, pa čak razmisliti i o konkurenciji i drugim prevoznicima u ovom gradu.

Međutim, ono što meni najviše smeta jeste što postoji još uvijek veliki broj građana koji smatraju da je ovo u pitanju javno preduzeće a ne privatno i da krive i Gradsko vijeće i gradsku upravu za ovakvu situaciju.

Stoga bi ja žljelja da pitam sekretara Vijeća, da li postoje neke zakonske regulative da se zabrani korištenje naziva gradski, s obzirom da nije pod ingerencijom Grada, ili da ovo Gradsko vijeće doneše neku odluku da se spriječi zloupotreba imena Gradski?

Jer zaista zbujuje građane. Ja bi prva bila zbunjena da nisam ušla u politiku. Eto. Hvala.

ALEKSANDAR VUJADINOVIĆ

Hvala lijepo. Da li se još neko javlja za diskusiju? Ukoliko se niko više ne javlja za diskusiju, zatvaram raspravu. (SABAHUDIN IMAMOVIĆ – Može li prijedlog zaključka?) Može. Izvolite. Sabahudin Imamović. Zatvaramo diskusiju vijećnika. Prijedlog zaključka.

SABAHUDIN IMAMOVIĆ

Znači želim da ponovim. Gradski i prigradski saobraćaj je naša realnost i mi moramo pokušati urediti te odnose dok se ne nađe neko alternativno rješenje, kako da zaštitimo naše građane, i zato ja smatram da ne treba odustati od onih, od onog ugovora o kojem sam govorio. Ali evo konkretan zaključak.

Ovdje se priča o subvencijama čitavo vrijeme. A nikad ja nisam čuo koji je to iznos novca. Ja bi volio da nam GIPS dostavi prijedlog, koliki je to novčani iznos koji bi bio potreban da bi mi za subvencioniranje karata određenih kategorija, dakle studenata, đaka, penzionera i za subvencioniranje određenih nerentabilnih linija.

Oni znaju koje su to nerentabilne linije. Da. I koliko imamo penzionera, koliko imamo đaka, koliko imamo tih socijalnih kategorija, ili da se odredi neki približan. I da nam se pojavi sa tim prijedlogom. Dakle konkretni novčani iznos i onda da ovo Vijeće, Služba, Kolegij načelnika da razmotre da li je to podnošljivo, da li to ovaj Grad može, može finansirati.

Možda to nisu velika sredstva, a samo na taj način u ovom momentu možemo pomoći ovim kategorijama. Mislim da je to jedini način.

Ovo Preduzeće posluje na principu profita i normalno da kada vidi da mu se ne isplati određeni posao on odustaje od njega. Zato mi, a opet se radi o važnoj komunalnoj djelatnosti, zato ovaj Grad ima obavezu da interveniše. Hvala vam.

ALEKSANDAR VUJADINOVIĆ

Dobro. (ALEN KAPIDŽIĆ – Replika.) Ured. Alen Kapidžić. Izvolte. (ALEN KAPIDŽIĆ – Replika evo. Ali nije klasična replika je li.)

ALEN KAPIDŽIĆ – vijećnik Socijaldemokratske partije

Pošto se spominju subvencije, ovaj mene interesuje da li je moguće stvarno subvencionirati privatno preduzeće. Mi ćemo sutra imati onaj i od ostalih privatnih prevoznika iste zahtjeve. Iste zahtjeve. Što nam ne bi sutra neko iz taksi, taksi prevoznik došao i kaže dajte meni subvenciju.

Po kojem, je li moguće to da mi to. Mi bi trebali razmotriti ove zaključke. Mislim ja stvarno, Klub SDP-a je protiv ovih zaključaka.

ALEKSANDAR VUJADINOVIĆ

Dobro. Evo i vijećnik Kasumović Elvir se prvi javio. Poslije toga Ivica Kovačević, Mirnes.

ELVIR KASUMOVIĆ

Ja kolko sam shvatio kolegu ovaj, kolegu Imamovića, on nije tražio da se subvencira Preduzeće, nego određene kategorije stanovništva građana Grada Tuzle. Znači radi se o subvencioniranju prema tim kategorijama a ne, a u svrhu prevoza je li, prevoza putnika.

A ne, mi ne pravimo subvenciju njima. Znate. Ne pravimo subvenciju Gradskom saobraćajnom preduzeću, nego pravimo subvenciju građana Grada Tuzle, odnosno određenim socijalnim kategorijama.

ALEKSANDAR VUJADINOVIĆ

Hvala lijepo. Je li replika ili? (SABAHUDIN IMAMOVIĆ – Replika kolegi Kapidžiću.) A ha. OK. Vijećnik Sabahudin Imamović. Replika.

SABAHUDIN IMAMOVIĆ

Ja uopšte nisam tražio subvencioniranje. Ja to predstavljam kao mogućnost. A da bismo o tome razgovarali ja tražim podatke od GIPS-a koliko je to para. Znači to je suština. Znači to je jedna mogućnost. Ja nisam tražio niti je to gotova stvar.

Nego da nam, da nam Gradski i prigradski saobraćaj dostavi osnovne podatke koliko je, koliko bi građana bilo obuhvaćeno subvencioniranjem, koje su to nerentabilne linije. Dakle da vidimo. Nećemo mi odlučiti da li ćemo, da li ćemo krenuti u taj proces.

Ali evo priča se stalno o subvencijama. Ovdje se radi o interesu da zaštitimo te kategorije građana, a ne da pomognemo, da pomognemo GIPS-u.

Zašto? Ako mi ne bude subvencionirali, te linije za Tetimu neće biti. Ali ako mi budemo finansirali, oni će poslati gore i dakle olakšat ćemo život tim ljudima na Tetimi. Biće jedna dolazna i odlazna linija i možda će biti zadovoljni. Bar sa tim minimumom.

Znači ne činimo mi tu, nećemo mi finansijski podržavati nekoga, nego naprotiv naši građani će biti u tom pogledu, imat će kompletnejšu sliku.

Znači ja ne tražim subvencioniranje, nego dovoljno ulaznih, ulaznih podataka da vidimo da li se u taj proces uopšte može krenuti. Ako neko smatra da to ne može nikako pa nećemo ići. Ali stalno se govori o subvencioniranju a ne znamo, nemamo elementarne podatke koliko je to novca. Možda je to zanemarljivo mali iznos. Hvala.

ALEKSANDAR VUJADINOVIĆ

Replika ili? (MENSUR ALIĆ – Replika.) Replika. Mensur Alić. Izvolte.

MENSUR ALIĆ

Ja mislim suština je ovdje samo što se ne razumijemo. Ovdje se ne donosi nikakva odluka. Ne donosi se zaključak da to mora biti. Nego ovdje se traži da vidimo mi stvarno kolko to gubi, pošteno da nam ovo privatno preduzeće ispostavi jednu, ne fakturu, nego cjenovnik jedan po kojem bi i kolko bi to koštalo ovo što oni gube pa su povećali cijene. Da vidimo to samo.

A ne nikakvu odluku. Mi sad zaključak tražimo, znači zaključkom se traži da nam dostavi Gradsko preduzeće gubitke svoje koje ima na određenim linijama i ostalo. Da oni nama. To je zaključak.

Nije zaključak da mi donosimo subv, zaključak da ćemo dati subvenciju. To je razlika. Kad budemo predlagali a to će doći kad dođe do toga, kad budemo imali to onda ćemo sjesti, imamo fala bogu pravnika i ovdje sjedi kolko hoćeš, imamo u gradskoj upravi i tamo i viška i pa nek sjedu svi nek razmotre je li to po zakonu, nije po zakonu, može li, ne može. Ne može, bože moj.

Ali ovdje, to je, ja sam tako razumio i mislim da je to način i put ovog zaključka a ne. Alen je razumio da je to. Nije, nije ovdje ništa protivzakonito.

ALEKSANDAR VUJADINOVIĆ

Ureda. Hvala. Poslovnička Mirnes Ajanović. Izvolte. BOSS.

MIRNES AJANOVIĆ

Mi ovdje ulazimo u raspravu koja faktički s obzirom da se radi o informaciji ni ne treba biti predmet rasprave.

Mi smo raspravljali više puta, pokušavali da razgovaramo, trošili sate na raspravama Kolegija Gradskog vijeća gdje smo bili šikanirani od strane ovog Preduzeća. Njih ne interesuje naše mišljenje. Oni hoće da rade šta god hoće. A da mi budemo servis njima. I to je tako.

Oni su uskratili mogućnost dijaloga. Ne mi. Kada budu htjeli razgovarat ćemo. Ali da razgovaramo, a ne da uslovljavaju, ucjenjuju i prijete.

Rasprava o subvencioniranju je protuzakonita. S kakvim pravom mi u okolnostima kada zakoni propisuju konkurse, imamo mogućnost da raspravaljamo o tome. Sutra hajmo taksiste onda subvencionirat. Hajmo deset taksista nek ide gore, platiti, nek završe taj problem.

Ne smije to Grad da radi. Ja ne želim da se uvlačim u raspravu. Neću glasat nikako onda. Svakako o informaciji ne glasamo, moj prijedlog je nemojte ni glasat o zaključcima.

Mi smo svakako donijeli zaključke, zaključci i dalje egzistiraju. Povlačim ja i svoj zaključak. Zaključci egzistiraju Vijeća. Kad budu htjeli da razgovaraju nek razgovaraju sa Vijećem.

Imaju gradsku upravu, neka pozovu Gradonačelnika, ali na ravnopravnim osnovama. Ne ucjene i prijetnje. Uvijek vlasnik ili njegov predstavnik može doći i pozvat Gradonačelnika nek razgovaraju. Ako će prijetit, ne dozvoljavam da se prijeti niti Gradonačelniku. Niti nama.

Povlačim svoj zaključak. Ja se neću izjašnjavati ni o jednom zaključku. Neću da saučestvujem u bilo kakvom krivičnom djelu. Pozivam i ostale kolege vijećnike da budemo uzdržani.

Vi predsjedvajući po Poslovniku stavite na izjašnjavanje. Ne, vi samo evidentirajte da je primljena k znanju informacija i ja ne želim da glasam o zaključcima. Izvinjavam se kolege koji ste predlagali zaključke, iz ovih razloga ovakvog stanja kojeg imamo, ne želim da se izjašnjavam o zaključcima.

Oni sad imaju mogućnost poteza. Na njima je. Mi smo sa svih strana nudili, pokušavali, razgovarali, dobijali smo samo pretnje, ucjene, poniženja. Pogotovo ovaj, direktorica koja je dolazila. Toliko nas je ponižavala, neće da razgovara sa nama. Mi smo njoj nebitni. Vi kaže ako ne bude to mi ćemo blokirati ovo. To je strašno. To je krivično djelo. To je ucjena. Direktno krivično djelo. Iznude i ucjene.

Ja ne želim da saučestvujem u ovom. Zato sam reko ne želim da raspravljam. A uvukli smo se u ovo i dalje ne želim da raspravljam o izvještaju.

Imaju Gradonačelnika, neka ga zovu, pod uslovom ravnopravnog raspravljanja. Uvažavanja Grada Tuzle i građana Tuzle i na kraju Gradskog vijeća. Ne moramo biti na početku, nek budemo na kraju.

Zato predlažem poslovnički ovaj način da završimo ovu sjednicu, bez opterećavanja vijećnika sa nekakvim dodatnim temama, u kojima se možemo naći, odnosno u velikim problemima ako budemo donosili određene zaključke koji bi mogli biti i protuzakoniti.

ALEKSANDAR VUJADINOVIĆ

Ureda. Hvala lijepo. Replika, vijećnik Sabahudin Imamović, SDA. Izvolte.

SABAHUDIN IMAMOVIĆ

Pa mene sad interesuje na čiju inicijativu je, ko je tražio ovu informaciju? (MEDIHA NUHBEGOVIĆ – Bila u Programu rada.) (ALEKSANDAR VUJADINOVIĆ – U Programu rada.) U Programu rada. (ALEKSANDAR VUJADINOVIĆ – Ja, informacija.)

Pa eto koliko je zanimljiva administraciji nikog nema iz administracije ovdje, a mi koji smo najmanje odgovorni mi eto pokušavamo da budemo konstruktivni i ovdje se nadmudrujemo međusobno.

Dakle nema ni Gradonačelnika, ni, ni predstavnika Službe za komunalne poslove i neće meni građani doći, niti bilo kome ovdje od klubova, kada se cijena poveća. Dakle oni su ti koji su najodgovorniji da regulišu te odnose.

Htjeli smo da budemo konstruktivni. Dakle evo ne moram više ni riječi progovoriti. Mi želimo da pomognemo, ali trebamo neke teme. Radi se o važnoj, o važnoj djelatnosti i pokušavamo da, da nešto učinimo.

Evo predsjedavajući možete i zaključiti raspravu na kraju krajeva. Mislim ova tema nije interesantna za administraciju ne znam zašto bi i za nas bila. Ali šteta ima kvalitetnih zaključaka da sad se o njima ne izjašnjavamo.

Trebamo. Trebamo. Ja ostajem pri ovome da se traži od GIPS-a da nam dostavi koji je to iznos koji bi bio dovoljan da se subvencioniraju karte za određene kategorije i za određene nerentabilne linije.

ALEKSANDAR VUJADINOVIĆ

Dobro. Hvala. Jasmina Mijatović, HDZ BiH. Izvolte.

JASMINKA MIJATOVIĆ

Kad smo imali prezentaciju uređenja budućeg javnog saobraćaja u Gradu Tuzla, rečeno nam je da trebamo biti zahvalni zato što smo jedan od rijetkih gradova u Evropi koji funkcioniraju na način da nema subvencioniranja javnog prevoza. To nam je tad rečeno.

Međutim, to ne postojanje subvencioniranje na bilo koji način i u bilo kojem obliku ne znači da građani ovog grada žive na način da nemaju uopće gradski i prigradski prijevoz.

Ako je to rezultat ne subvencioniranja u bilo kojem obliku, moj zaključak je bio da se iznađe mogućnost ili-ili. Ja znam da je riječ o privatnom poduzeću i možemo zaključiti da se iznađe mogućnost nesmetanog funkcioniranja, ne govoreći ni o kombi prevozu, ni o subvencioniranju u ovom načinu, pogotovo nakon izlaganja kolege Imamovića koji je tražio detaljnju analizu a koja zaista treba. Možda je to mali iznos novca koji je neophodan u korist građana Grada Tuzle kako bi imali prevoz.

Znači ni u kom slučaju prodaja javnog poduzeća nije smjelo biti na štetu bilo kojeg građanina, ni bilo koje mjesne zajednice. I diskusija naša je bila u tom pravcu i smatram osnovanim da se mora iznaći mogućnost funkcioniranja javnog prijevoza u svim mjesnim zajednicama, a prije svega javni prevoz je u našoj nadležnosti koliko ja znam.

ALEKSANDAR VUJADINOVIĆ

Hvala lijepo. Hala lijepo. Ja se izvinjavam je li. Ništa povlačite. Dobro. Ured. Ured. Ništa. Znači ovim zaključujemo raspravu znači vijećnika po ovoj tačci dnevnog reda. Jeste li htjeli? (MERIMA SOFTIĆ – Htjela sam samo da vidim ili je ovo zaključak, ili usmeno da mi samo da?) Hoćete li riječ ili čete? Elvir Kasumović. Izvolte. SBB.

ELVIR KASUMOVIĆ

Evo ja bi da podržim iznošenje koje je ovdje izvršio gospodin Sabahudin Imamović. Stvarno nema smisla da nijednog radnika gradske uprave nemamo ovdje sad trenutno na, na, na sjednici.

Pa nema. Evo ko će nam sad. Informacija je takva kakva jeste. Evo ako tražimo određena pojašnjenja, šta ćemo dobiti. Ko će nam se po tom pitanju obratiti.

Evo ja tražim sad shodno tome da, da, da jednostavno kad njima ovo nije bitno, sutra kad se napravi nešto nek građani idu tamo u gradsku upravu i nek rješavaju, gdje i jest mjesto rješavanja svega.

Mi želimo uložiti dodatne napore da, da, da riješimo problem građana Tuzle a oni otišli. Baš ih briga je li. Mi možemo ovdje sjediti čitav dan njih nije. I njima je obaveza isto kao i nama vijećnicima da jednom mjesечно prisustvuje ovom sjednici Vijeća.

Nijednog. Nijednog radnika nema ovdje. Gradonačelnika da ne pričam. Bio je jutros malo. Što ga interesovalo interesovalo. Politikanstvo ga je interesovalo, riješio je svoje i otioš čovjek za svojim poslom, a mi ćemo ovdje rješavati i njegov dio.

Mi se uopšte nećemo izjašnjavat. Klub vijećnika Saveza za bolju budućnost neće ni primiti ovu informaciju k znaju, čuli smo je ko da je nismo, nit ćemo se izjašnjavati ništa po ovom pitanju. (ALEKSANDAR VUJADINOVIĆ – Dobro.)

Napominjem. Samo radi toga što nema ovdje obrađivača ove informacije, ne možemo dobiti određena pojašnjenja, ne možemo ništa dobiti po pitanju toga. Kako da se izjašnjavamo po pitanju nečega kad ne možemo, kad nam ne može to biti pojašnjeno.

ALEKSANDAR VUJADINOVIĆ

Ured. Dobro. Dobro. OK. Hvala lijepo na diskusijama. Uz konstataciju znači da je praktično primljena k znanju ova Informacija o gradskom i prigradskom saobraćaju na području Grada Tuzle, predlog je znači da se, da Stručna služba Gradskog vijeća dostaviti stenograma sa ovim diskusijama službama u gradskoj i preduzećima znači na koje se odnosi znači ove diskusije i da one daju pismena znači odgovore u pismenoj, da daju svoje odgovore u pismenoj formi svim onim koji su postavili određena pitanja.

Da li se slažete s tim? (MIRNES AJANOVIĆ – Nemamo se šta izjašnjavat. To je to. Ne moramo se izjašnjavat.) (NEKO SA MJESTO GOVORI - Rok. Treba rok staviti.) Ja. Pa dobro. Eto to je jedan predlog. (SABAHUDIN IMAMOVIĆ – Znači da im se dostavi ovo što smo diskutovali.) Znači stenogram nek se dostavi pa eto, svim onim koji su u ovoj raspravi bili obuhvaćeni i službama.

Rok, pa eto ja ne znam sad koji rok, s obzirom da je. Je li 60 dana razuman rok s obzirom da su odmori, da je? Mislim ne znam. Dobro. U roku znači od 60 dana. Je li se slažete sa ovim? Dobro. (MERIMA SOFTIĆ – Mi se slažemo, ali slaže li se predstavnik Preduzeća.) Pa dobro. Ništa. Oni će dobiti i dobro. Dobro.

Prelazimo na devetu tačku dnevnog reda:

IZVJEŠTAJ KOMISIJE ZA IZBOR I IMENOVANJE

Predlagač je, ovaj, je Komisija za izbor i imenovanja na inicijativu klubova vijećnika i vijećnika. Te materijal su razmatrali klubovi vijećnika.

Kao predsjednik Komisije za izbor i imenovanja pročitat ću ovaj izvještaj, a to je:

Da je Komisija za izbor i imenovanja razmatrala prijedlog SDP-Socijaldemokratske partije BiH za izbor članova Savjeta Mjesne zajednice Bukinje te, imajući u vidu i prijedlog Tuzlanske alternative i prijedlog Demokratske fronte, za izbor članova Savjeta Mjesne zajednice Bukinje, a koji su razmatrani i prihvaćeni na sjednici Komisije za izbor i imenovanja održanoj dana 10. 04. 2017. godine, Izvještaj Komisije za izbor i imenovanja, broj 01-05-3134-2017. od 10. 04. jednoglasno je usvojila sljedeći zaključak:

Komisija za izbor i imenovanja je razmatrala i prihvata prijedlog SDP-a-Socijaldemokratske partije BiH za izbor članova Savjeta Mjesne zajednice Bukinje te, imajući u vidu i prijedlog Tuzlanske alternative i prijedlog Demokratske fronte, za izbor članova Savjeta Mjesne zajednice Bukinje, a koji su razmatrani i prihvaćeni na ovoj sjednici, predlaže Gradskom vijeću Grada Tuzla da se, kako slijedi:

1. U Savjetu Mjesne zajednice Bukinje, zbog isteka mandata, razriješe:

1. GORAN STOJAK, predsjednik,
2. NADIHA PAŠČANOVIC, član,

3. FRANJO ŠIMIĆ, član,
4. ŽELJKA POLIĆ, član,
5. REŠAD BARČIĆ, član,
6. HALID RAMIĆ, član,
7. JANJA VASILIĆ, član.

A da se umjesto njih u Savjet Mjesne zajednice Bukinje, izaberu:

1. NADIHA PAŠČANOVIĆ, član,
2. JASMIN KATANIĆ, član,
3. MINELA IBELJIĆ, član,
4. SVJETLANA ČOLIĆ, član,
5. KEMAL KUDUZOVIĆ, član.

2. U Savjetu Mjesne zajednice Gornja Obodnica, zbog isteka mandata, da se razriješe:

1. NIKO PEJIĆ, predsjednik,
2. PEJO STJEPANOVIĆ, član,
3. ILIJA STOJAK, član,
4. GRGA MARINOVIC, član,
5. ŽELJKO PAVLOVIĆ, član.

S obzirom na ovo, otvaram raspravu klubova vijećnika. Predsjednik Kluba vijećnika HDZ BiH, Ivica Kovačević. Izvolte.

IVICA KOVAČEVIĆ

Pozdrav svima još jednom. Što se tiče dakle Kluba HDZ-a Bosne i Hercegovine mi smo već bili protiv dakle samog ovakvog prijedloga koji je bio u travnju mjesecu, tako da ćemo naravno kao Klub i ovaj put biti protiv toga.

Već smo tad razjasnili da Grad Tuzla tom Odlukom donio jednu Odluku kakva ne postoji nigdje u Federaciji Bosne i Hercegovine, da je to direktni udarac na izbornu volju građana, a to najbolje pokazuju i evo i rezultati na ove dvije mjesne zajednice, gdje je u Bukinju HDZ osvojio 176 glasova, što je 36,3% ukupnog rezultata, što je više nego dvije druge parlamentarne stranke, ali broj članova Savjeta koji je većina dakle u Gradskom vijeću dodijelila HDZ-u je dva, kao što i ove druge dvije kažem koje zajedno imaju manje, manji broj glasova nego HDZ i one također svaka od njih imaju po dva člana Savjeta. Dakle to govori o Odluci koja je donesena.

A jednako tako slučaj u Gornjoj Obodnici gdje je HDZ osvojio 90% glasova, jedina još parlamentarna Stranka u Vijeću je SDP koja je osvojila 7% glasova i raspodjela većine je bila da HDZ-u pripadaju tri člana Savjeta a SDP-u sa 7% dakle dva.

To su dakle neki motivi i razlozi koje smo već obrazložili i u travnju mjesecu. To su dakle razlozi zašto ćemo mi danas biti protiv ove odluke.

I dakle evo želim ovdje jasno reći i staviti do znanja, dakle da će nam Mjesna zajednica Gornja Obodnica u biti se ne može niti konstituirati. Hvala lijepa.

ALEKSANDAR VUJADINOVIĆ

Hvala. Predsjednik Kluba SBB, Elvir Kasumović. Izvolte.

ELVIR KASUMOVIĆ

Moram istaći da ćemo podržati svačiju autonomiju po pitanju odlučivanja o izboru

imena kao članovi savjeta. Međutim, nikako ne možemo podržati imenovanje članova na uštrb drugih političkih stranaka. Znate. Da ne provodimo ovdje, kako bi to nazvali, strankoizam.

Stvarno mislim da je trebalo sagledati sve te zakonske regulative, mogućnosti po ovom pitanju. Nama jedino kao legalistima ostaje da moramo biti suzdržani po ovom pitanju. Uostalom gdje god bude imenovanja a nisu, a ona nisu sporna Savez za bolju budućnost kažem će poštovati kažem autonomnost u odlučivanju svakog Kluba.

ALEKSANDAR VUJADINOVIĆ

Dobro. Da li se još neko javlja za raspravu ispred klubova vijećnika? Nema. Da ovim za. A ha. (NEDŽAD MALIKIĆ – Mogu li ja?) O pardon. Izvolite. Nedžad Malikić, Tuzlanska alternativa.

NEDŽAD MALIKIĆ

Kad je u pitanju preraspodjela savjeta mislim da smo to završili još u četvrtom mjesecu. Ovo je samo nastavak toga. Ja ne znam gospodine Kasumoviću zašta vi sad nešto mijenjate mišljenje kad smo taj u četvrtom mjesecu završili.

Ovo je dio koji je SDP trebao dostaviti kandidate koje tada nije dostavio, sad samo je nastavak toga i mislim da bi to trebali podržati radi fer i korektnosti nekih stvari.

Danas, sutra evo šta se može desiti, vi možete da tražite da izmijenite člana Savjeta u mjesnoj zajednici i naravno da nas 16, 17 bude protiv toga. To je neki princip koji smo mi uspostavili, još ima nekih sedam, osam godina i mislim da je to što bi se trebali svi držati.

To su principi koje imamo bez obzira ko traži, koja Politička partija traži sve ostale je podržavaju kad je u pitanju izmjena člana Savjeta.

Mislim da ovdje niste fer i korektni i da bi ovdje trebali podržati ovu izmjenu bez obzira što niste dio parlamentarne većine. Mislim da je u pitanju principa i što bi se trebali svi držati u narednom i u periodu.

ALEKSANDAR VUJADINOVIĆ

Hvala lijepo. Vijećnik Kasumović Elvir. Je li to replika? (ELVIR KASUMOVIĆ – Da.) Uredu.

ELVIR KASUMOVIĆ

Vrlo. Vrlo teško je pričati o principima sa ovog aspekta. Principi su naši pokazani i u ranijem sazivu. Evo gospodin Malikić pokušao je izaći, pošao je izaći. U stvari evo tu je.

Mi smo bili principijelni ako se sjećate i u prošlom sazivu kad ste bili izbačeni od strane ove iste većine u kojoj sada pripadate i zastupali smo legalnost svega.

Prema tome moramo poštovati da se ne bi dogodilo bilo kakvo da kažem pravno nasilje u ovom Vijeću, jednostavno moramo poštovati, poštovati volju svake političke opcije. Mislim da ne trebamo ništa gurati da se donose bilo kakve odluke preglasavanju, odnosno koncenzusom po ovom pitanju. Dosad je uvijek tako bilo. Ne vidim razloga radi čega, radi čega ne bi bilo i sada.

Savez, evo nisam naravno predstavnik HDZ-a, ali ljudi nisu dali svoje ovaj predstavnike u savjetima mjesnih zajednica i tako dalje. To je ipak trebalo rješavati. Tebalо je sve to riješiti pa onda izaći sa ovim prijedlozima. Evo u ovom slučaju razrješavaju se njihovi raniji članovi savjeta a nemamo novih imena ispred HDZ-a. O tome se radi.

ALEKSANDAR VUJADINOVIĆ

Hvala lijepo. Predsjednik Kluba BOSS-a. Mirnes Ajanović. Izvolte.

MIRNES AJANOVIĆ

Ovaj je prijedlog Kluba SDP-a potpuno legitiman, zakonit i statutaran. I naravno poslovnički. Mi imamo po Statutu jasno definisano da mandat članova, povjerenika, povjereničkih odbora u mjesnim zajednicama traje kao i mandat vijećnika. Vezano je.

Prošli vijećnici su izgubili mandat. Novi vijećnici su došli. Sve smo izmijenili. Ostalo je ove dvije mjesne zajednice gdje su ostali stari iz starog mandata. Po meni je protuzakonito davanje novčanih sredstava ili zadržavanje njih i davanje novčanih sredstava. To je protuzakonito.

SDP s punim pravom, shodnom svom raspolažeći broju mjesta koje je dobio a kako je definisano Statutom, Statutarnom odlukom na osnovu izbornih rezultata. Što i jeste logika, samo na osnovu izbornih rezultata na nivou Grada Tuzla, jer ne postoji izborni rezultati za mjesne zajednice, dobija se procentualan broj i SDP ide sa postavljanjem mjesta shodno izbornom rezultatu.

I dogovorili smo se, u pravu je kolega Malikić, da ćemo poštovati volju Stranke kada predlaže svoje kandidate.

Ovdje imamo takvu situaciju i sad odjedanput nešto ne poštujemo. Dakle taj princip više ne postoji. Od danas ne postoji princip poštivanja toga. Jasno je dakle SBB ko im se priključi ne poštuju više taj princip i nema ga više.

Ja predlažem parlamentarnoj većini da toga više nema. Dakle imamo stanje ne poštivanja dogovora i prava SDP-a da postavi svoje kandidate na mjesta koja mu po Izbornom zakonu i izbornom rezultatu pripadaju, ja sam onda da idemo u drugačiji način rješenja mjesnih zajednica.

Dakle od sada nema više onoga što smo se dogovorili. Očito da se moramo ponovo dogovarat, predlažem novi dogovor o daljem načinu rješavanja imenovanja ili smjenjivanja u mjesnim zajednicama, da se Kolegij, zaključak da bude, da se oformi Kolegij, sjednica Kolegija, naredna sjednica Kolegija, ili jedna od narednih sasvim je svejedno zavisi kako stignemo radi avgusta, da se na toj sjednici Kolegija ponovo razmotri način izbora u mjesnim zajednicama. Faktički iz početka dogovor. Posebno o predsjednicima mjesnih zajednica. Sve iz početka.

Potpuna revizija dogovora, obzirom da imamo ovakvu situaciju, dakle potpuna revizija dogovora, idemo ponovo se dogovarat. I na tim principima novog dogovora ćemo donositi odluke u narednom putu. U narednim svim situacijama. I za mjesne zajednice, dakle povjerenike, i za predsjednike mjesnih zajednica.

Predlažem da dakle, ne predlažem, smatram da u to ide potpuna revizija i prijedloga koji je dat HDZ-u da se da njima osam predsjedničkih mjesta jer po Izbornom zakonu pripada samo dva, HDZ to nije htio, po mom mišljenju, vjerovatno po logici svih ostalih treba ostati na onome što svakome po zakonu pripada.

Nema više niko pravo i ne želim tu vrstu poniženja da bilo ko ima nešto što mu po zakonu ne pripada. Matematički je jasno. Piše lijepo u Statutu, na osnovu ostvarenih izbornih rezultata. Dakle procenat ostvarenog izbornog rezultata, objavljenog u Službenom glasniku Tuzla, u odnosu na broj povjereničkih mjesta je jedini legitimitet koji mi imamo pravo i obavezu da poštujemo. Ništa drugo.

I tražim da se u svim ostalim, dakle kad bude taj Kolegij, imenuju predstavnici mjesnih zajednica u svim mjesnim zajednicama gdje nisu imenovani. Tamo gdje HDZ-u ostaje šta god

hoće onoliko koliko im ostaje. Kad nisu htjeli osam šta ćemo. Ne možemo mi dozvoliti blokiranje rada mjesnih zajednica. Da nađemo rješenje.

I punu reviziju svih dakle postavljenih predsjedničkih mjesta. Predsjedničkih mjesta, dakle mjesta predsjednika u mjesnim zajednicama.

A obzirom na stanje koje imamo na terenu gdje imamo nekuapsurdnost gdje recimo političke stranke koje su se suprotstavljale razvoju određene mjesne zajednice, glasale protiv ili nisu podržale odluke koje su bile i ključne, vitalne za mjesne zajednice, na nekakav način sad imaju predsjednika mjesne zajednice. To je poniženje.

Gradići negoduju na terenu. Mi kao parlamentarna većina nemamo pravo donositi takve odluke. Takve avanture protiv interesa građana koji su ogorčeni na nas. Nas prozivaju zašto to radimo. Zašto se daje nekome pravo ko uopšte nije htio da glasa za mjesnu zajednicu da bi sada recimo na nekakvima danima mjesne zajednice promovirao se kao da je za interes te mjesne zajednice, o tim projektima govori kao da su glasali a nisu, glasali protiv.

Ne želim da se sramotim pred građanima mjesnih zajednica. Dakle predlažem zaključak, nakon ovog što izglasamo, da na sledećem Kolegiju, jednom od sledećih, idemo u punu reviziju svega, da ne postoji očito više dogovor i da zauzmemos stav na način kako je to zakonom i propisano. Dakle demokratski.

ALEKSANDAR VUJADINOVIĆ

Dobro. Vijećnica Erna Delić-Mešić, SDP. Izvolte.

ERNA DELIĆ

Zahvaljujem predsjedavajući. Evo ja ću obzirom da sam u mail-u našla dostavljano od strane Stručne službe Vijeća 07. 04. dokument pod nazivom, spisak imena za predsjednike i članove savjeta mjesnih zajednica Grada Tuzla, ispred Socijaldemokratske partije Bosne i Hercegovine Tuzla, u kojem stoji, u nastavku tabele vam dostavljamo spisak imena i prezimena za predsjednike i članove savjeta mjesnih zajednica Grada Tuzla ispred SDP-a BiH Tuzla.

Predloge za tri savjeta MZ: Breške, Bukiće i Dokanj, dostaviti ćemo za neku od narednih sjednica. Tako da ne vidim šta je sporno.

ALEKSANDAR VUJADINOVIĆ

Dobro. Da li se još neko javlja za diskusiju? Dobro. Ukoliko nema. Ured. Dobro. Onda ćemo. (SABAHUDIN IMAMOVIĆ – Poslovnička.) Poslovnička Sabahudin Imamović, SDA. Izvolte.

SABAHUDIN IMAMOVIĆ

Predlažem pauzu. Prije izjašnjavanja.

ALEKSANDAR VUJADINOVIĆ

Dobro. Pauza od deset minuta eto. Treba nam svakako. (Pauza.)

Dobro. Evo nakon ove pauze nastavljamo, nastavljamo sa radom sjednice. S obzirom da smo obavili neke konsultacije i razgovore u toku pauze, pitam vijećnike da li se neko javlja za riječ? Elvir Kasumović, SBB. Izvolite.

ELVIR KASUMOVIĆ

Ja želim samo da kažem da je došlo do jednog nesporazuma, odnosno zabune po pitanju predlaganja ovih članova savjeta.

Ja sam pogrešno shvatio, da su na pozicijama koja su predviđen da, da, da popune osobe iz HDZ-a imenovane osobe iz druge političke opcije.

Zbog toga je samo jednostavno naš, naš ovaj istup bio po tom pitanju, zato što želimo jednostavno da poštujemo svačiju autonomiju o odlučivanju i imenovanju svojih povjerenika.

Obzirom da je nesporazum otklonjen Savez za bolju budućnost će prihvati ovu, ovaj prijedlog Komisije. (ALEKSANDAR VUJADINOVIĆ – Izvještaj Komisije ovaj.) Tako je.

ALEKSANDAR VUJADINOVIĆ

Dobro. Hvala. Alen Kapidžić, SDP.

ALEN KAPIDŽIĆ

Pa evo da samo, samo da kažem, znači evo shodno ovom nesporazumu je li koji se javio kod Elvira. Znači mi smo usvojili rezultate je li, implementirali rezultate i napravili raspored članova u savjetima mjesnih zajednica i mi samo raspoređujemo ljude na ono što nam pripada.

Ne bi nam palo na pamet nikad da imenujemo na mjesto neke druge Političke partije, kako HDZ-a tako ni ostalih. Hvala.

ALEKSANDAR VUJADINOVIĆ

Hvala. Mirnes Ajanović, BOSS. Izvolite.

MIRNES AJANOVIĆ

Pokazalo se potpuno opravdanim ovo što smo reagovali kolega Nedžad Malikić i ja, kada smo upozorili da se od svih vijećnika ili predsjednika klubova treba poštovati politički džentlmenski dogovor.

Tačno je mi nismo napisali to. Nismo se potpisali kao predsjednici klubova. I nije potpisano. Mi smo se dogovorili i to je do sada poštovano.

Sjećam se kada sam imao situacije prije pet, šest godina bukvalnog ratovanja sa SDP-om u političkom smislu, kad god je bio princip postavljanja da biramo i postavljamo u mjesnim zajednicama nekog od svojih predstavnika, nikad nije napravljen problem. Nikad.

U najtežim sukobima glasalo se onako kako Stranka predlaže. Nikad se nije došlo u situaciju da se izade za govornicu i kaže što ćeš ti ovo. Nikad. Ako nešto je bilo sporno provjerava se prije. A ne za govornicom, da se stavljuju etikete nekome da uzurpira mjesto druge Političke stranke.

Evo. OK. Kolega Elvir Kasumović ispravio je stav Kluba SBB-a, ali iz tih razloga povlačim prijedlog zaključaka.

Međutim, zbog ove situacije koju smo sad imali, jer trebalo je prije sjednice Vijeća, ili prije ove tačke ako već ništa drugo, ako smo dobili kasno materijale, razgovarati sa predsjednikom Kluba SDP-a pa ga pitati gdje vi to stavljate, a ne za govornicu izaći.

Mi opet možemo sljedeće sjednice imati sličnu situaciju da neko predloži a ostali neće i dovedemo Stranku u nemogućnost realizacije njihovih, njenih prava.

Dakle predlažem zaključak, da se za jednu od narednih sjednica Kolegija, razmotre ove okolnosti koje su bile evo evidentne u okviru ove tačke dnevnog reda, da se napravi stenogram,

neka ima da se, imaju eto, desilo, zaboravio šta se dešavalо da se podsjetimo i da tada na toj sjednici dakle doneсemo sve potrebne odluke i te odluke ovjerimo potpisima predsjednika klubova stranaka.

Da sutra ako bude šta bilo kakav problem da predsjedavajući ima ovjerene potpise. Da ne dolazimo u situaciju da javnost dobija dezinformacije ili da neko pogriješi pa onda se ispravlja. Ne trebaju nam takve stvari. Svako treba da poštuje pravo Političke stranke koja je dobila izborni legitimitet u procentu kakav jeste i niko ne smije se upuštati u to.

Pravo svake Stanke je da stavi koga hoće. Da je najgori. To Stranka nosi kao teret. I nijedna druga Politička stranka koja glasa za to ne može nositi to kao teret. Zato što je to politički dogovor. A u političkom doogovoru se odlučuje o sudbinama države. I ne smijemo seigrati s tim.

Zato smatram da je potrebno da mi to i potpišemo. Da ne bi bilo ubuduće nismo se razumjevali, to je džentlmenski dogovor. Nema džentlmenstva očito u politici, u politici mora sve biti napisano jasno i da onda znamo ko bude radio suprotno radio je dakle protiv svog potpisa. I svoje lice. Hvala.

ALEKSANDAR VUJADINOVIĆ

Dobro. Hvala. Da li se još neko javlja za diskusiju? Dobro. Ukoliko se ne javlja, onda mogu staviti na glasanje prijedlog Komisije za izbor i imenovanja, koji smo čuli, znači o razrješenju i novom imenovanju Savjeta Mjesne zajednice Bukinje i razrješenju Savjeta Mjesne zajednice Gornja Obodnica, onako kako je to pročitano sa kandidatima.

Pitam vijećnike, ko je za to da se usvoji ovaj zaključak, molim da digne ruku? (24) Ima li neko protiv? (1) Suzdržan? (Nema.)

24 vijećnika su glasala za, 1 vijećnik je bio protiv i niko nije bio suzdržan, te konstatujem da su većinom glasova usvojeni sljedeći zaključci:

- Gradsko vijeće Grada Tuzla prihvata prijedlog Komisije za izbor i imenovanja te se:
 1. U Savjetu Mjesne zajednice Bukinje, zbog isteka mandata, razrješavaju:
 1. GORAN STOJAK, predsjednik
 2. NADIHA PAŠČANOVIĆ, član
 3. FRANJO ŠIMIĆ, član
 4. ŽELJKA POLIĆ, član
 5. REŠAD BARČIĆ, član
 6. HALID RAMIĆ, član
 7. JANJA VASILIĆ, član.

U Savjet Mjesne zajednice Bukinje, biraju:

1. NADIHA PAŠČANOVIĆ, član
2. JASMIN KATANIĆ, član
3. MINELA IBELJIĆ, član
4. SVJETLANA ČOLIĆ, član
5. KEMAL KUDUZOVIĆ, član.

2. U Savjetu Mjesne zajednice Gornja Obodnica, zbog isteka mandata, razrješavaju:
 1. NIKO PEJIĆ, predsjednik
 2. PEJO STJEPANOVIĆ, član
 3. ILIJA STOJAK, član
 4. GRGA MARINOVIĆ, član
 5. ŽELJKO PAVLOVIĆ, član

Sada se možemo izjasniti o zaključku, a to je: Da na jednoj od narednih sjednica Kolegija Gradskog vijeća Tuzla, razmotrit će se okolnosti rasprave na ovoj sjednici, izraditi stenogram i potrebne sporazume i odluke, koje će se ovjeriti potpisima legitimnih predstavnika političkih stranaka.

Je li to taj tekst zaključka? Dobro. Onda stavljam na izjašnjavanje ovaj zaključak.

Pitam vijećnike, ko je za usvajanje ovog zaključka, molim da digne ruku? (24) Ima li neko protiv? (1) Suzdržan? (Nema.)

24 vijećnika su glasala za, 1 vijećnik je bio protiv i niko nije bio suzdržan, te konstatujem da je većinom glasova usvojen sljedeći zaključak:

- Na jednoj od narednih sjednica Kolegija Gradskog vijeća Tuzla, razmotrit će se okolnosti rasprave na ovoj sjednici, izraditi stenogram sa devete redovne sjednice i potrebni sporazume i odluke, koje će se ovjeriti potpisima legitimnih predstavnika političkih stranaka.

Prelazimo na desetu tačku dnevnog reda:

a) ODLUKA O IZMJENAMA I DOPUNAMA POSLOVNIKA OPĆINSKOG VIJEĆA TUZLA

b) ODLUKA O IZMJENAMA I DOPUNAMA ODLUKE O NAKNADAMA PREDSJEDAVAJUĆEG, ZAMJENIKA PREDSJEDAVAJUĆEG I PREDSJEDNIKA KLUBOVA VIJEĆNIKA U OPĆINSKOM VIJEĆU TUZLA

c) ODLUKA O IZMJENAMA ODLUKE O OSNIVANJU KOMISIJE ZA ISTINU O TUZLI '92-'95.

Predlagач je Kolegij Gradskog vijeća Tuzla. Obrađivač je Stručna služba Gradskog vijeća Tuzla po zaključku Kolegija Gradskog vijeća Tuzla od 05. 07. 2017. godine.

Materijal su razmatrali: Komisija za ekonomске odnose, Komisija za statutarna pitanja i propise i klubovi vijećnika.

Pitam prisutne, ima li potrebe, da Stručna služba da uvodno izlaganje po ovoj tačci dnevnog reda? Ukoliko nema, otvaram raspravu klubova vijećnika.

Klub vijećnika BOSS. Predsjednik Mirnes Ajanović. Izvolte.

MIRNES AJANOVIĆ

Hvala predsjedavajući. Kolega Elvir Mahmuzić će drugi dio koji ja neću jer smo se dogovorili. A mi smo svakako on kao predsjednik, ja kao zamjenik predsjednika Komisije za statutarna pitanja i propise sa ostalim kolegama koji su bili prisutni, rasmatrali dakle ovu odluku i evo pred vama je, koja pored ovih nekoliko izmjena koje su vrlo bitne sadrži tehničke izmjene.

Tamo gdje god je bila Opština, odnosno Općina, sada je Grad. Definisali smo ono što je bilo potrebno da uradimo. A ovo što treba da se kaže da ostane zapaženo, jeste da je ova odluka, odnosno ovakav sad Poslovnik koji trebamo da usvojimo, o kojem ćemo se izjašnjavati, da li ćemo ga naravno usvojiti, jedna vrsta demokratske revolucije u Bosni i Hercegovini.

Do sada je bilo brojnih zloupotreba mandata od strane izabranih zvaničnika, na koje nije dat adekvatan odgovor u Izbornom zakonu. Naprotiv čak Izborni zakon je donio jednu odredbu gdje je definisano da mandat pripada izabranom zvaničniku a ne Političkoj stranci koja je kandidovala tog predstavnika.

To je predloženo od Roberta Berija šefa Misije OSCE-a, otprilike je to bilo 98. godine, da bi se omogućilo Biljani Plavšić da vlada Republikom Srpskom i da može bukvalno kupiti, kupiti ili kupiti kako god hoće kandidate da bi bila vlast. Tad je bilo onaj kandidat za Predsjedništvo, za predsjednika Republike Srpske ili, pardon člana Predsjedništva Bosne i Hercegovine. Da za člana Predsjedništva Bosne i Hercegovine.

I onda su određene političke stranke iz Federacije agitovale za Biljanu Plavšić. BOSS je imao protukandidata Zulfu Nišića. Dobio 107.000 glasova. Oborio Biljanu Plavšić. Nije prošla. Prošo je jedan ono teškog izraza, neobično hoće neko reći jezik mržnje, hajde radikal, koji je odmah automatski smijenjen i onda je postavljen normalan čovjek jer je Visoki predstavnik tad bio dosta ovako rigorozan.

Ali eto ostalo je do danas. Samo Robert Frovik prvi šef Misije OSCE-a je bio demokrata i pustio je strankama da mogu mijenjati kandidate kad smatraju da ne rade u skladu sa Programom, Statutom, odlukama i tako dalje.

Dakle sledeći s liste ide, Stranka raspolaže i odgovara sa svim. Dakle ko radi, ko ne radi odgovara Stranka. A nemamo ovo sad što imamo trgovinu da recimo evo u Državnom parlamentu imate okolnost da su tri poslanika izašla iz Kluba SDA.

Zamislite Stranka koja je dobila legitimitet da postavi izbore, da drži vlast nad državom, da odlučuje o državi, kakva god je nebitno je, izgubi tri mjesta u okolnostima gdje možda imaš još samo nekoliko mjesta.

Dakle neki tajkun, stranac može doći i kupiti evo vam po milion maraka, uzet pet poslanika, šest, sedam i vladat državom. To je strašno. To je neshvatljivo da mi možemo dozvoliti tako nekome. Bilo ko. Stranac iz bilo koje države. Mi gubimo vlast. Ide tako na neki drugi nivo. Drže vlast stranci. Ne građani. Kakvi god su. Nema veze kakva je Stranka. Je li ova dobra ili nije. Izabrao je narod. Šta ćemo. Imaju drugi izbori kad ćemo govoriti nevaljaju glasajte za nas. Za one druge u slijedu.

Nije do sada bilo rješenje. Imamo mi legalizovanu korupciju. Glasa se kako ko ponudi više. Samostalni postaju kandidati ovi, odnosno izabrani zvaničnici samostalni poslanici ili slično.

I mi smo više puta na Vijeću reagovali u okviru toga svi, većina nas, i evo sad smo to stavili u Poslovnik. Čak i ovaj mandat je počeo mi smo kao parlamentarna većina rekli da nećemo nikoga uzimati iz opozicije, dakle nećemo dozvoliti više te prevege da na taj način se formira parlamentarna većina, a ovdje to i definišemo kroz Poslovnik.

Evo kroz ovih nekoliko odredbi rješavamo i sporne okolnosti koje su bile prije, da li Stranka sa jednim vijećnikom može biti član Kolegija. Dakle objektivno jer Stranka može dobiti jednog vijećnika i do sada nije mogla biti član Kolegija i ostvarivati prava kroz Kolegij da može predlagati, učestvovati u pripremama dnevnog reda.

Rješavamo to kroz evo član 4., odnosno član bivši 18., gdje sada u sastavu Kolegija. Jer mi smo stavili Stranka mora imati Klub. Klub sačinjavaju minimalno dva vijećnika. I onda ispadne Stranka koja, a Kolegij čine klubovi vijećnika. I po tome je do sada bilo Stranka koja dobije jednog vijećnika, dobila dakle određeni legitimitet na izborima, građani glasali, jedan, jedan šta ćemo, ne može učestvovati u Kolegiju.

Sad se mijenja i definiše dakle ubuduće iako nema nikoga takvog u Vijeću, nema takve Stranke, ali za buduće mandate rješavamo problem, dakle nije dnevnopolitička odluka, nego za buduća vremena, gdje smo uvrstili da svi koji se smatraju izborno legitimnim predstavnicima, koji učestvuju na izborima, moraju biti učesnici i Kolegija.

Dakle i nezavisni vijećnik koji se prijavi, učestvuje, plati novčanu taksu i Politička stranka koja dobije jednog, koja je također platila taksu kao i ostale političke stranke, sasvim je nebitno, ali i predstavnik pripadnik nacionalne manjine. Dakle oni su od sada članovi Kolegija i to se rješava ovdje.

Ja predlažem Amandan u ime evo i BOSS-a, i Tuzlanske alternative, i SDP-a, DF-a i Nedžada Jusića, da omaškom se desilo da u članu 4., član 18., omaškom, jer ovo niko od nas nije evidentirao, nema evidentirano da je sekretar Vijeća i član Kolegija.

I obzirom da bez obzira na omašku mi imamo procedure koje su propisane, evo mi predlažemo Amandman ili nas koliko ima ovdje, sasvim je nebitno, ako neka Stranka

eventualno nije prisutna, i tražim da Stručna služba obezbijedi nam napisan Amandman kako bi mi mogli potpisati i o tome se Vijeće izjašnjavati.

Dakle da se iza, u članu 4., iza riječi vijećnici pripadnici nacionalnih manjina, dodaju riječi sekretar Vijeća.

Ono što dalje imamo u okviru onoga što je zanimljivo da se kaže, recimo član 20., sadašnji član 6. izmjene i dopune, ali stari član 20., definiše se i okolnost da predsjednika Kluba vijećnika na sjednicama Kolegija, može mijenjati zamjenik, ali isključivo po pisanom ovlaštenju predsjednika Kluba.

Samo treba dodati i ovdje Amandman, koji se dostavlja predsjedniku Gradskog vijeća, prije sjednice Kolegija. I ovaj Amandman predlažem. Da ne bi bilo zabune kome ga dostavlja, šta.

Dakle da se ne desi da neko sveže Sabahudina Imamovića za šljivu i dođe kaže ja sam došo ispred Stranke SDA. Bilo koje. Svašta se može desiti. Ja ili za krušku. Ili nekog objese. Danas je bilo vješanje. (ELVIR KASUMOVIĆ – Nismo mi tako pričali. Nije tako.) Da nije tako pričao. Nije, nije ta situacija ali neka druga okolnost je bila.

Ali govorimo o stvarima gdje se zaista može to desiti, da bez ovlaštenja dođe neki drugi član i zastupa Političku stranku.

Dakle mora postojati pisano ovlaštenje predsjednika Kluba za zamjenika. I tad je zamjenik u potpunosti legitiman i da se to dostavi predsjedniku, predsjedavajućem Gradskog vijeća. (SABAHUDIN IMAMOVIĆ – A šta gdje je okolnost samo jedan?) (ELVIR MAHMUZIĆ – Ili zamjenika. Zamjenka predsjedavajućeg.) Ja kad je samo jedan onda mu je lakše. Neće ga niko svezati ni za šljivu, ni za krušku. Lakše mu je. Dakle i ovo smo pokušali riješiti.

Onda neke recimo okolnosti član 22. Vijećnici dvije ili više političkih stranaka mogu učestvovati, napraviti zajednički Klub, ako imaju po jednog vijećnika. Onda smo mijenjali, najmanje po jednoga. Jer se može dsiti ne može Stranka praviti Klub na način da obje stranke imaju samo jednog vijećnika. Mora svaka imati bar po jednog da bi. Pa smo stavili bar po, dakle minimalno po jednog vijećnika.

I ovaj član 23a. E sad je to ono što sam govorio taj revolucija. Evo ovdje mi to pokušavamo spriječiti na način da recimo u brojnim parlamentima je bilo, sad je to došlo do nekih izmjena kroz novi Zakon o finansiranju političkih stranaka ali se još uvijek to u nekim parlamentima kao ne razumije, primjenjuju stari Zakon. Zamislite. Vade se na stari koji je prestao važiti.

Da ovi koji su izlazili iz političkih stranaka i postajali samostalni, uzimali su novčana sredstva koja su pripadala Političkoj stranci. I desilo se recimo u prošlom mandatu jedna Politička stranka, ne moram ni govoriti koja, u Gradskom vijeću Tuzla je bila u situaciji koja je zaista problematična.

Imali su jednog vijećnika, vijećnik je izašao i sad je Služba za finansije u dilemi smije li im dati novac koji ima pripada kao Političkoj stranci na osnovu ostvarenog izbornog rezultata i procenta koji je shodno Izbornom zakonu definisan, odnosno Zakonu o finansiranju političkih stranaka ili ne.

Sad pravimo član 23a., da na početku mandata političke stranke, koalicije, liste nezavisnih kandidata koji su formirali Klub vijećnika, dostavi Stručnoj službi podatke sa imenima i prezime vijećnika Političke stranke, koalicije, liste nezavisnih kandidata koji ulaze u sastav Kluba. Dakle pravi se spisak, imenima i prezimenima predsjednika i zamjenika i sve druge podatke koji su bitni.

A stav dva. Ako u toku trajanja mandata neki od vijećnika istupi iz Kluba vijećnika Političke stranke, koalicije, liste nezavisnih kandidata na čijoj listi su se kandidovali, takva promjena ne utiče na status i finansiranje rada političkih subjekata u Gradskom vijeću, što se

uređuje odlukom koju donosi Gradsko vijeće u skladu sa zakonom na osnovu zvaničnih izbornih rezultata objavljenih u Službenom glasniku Bosne i Hercegovine.

Dakle Stranka bez obzira koliko ima, desilo se recimo prošli put jedna Politička stranka, neću govoriti koja, nebitno, sasvim je nebitno, od četiri vijećnika ostala na kraju sa jednim. Ili s dva. Izašli.

I onda je bila rasprava treba li toj Političkoj stranci sad uzeti i finansijska sredstva. Zamislite Stranka ima, pa nema veze Klub, ko ovaj izade jedan. Pa šta sad nemaš prava.

Ovdje smo definisali stečena prava objavljena u izbornom, po Izbornom zakonu u Službenom glasniku Bosne i Hercegovine ostaju, dok su takva nepromijenja tamo. Ako se promijeni šta u Službenom glasniku naravno da se mi prilagođavamo tome.

I time onemogućavamo bilo koga da ono što se dešavalо u prošlom mandatu gdje je bilo tih situacija, razmišlja na način da to uradi u ovom mandatu. Svako ima pravo se opredijeliti, ali kad postane samostalni vijećnik ostaje mu pravo da glasa, predlaže dnevni red, ne u Kolegiju nego ovdje u okviru sjednice Gradskog vijeća i nikakva prava više nema koja pripadaju Političkoj stranci. Stanka ima pravo na raspored komisija.

Dakle i kad bi bila sa jednim pa ostane bez i tog jednog vijećnika i dalje Stranka prelaže i komisije, predlaže i članove u mjesnim odborima, odnosno u mjesnim zajednicama, sva prava zadržava koja je imala.

I to je ono što smo mi uradili. Mislim da je ovo prvi Poslovnik u Bosni i Hercegovini koji na ovaj način rješava te dileme. Kad se nešto desi mi faktički imamo već uređeno Poslovnikom sve u vezi tih okolnosti. I ako se nađe nekakva nova situacija uvijek je dobro što možemo Poslovnikom to regulisati.

I evo na kraju ono što pozicija opravdano zamjera. Član 163. po pitanju vijećničkih pitanja. Definiše se odluka da, evo citiram, ako gradska služba za upravu, stručna ili druga služba ne dostavi odgovor na vijećničko pitanje do naredne sjednice Vijeća, nema više razvlačenja, dakle do naredne, biće poslata pisana urgencija Gradonačelniku da on poduzme mјere za dostavljanje odgovora na vijećničko pitanje, što može uključivati i inicijativu za pokretanje odgovarajućih postupaka protiv osoba koje su bile dužne pripremiti odgovor na vijećničko pitanje.

Vijećničko pitanje se mora dostaviti. U kakvoj formi će biti, to je stvar onoga ko dostavlja. A onda će biti rezultat naravno i rasprave i kritike onoga koji je tražio. Ali se mora dostaviti. Nema nepoštivanja vijećnika. Ima da se vijećničko pitanje dostavlja. I to smo na ovaj način regulisali, da i ta stvar bude otklonjena, da ne dozvolimo rasprave je li bilo, zašto nije bilo, da se to nakupi pa onda iz bilo kojeg razloga imamo ponizanje vijećnika.

Eto ono što smo do sada uradili uslovno rečeno na brzinu. Dakle ovo je bilo nekako traženo da se uradi što prije, da ove odluke donešemo. Ako nešto bude potrebno i dalje može stojati zaključak, svaka Politička stranka ukoliko smatra da je potrebno još dodatno šta izmijeniti u Poslovniku radi boljeg funkcionisanja Gradskog vijeća, zaštite prava političkih stranaka, vijećnika, da to može dostaviti u bilo kojem periodu kada god želi, a onda će se naravno Kolegij izjašnjavati i ukoliko je osnovano ići će pred Gradsko vijeće.

Tako da iz ovih razloga dakle nije završeno. Imali smo potrebu da ovih evo podosta članova izmijenimo, 16 članova danas imamo na izmjeni, u podčlanovima ima toga više, ali urađen je po nama korektan posao i opet hoću da kažem ova vrsta revolucije gdje mi u potpunosti sad smo svi sigurni sami od sebe.

Jer pokazalo se ako ne postoji jasno propisana norma da onda svako je tumači kako hoće. Mi smo se vpotrudili da ove norme budu sada precizirane. Ako se pokaže da još nismo dovoljno precizirali, evo zajedno ćemo kao Gradsko vijeće urediti te odnose da ne bude bilo kakvih dilema. Hvala.

ALEKSANDAR VUJADINOVIĆ

Ured. Hvala lijepo. Izvinjavam se. Prvo se javio za riječ Elvir Mahmuzić, SDP, pa onda gospodin Sabahudin Imamović.

Prije nego što krenemo dalje, predlažem da ovu raspravu vodimo znači zajedno o svim tačkama a da se o svakoj ovoj podtačci znači i zaključcima posebno izjašnjavamo. Izvolte.

ELVIR MAHMUZIĆ

Naravno. Hvala predsjedavajući. Pa s obzirom da sve ove odluke imaju veze jedna s drugom, a radi se o izmjeni samog Poslovnika i normalno da vodimo je li tako objedinjenu raspravu.

Kolega Mirnes je to evo pokušo je da vijećnicima predstavi onako član po član šta smo mi to otprilike uradili. U stvari ovo je bio zaključak i samog Kolegija meni se čini, Konstituirajućeg kolegija Gradskega vijeća u dvanaestom mjesecu prošle godine, kada je smo zaduženi svi da pristupimo izradi novog Poslovnika.

Dosta je zakona nekih, dosta je propisa, pa poučenih iskustvom iz ranijih sjednica Vijeća, sa ranijih sjednica Vijeća, nužno je bilo mijenjati taj Poslovnik i ovo predstavlja još jedan vid demokratizacije.

Pokušali smo da vidimo da uvažimo sve prijedloge. Pa evo i ovaj prijedlog kad je u pitanju vijećnička pitanja kako bi se zaštitili vijećnici kad postave neko vijećničko pitanje i naravno očekuju da taj odgovor bude u nekom razumnom roku i dostavljen.

Za razliku od prošlog Poslovnika u koji je Kolegij, koji je prepisivo da Kolegij čine predsjednici, predsjednik i zamjenik predsjednika Vijeća, predsjednici klubova ili predstavnici klubova i sekretar Vijeća, sad se dodaje tu jedna, odnosno tri nove stavke, gdje to sad čini i nezavisni vijećnici i vijećnici pripadnici nacionalne manjine i one stranke koje su osvojile, koje su imale, jedan mandat doble u Gradskom vijeću.

Dakle postavlja se ovdje pitanje kad su u pitanju nacionalne manjine. SDP je u prošlom mandatu imo i predstavnika nacionalnih manjina iz reda SDP-a, ali nekako mi bi to možda i predložili ali možda u tom periodu ne bi bilo ni popularno jer smo imali tad, SDP je imao i predsjedavajućeg i dopredsjedavajućeg Vijeća i čine i predsjednik Kluba, ali evo otvara se nova priča tako da mi smo stava da i pripadnici nacionalnih manjina koji imaju jednog vijećnika u Gradskom vijeću imaju pravo da budu ravnopravni u tim odlučujućim tijelima, kao i vijećnici koji su dobili jedan mandat i nezavisni vijećnici.

Znači pokušali smo da, da a trebamo ovdje napraviti razliku između nezavisnog i samostalnog vijećnika. I to smo upravo učinili u članu, možda to kolega Mirnes nije rekao, u članu 93a. kaže, vijećnik koji u toku mandata istupi iz Političke stranke, koalicije, liste nezavisnih kandidata koja je učestvovala na izborima za Gradsko vijeće i na čijoj se kandidatskoj listi nalazio postaje samostalni vijećnik.

Dakle nezavisni vijećnik nastupa nezavisno, a samostalni postaju u slučaju ukoliko istupi iz određene Političke partije. Naravno sve se radi u cilju zaštite političkih partija koji imaju izborni legitimitet, koji su se borili naravno u nekom izbornom ciklusu. Dakle sve je jasno.

Međutim, kolega Mirnes prije, Mirnese prije nego što predložim ovaj Amandman ispred Kluba vijećnika SDP-a, samo bi te zamolio kada si govorio o onome ko može zamijeniti, odnosno po ovlaštenju predsjednika Kluba da može doći zamjenik ili predstavnik Stranke, odnosno vijećnik kojeg ovlasti sam predsjednik Kluba, mislim da ste predložili samo da se to upućuje pismeno ovlaštenje predsjedavajućem Vijeću. (MEDIHA NUHBEGOVIĆ – Dodaju se riječi na kraju rečenice, da se dostavlja predsjedavajućem Gradskega vijeća prije sjednice Kolegija. Tako je rečeno?) Da.

Malo da vidimo, da razmislimo, da pokušamo dodati, ili zamjenika predsjedavajućeg ukoliko je predsjedavajući Vijeća u odsustvu. (MEDIHA NUHBEGOVIĆ – Predsjedavajućem ili zamjeniku predsjedavajućeg.) Tako je. Ukoliko je, ukoliko je ovaj u odsustvu. Dakle to je moja mala samo bila opaska, a slažemo se naravno sa Amandmanom.

Dakle Amandman vijećnika, Kluba vijećnika SDP-a bi bio. Kad su u pitanju, tačka šest, dakle Amandman na član 18., stav jedan, tačka šest, gdje stoji vijećnici-pripadnici nacionalnih manjina. Da se izmijeni sa rečenicom, vijećnik izabran sa liste pripadnika nacionalnih manjina.

Da se ne bi doveli u situaciju jer ovim moramo zaštititi i političke partije tipa da može svih trideset i jedan bit iz reda nacionalnih manjina koji se tako izjašnjavaju, tako da bi dobili situaciju gdje bi imali trideset i jednog člana Kolegija plus sekretara. Tako da to je Amandman Kluba vijećnika SDP-a. To je to. Hvala. (ALEKSANDAR VUJADINOVIĆ – Hvala lijepo.) E da. Da. Da. Pardon predsjedavajući.

Pošto smo mi na Komisiji usvojili jedan zaključak, a to je zaključak broj tri na Komisiji za statutarna pitanja i propise koji ste dobili u materijalima.

Dakle Komisija za statutarna pitanja i propise traži da se svi prateći akti o statusu i pravima političkih stranaka stečenim na izborima usklade sa izmjenama i dopunama Poslovnika Općinskog vijeća Tuzla, da to bude i zaključak ovog Gradskog vijeća. Dakle svi oni akti koji se tiču tog finskijskog aspekta da se usaglase sa, sa, sa stavovima političkih partija kada je u pitanju ova. Eto toliko. Hvala.

ALEKSANDAR VUJADINOVIĆ

Hvala lijepo. Predsjednik Kluba SDA, Sabahudin Imamović. Izvolte.

SABAHUDIN IMAMOVIĆ

Ja mislim da je bilo dobro rješenje prvobitno, gdje sekretar nije bio predviđen da, ne da učestvuje, da učestvuje, ne učestvuje u radu Kolegija, nego da nema pravo glasa.

Zašto? Zato što je sekretar državni službenik koji treba da radi profesionalno, objektivno i nepristrasno. Tamo se često donose odluke koje imaju, su političke prirode i sekretara stavljamo u neugodan položaj.

Dakle često je bio u prilici da presudi u konačnici u rezultatima glasanja. Ja mislim da sekretar ne treba, treba da učestvuje normalno u radu Kolegija jer je angažman sekretara neophodan, međutim smatram da ne treba da ima pravo glasa. Upravo zbog prirode uloge koju ima. Dakle radi se o državnom službeniku. I onda o tome bi trebalo možda još razmislići. A tamo se donose političke odluke.

Drugo. Ovo rješenje koje je evo sad izrečeno ovdje za govornicom, da ukoliko ne može predsjednik Kluba da prisustvuje sjednici, da da pismeno ovlaštenje. A šta ćemo sa ovom novinom koju smo unijeli da se Klub sastoji samo od jednog vijećnika. (MEDIHA NUHBEGOVIĆ – Nismo to unijeli.) Molim? (MEDIHA NUHBEGOVIĆ – Nismo to unijeli. Nego samo da je član Kolegija predstavnik Stranke koja ima jednog vijećnika.)

A šta ako on ne može da dođe na Kolegij a pozvan je? I njega pozivamo na Kolegij. Da li se on zvao predsjednik Kluba ili ne on je dio Kolegija. Dakle mislim da smo ovdje sad uveli neke stvari koje otvaraju.

I ovo vezano. Treće pitanje koje se otvara je. Imamo predstavnika nacionalnih manjina koji je na izborima se pojavio kao nezavisni kandidat. Sutra ćemo imati predstavnika nacionalnih manjina koga će kandidovati neka od stranaka, koje su opet parlamentarne, imajuće dakle svoj Klub u Gradskom vijeću i sad da li je potrebno da taj predstavnik nacionalnih manjina učestvuje u radu Kolegija zajedno sa predsjednikom Kluba Stranke kojoj pripada. U ime koje je nastupio na izborima kao delegat.

Hoću da kažem da smo ovdje otvorili ovaj poprilično nekih pitanja. Trebamo naći najbolja rješenja. Ja. Nisam siguran da li smo baš sve ovo definisali najbolje. Jer dobili smo ovo, ove odluke i ovaj Poslovnik na mail, nismo imali dovoljno vremena da o tome raspravljamo. Ne znam. Mislim da smo otvorili niz pitanja. Moramo biti precizni.

Dakle pitanje sekretara, pitanje ovo zamjene i pitanje evo predstavnika nacionalnih manjina.

ALEKSANDAR VUJADINOVIĆ

Hvala lijepo. Vijećnik Nedžad Jusić, nacionalne manjine. Izvolte. Pa onda. (MIRNES AJANOVIĆ – Kao vijećnik.)

NEDŽAD JUSIĆ

Ne znam odakle da krenem, ali najbolje je od početka krenuti. Kad je u pitanju Poslovnik, izmjene i dopune Poslovnika Gradskega vijeća Tuzla od samog konstituisanja Vijeća je bila priča vezano, u stvari razgovaralo se o tome da se treba preći na kraju krajeva u izmjene i dopunu Poslovnika o radu Gradskega vijeća Tuzla, iz razloga, jedan od razloga jeste jer su se nove okolnosti pojatile u Gradskom vijeću Tuzla kada je u pitanju predstavnik nacionalnih manjina, jer u prošlom sastavu i preprošlom sastavu kao što smo rekli predstavnik nacionalnih manjina je dolazio iz jednog političkog subjekta koji je već imao Klub i već je bio u kompletne organe kada su u pitanju Kolegij i sva druga tijela.

S obzirom pošto drugi vijećnik u ovom slučaju sam ja došao kao nezavisni kandidat i kao drugi politički subjekt koji je bio ravnnopravan na izboru sa svim drugim političkim subjektima i zbog toga je bio taj prijedlog da taj politički subjekt bez obzira tko je sad u ovoj situaciji ima ista prava kao i obaveze na kraju krajeva kroz rad Gradskega vijeća.

Vi ste u pravu Imamoviću kad kažete da se treba to ograničiti, u stvari šta ukoliko predstavnik nacionalnih manjina sa posebne liste nacionalnih manjina u nekom narednom mandatu dođe sa predloženim, koji je predložen od političkog subjekta koji već je u Gradskom vijeću, ima Klub, ima sve i sada da li i on treba.

Moje je lično mišljenje, kao predstavniku nacionalne manjine da on ne treba, jer ipak njega je predložio politički subjekt koji već zastupa određenu politiku. I zbog toga mislim u ovom članu da treba dodati, kod mene je ovdje član dvadeset, u stvari 18., član je li 18. član? Jeste. Stoji znači, kad su nabrojani ovi, tko u stvari čini Kolegij Gradskega vijeća, gdje стоји vijećnici pripadnici nacionalnih manjina sa liste, kao što ste vi rekli, sa liste nacionalnih manjina, ukoliko, ukoli, dodati možda jednu novu rečenicu, ukoliko politički subjek koji ga je predložio na toj listi nije član Kolegija. Znači samo u tom slučaju.

Primjera radi. Ja kao politički subjekt Jusić Nedžad, ne mogu biti pod dva osnovu u Kolegiju.

Znači u tom nekakvom pravcu taj, nacionalna manjina treba da bude član Kolegija, ukoliko politički subjek koji ga je predložio na izbore nije u Kolegiju.

Jer se može desiti da Politička stranka. Evo u Banja Luci je bilo, Komunistička partija je predložila samo nacionalnu manjinu, samo predstavnika nacionalne manjine, ušla je u Gradske vijeće i oni su ostvarivali sva prava kao i svi drugi politički subjekti. Znači u tom nekakvom pravcu. I zbog toga smatram da možda to dodati samo što se tiče ovog, ovog člana.

Takođe želim napomenuti kada smo dobili prijedlog pomenutog Poslovnika koji je donekle bio usaglašen na Kolegiju Gradskega vijeća, ja sam bio također predložio određene izmjene koji se tiču ponovo kažem političkih subjekata da budu ravnnopravni u radu ovog Vijeća, ali nakon određene konsultacije sa drugima, kao i sa ljudima od struke, mogu slobodno reći pravne struke, odustao sam prvo bitno od tih prijedloga do naredne ili neke naredne sjednice

dok ne prikupimo konkretnе pravne akte gdje potvrđuju moju tražnju, odnosno moje određene prijedloge za izmjenu neku od narednih izmjena Poslovnika, koji će ponovo kažem dovesti do toga da svi politički subjekti koji su bili na izborima, dobili legitimitet i legalitet na prošlim izborima budu ravnopravni u svim segmentima ovog društva, na kraju krajeva i u ovim obavezama koje proističu iz ovog Poslovnika.

I ja mogu se složiti sa ovim prijedlozima koji su sada na dnevnom redu, odnosno koji su ugrađeni u ovom Poslovniku i normalno da će ja glasati za ove promjene. Hvala.

ALEKSANDAR VUJADINOVIĆ

Dobro. Hvala. Da li se još neko javlja za diskusiju ispred Kluba vijećnika? Ne javlja. Onda znači zaključujemo raspravu klubova vijećnika. Imamo vijećnik Mirnes Ajanović se javio za diskusiju.

MIRNES AJANOVIĆ

Očito ćemo trebati napraviti kraću pauzu da još malo usaglasimo ovo u smislu poboljšanja teksta ove izmjene.

Kolega Sabahudin Imamović je govorio nešto u vezi ovog predstavnika, pa pominje jednu Političku stranku. Mi smo stavili predsjednik, pa u zagradi vijećnik Političke stranke, ili koalicije koja na izborima za Gradsko vijeće je osvojila jedan mandat.

Zaista se može desiti da vijećnik ne može doći. A trebali bi omogućiti predstavniku da može doći. Pa da li je sad rješenje predstavnik ili vijećnik, pa hoće li se oni svađat ko će doći, ali bi moglo biti predstavnik ili vijećnik. Jer se može raditi o koaliciji. Pa malo da razmislimo i oko toga.

Ali sama okolnost da se uvodi predstavnik, dakle neko ko ne mora biti vijećnik, daje prostor i naravno opravdanu našu reakciju, zbog toga što je omaškom brisano iz ovog člana da je sekretar Vijeća član Kolegija. Dakle to ne mora značiti da mora biti član Kolegija samo neko ko je izabran.

To su predstavnici političkih subjekata koji odlučuju o svom pravu kako hoće. A mi ovdje koristimo i tu okolnost.

Ja bi sad nešto predložio, pa ako iz bilo kojeg razloga ne uspije, na drugi način će praviti inicijativu. Ali evo sad kad govorimo o sekretaru. Zašto sekretar? To može biti osnovano što je rekao kolega Sabahudin Imamović, kao da li je ta dilema sada OK i da li ima pravo ili ne.

Međutim, mi imamo vrlo neobičnog sekretara u Gradskom vijeću. Da. Zato što za razliku od ostalih svih nivoa u državi Bosni i Hercegovini, a gledali smo svašta nešto svi mi kroz svoje političke stranke ili lično, ne postoji osoba u državi koja radi kao Mediha Nuhbegović. Sekretar Gradskog vijeća. Nijedan sekretar ne daje angažman kako to radi sekretar Gradskog vijeća Tuzla.

Maksimalan angažman prema svakom vijećniku i prema svakoj političkoj stranci i prema svakoj tački. Na svim sjednicama Komisije za statutarna pitanja i propise Mediha Nuhbegović je upoznata o svakoj tački koja dolazi na Vijeće i direktno mijenja sve službe kada nekog nema i daje puno obrazloženje i daje pune odgovore na sva pitanja tačke dnevnog reda koje idu na Vijeće.

Po svim ostalim prijedlozima u svemu što se radi u Vijeću. To je gotovo dvije decenije. Imamo izvrsnog sekretara. I više puta smo mi je pohvaljivali za ovom govornicom taj rad, iznosili prijedloge o tome. Vidjeli smo kako se sumiraju prijedlozi zaključaka. Vrlo je malo ljudi koji na takav način mogu ono što mi kažemo artikulisati kao naše mišljenje. Nađite primjer takav.

U toku cijele rasprave kad svi mi diskutujemo, pa tražimo nekakva pojašnjenja, uvijek sjedi, kuca, napravi nešto što mi smatramo da je u stvari ono što smo mi tražili u tom nekakvom sažetku kroz zaključke.

Ja sam sad evo gledajući ovo, slušajući pomalo tu raspravu o sekretaru, shvatio da smo mi napravili jednu veliku pogrešku. Sve te pohvale za Vijeće ne znače ništa. Nešto mi hvalili. A drugi imaju i priznanje za taj rad.

I delegiram, evo sad zaključak, da Gradsko vijeće Tuzla za sjednicu 2. oktobra, dakle traži od Komisije za odlikovanja, da se jedno od, po meni bi trebalo najviše, a nek oni razmatraju, priznanja Gradskog vijeća, odnosno Grada Tuzle dodijeli Medihi Nuhbegović. Sekretaru Gradskog vijeća. To baš za 2. oktober.

Dakle da se pokreće inicijativa, da se uzme biografija, u najkraćem ono što sam ja rekao, da iz ovih razloga ostane to zapisano na takav način. To što mi kažemo, pa prođe, pa bude drugi mandat. Dajemo priznanje raznim ljudima koji su zaslužni a zanemarili smo nekoga ko je izrazito zaslужan za funkcionisanje Grada Tuzla kroz funkcionisanje Gradskog vijeća koje je bezprijevorno.

Ja se zaista divim energiji koju ima, kako pristupa svemu što radi i kako nas trpi, toleriše sa svim našim zahtjevima i to onda opet napravi u svom tom stresu da to zaista je smisleno, adekvatno i ono što treba.

Tako da delegiram ovaj zaključak. Mi kao Gradsko vijeće imamo to pravo. Na vrijeme da to uradimo. Vrlo brzo će doći septembar, godišnji odmori, da se ne desi da zakasnimo, dakle za 2. oktobar na Dan Tuzle. I upravo taj datum i odavanje priznanja zaista zaslužuje sekretar Gradskog vijeća Tuzla.

Eto. Pa molio bi da sekretar Gradskog vijeća Tuzla postupi po dužnosti kako je radila dosad, sačini tu vrstu zaključka i stavi pred Gradsko vijeće na izjašnjavanje. Ako neće sjest ču ja pa napisat. Ako neće uraditi. (ALEKSANDAR VUJADINOVIĆ – Dobro.) Ili ču opet ponoviti za govornicom pa da glasate. Hvala.

ALEKSANDAR VUJADINOVIĆ

Hvala lijepo. Vijećnik Sabahudin Imamović. Izvolte.

SABAHUDIN IMAMOVIĆ

Onda bi član 18. glasio, predstavnik političke stranke, nezavisni vijećnici, briše se i, vijećnici pripadnici nacionalnih manjina i Mediha. Takav bi nam bio Poslovnik. (MIRNES AJANOVIĆ – Može. Drugi ne prolazi.)

Pošto je, kako ono? Pravo razum mišljenje emocija i donosi se za sve buduće slučajeve, ovdje može biti da u radu Kolegija učestvuje sekretar, ali da u posebnom stavimo da nema pravo odlučivanja. I mislim da je to u duhu funkcije sekretara, državnog službenika.

Znamo mi zaista Mediha koliko daje. Pa na samom Vijeću, evo ako koristimo analogiju Mediha ovdje nema pravo glasa. Je li tako? Radi svoj posao. Tako i na Kolegiju.

Ne plašim se ja kao SDA-ovac glasa Medihinog, nego želim da je ne stavljamo i nijednog u budućnosti sekretara. Jer donosimo Poslovnik za, za buduće slučajeve i sve druge sekretare. Možda će i muško biti sekretar, pa baš onda da bude sekretar. Je li?

Da ne mora tamo da se osjeća neugodno kada mora glasat za neku odluku koja je političke naravi. To je suština. Dakle neka sekretar evo neka bude u članu 18. da učestvuje i sekretar, ali stav, poseban stav, da nema pravo odlučivanja. Ne znam. Toliko.

ALEKSANDAR VUJADINOVIĆ

Dobro. Dobro. Ima li još neko? (SABAHUDIN IMAMOVIĆ – Pauzu pa da vidimo.)
Pauza. Je li ima još neko da se javlja za diskusiju? Ako nema, pauza deset minuta. (Pauza.)

Dobro. Nastavljamo sa sjednicom. Zamolit ćemo sekretara Vijeća da nam pročita amandmane koji su uslijedili znači od strane političkih subjekata, pa ćemo se o njima posebno izjasniti, a onda i o odlukama.

Dobro izlaganja po pojedinim tačkama su bila malo duža, s obzirom da se radi o jednoj kompleksnoj temi, znači izradi Poslovnika, koja uvijek zahtjeva i dodatni angažman i razmišljanja o tome kako ga formirat na najbolji mogući način, radi boljeg funkcionisanja u budućnosti.

MEDIHA NUHBEGOVIĆ

Dakle imamo Amandman koji je iznio vijećnik Elvir Mahmuzić, da se u članu 4., kojim se mijenja član 18. Poslovnika, riječi “vijećnici-pripadnici nacionalnih manjina”, zamjenjuju sa riječima “vijećnik-izabran sa liste nacionalnih manjina”.

Pa molim vas ovaj Amandman stavite na glasanje.

ALEKSANDAR VUJADINOVIĆ

Pitam vijećnike, ko je za usvajanje ovog Amandmana, molim da digne ruku? (24) Ima li neko protiv? (Nema.) Suzdržan? (Nema.)

24 vijećnika je glasalo za, niko nije bio protiv ni suzdržan, te konstatujem da je jednoglasano usvojen sljedeći Amandman:

- U članu 4. kojim se mijenja član 18. Poslovnika, riječi “vijećnici-pripadnici nacionalnih manjina”, zamjenjuju se riječima “vijećnici-izabrani na listi nacionalnih manjina”.

MEDIHA NUHBEGOVIĆ

Dalje imamo Amandman koji je u ime nekoliko klubova vijećnika iznio gospodin Mirnes Ajanović, da u članu 6. kojim se mijenja član 20. u stavu 3, na kraju teksta briše se tačka i dodaju riječi, koji se dostavlja predsjedavajućem ili zamjeniku predsjedavajućeg Gradskog vijeća ako je predsjedavajući odsutan, prije sjednice Kolegija Vijeća.

ALEKSANDAR VUJADINOVIĆ

Dobro. Stavljamo i ovaj Amandman na glasanje.

Pitam vijećnike, ko je za usvajanje ovog Amandmana, molim da digne ruku? (24) Ima li neko protiv? (Nema.) Suzdržan? (Nema.)

24 vijećnika je glasalo za, niko nije bio protiv ni suzdržan, te konstatujem da je jednoglasano usvojen sljedeći Amandman:

- U članu 6. kojim se mijenja član 20. u stavu 3, na kraju teksta briše se tačka i dodaju riječi, koji se dostavlja predsjedavajućem ili zamjeniku Gradskog vijeća ako je predsjedavajući odsutan, prije sjednice Kolegija.

MEDIHA NUHBEGOVIĆ

Dalje Amandman sljedeći. Da se u članu 4. kojim se mijenja član 18. Poslovnika, alineja 4. mijenja i glasi:

Predstavnik ili vijećnik političke stranke ili koalicije, koja je na izborima za Gradsko vijeće osvojila jedan mandat u Gradskom vijeću, a po ovlaštenju predsjednika opštinskog nivoa stranke ili koalicije.

ALEKSANDAR VUJADINOVIĆ

Ja se izvinjavam. Možete li još jednom samo da pročitate. Izvinite.

MEDIHA NUHBEGOVIĆ

Predstavnik ili vijećnik političke. To je sad razgovarano na pauzi. (MIRNES AJANOVIĆ – Ili. Ili drugog organa stavite.) (ALEKSANDAR VUJADINOVIĆ – Dobro.) (MIRNES AJANOVIĆ – Samo stavite predsjednika opštine ili drugog organa Stranke.) Dobro. (MIRNES AJANOVIĆ – Možda nemaju.) Dobro.

Predstavnik ili vijećnik političke stranke ili koalicije, koja je na izborima za Gradsko vijeće osvojila jedan mandat u Gradskom vijeću, a po ovlaštenju predsjednika opštinskog nivoa ili drugog nadležnog organa stranke ili koalicije.

(ALEKSANDAR VUJADINOVIĆ – A ovo opštinski nivo? Da li riječ opštinski mijenjat ili ne?) (MIRNES AJANOVIĆ – Imaju gradski.) Gradska Pardon.

ALEKSANDAR VUJADINOVIĆ

U redu. Dobro. Pitam vijećnike, ko je za usvajanje ovog Amandmana, molim da digne ruku? (24) Ima li neko protiv? (Nema.) Suzdržan? (Nema.)

24 vijećnika je glasalo za, niko nije bio protiv ni suzdržan, te konstatujem da je jednoglasano usvojen sljedeći Amandman:

- U članu 4. kojim se mijenja član 18. Poslovnika, alineja 4. mijenja se i glasi:

predstavnik ili vijećnik političke stranke ili koalicije, koja je na izborima za Gradsko vijeće osvojila jedan mandat u Gradskom vijeću, a po ovlaštenju predsjednika gradskog nivoa stranke ili drugog nadležnog organa stranke ili koalicije.

MEDIHA NUHBEGOVIĆ

I dalje u članu 4. kojim se mijenja član 18. Poslovnika, iza alineje 6, dodaje se nova alineja 7, koja glasi: "sekretar Gradskog vijeća Tuzla."

S tim da je ovo Amandman koji je iznio gospodin Ajanović, a gospodin kako se zove, Sabahudin Imamović je iznio drugi Amandman, ali po proceduri moramo oba amandmana staviti na glasanje.

ALEKSANDAR VUJADINOVIĆ

Dobro. Evo vijećnik Sabahudin Imamović da da pojašnjenje. Hvala.

SABAHUDIN IMAMOVIĆ

S obzirom da je se većina opredijelila po mom mišljenju za lošiju varijantu, ja povlačim svoj Amandman.

Mi nećemo podržati ovaj Amandman većine jer smatramo da to nije dobro rješenje, da sekretar, ne da, uredu je da bude član Kolegija, ali smatramo da, da nema pravo, da ne treba da

ima pravo odlučivanja i da tamo njegova uloga bude uloga pružanja stručne pomoći a ne učestvovanje u političkom odlučivanju.

Dakle mi nećemo. Ja povlačim onaj Amandman naš, Vijeće se ne mora izjašnjavat o njemu, a nećemo, ovo govorim u ime opozicije, nećemo podržati ovaj Amandman većine. Hvala.

ALEKSANDAR VUJADINOVIĆ

Dobro. Hvala. Ureda. Stavljam na glasanje Amandman koji je sekretar Vijeća pročitala.

Pitam vijećnike, ko je za usvajanje ovog Amandmana, molim da digne ruku? (17) Ima li neko protiv? (7) Suzdržan? (Nema.)

17 vijećnika je glasalo za, 7 vijećnika je bilo protiv i niko nije bio suzdržan, te konstatujem da je većinom glasova usvojen sljedeći Amandman:

- U članu 4. kojim se mijenja član 18. Poslovnika, iza alineje 6, dodaje se nova alineja 7, koja glasi: "sekretar Gradskog vijeća Tuzla".

Sada idemo usvajanje odluke o izmjenama i dopunama Poslovnika Općinskog vijeća Tuzla, pa. (MIRNES AJANOVIĆ – Sa usvojenim amandmanima.) Sa usvojenim znači amandmanima. (SABAHUDIN IMAMOVIĆ – Kompletna.) Jeste. Kompletna odluka o izmjenama i dopunama Poslovnika Općinskog vijeća Tuzla.

Pitam vijećnike, ko je za usvajanje ove odluke, molim da digne ruku? (24) Ima li neko protiv? (Nema.) Suzdržan? (Nema.)

24 vijećnika su glasala za, niko nije bio protiv ni suzdržan, te konstatujem da je ODLUKA O IZMJENAMA I DOPUNAMA POSLOVNIKA OPĆINSKOG VIJEĆA TUZLA, jednoglasno usvojena.

Sada stavljam na izjašnjenje znači odluku o izmjenama i dopunama Odluke o naknadama predsjedavajućeg, zamjenika predsjedavajućeg i predsjednika klubova vijećnika u Općinskom vijeću Tuzla.

Pitam vijećnike, ko je za usvajanje ove odluke, molim da digne ruku? (24) Ima li neko protiv? (Nema.) Suzdržan? (Nema.)

24 vijećnika su glasala za, niko nije bio protiv ni suzdržan, te konstatujem da je ODLUKA O IZMJENAMA I DOPUNAMA ODLUKE O NAKNADAMA PREDSJEDAVAJUĆEG, ZAMJENIKA PREDSJEDAVAJUĆEG I PREDSJEDNIKA KLUBOVA VIJEĆNIKA U OPĆINSKOM VIJEĆU TUZLA, jednoglasno usvojena.

Te stavljam na izjašnjavanje odluku o izmjenama Odluke o osnivanju Komisije za istinu o Tuzli '92-'95.

Pitam vijećnike, ko je za usvajanje ove odluke, molim da digne ruku? (24) Ima li neko protiv? (Nema.) Suzdržan? (Nema.)

24 vijećnika su glasala za, niko nije bio protiv ni suzdržan, te konstatujem da je ODLUKA O IZMJENAMA ODLUKE O OSNIVANJU KOMISIJE ZA ISTINU O TUZLI '92-'95. jednoglasno usvojena.

(MIRNES AJANOVIĆ – Eh ima još zaključak.) Prvo ćemo pročitati ove zaključke pa da čujemo da li možda, znači da li će uslijediti dopuna.

1) Svaka politička stranka, koji participira u Gradskom vijeću Tuzla, može podnijeti inicijativu za izmjenu Poslovnika, koja će se razmatrati na Kolegiju Gradskog vijeća Tuzla.

2) Gradsko vijeće Tuzla traži od Stručne službe Gradskog vijeća i Službe za budžet i finansije, da se sve prateće odluke i akta, usaglase sa izmjenama Poslovnika Gradskog vijeća Tuzla.

(NEDŽAD JUSIĆ – Samo poslovnička.) Dobro. Poslovnička Nedžad Jusić. Izvolite.

NEDŽAD JUSIĆ

Ja bi samo vezano za ovaj zaključak, da svaka politička stranka, zamijenio riječju svaki politički subjekt koji participira u Gradskom vijeću Tuzla. (MEDIHA NUHBEGOVIĆ – Dobro. Važi. Dobro. Uvažava se.)

ALEKSANDAR VUJADINOVIĆ

Dobro. Uredu. Hvala lijepo. Ima li još sugestija? Mirnes Ajanović, BOSS. Izvolite.

MIRNES AJANOVIĆ

Ovo je prvi put da sekretar Vijeća nije postupila po prijedlogu koji je dat za govornicom Gradskog vijeća iz opravdanog razloga. (SABAHUDIN IMAMOVIĆ – Odma joj oduzmi onu nagradu.) Da. Da. Evo kažu da joj odmah oduzememo prijedlog za nagradu. Odnosno nije to nagrada, priznanje.

A razumljivo je zašto nije napisala i opravdano, tako da će ja za govornicom predložiti ponovo, odnosno samo formulisati ponovo zaključak.

Da Gradsko vijeće Tuzla od Komisije za odlikovanja, jesam li dobar naziv rekao da nije greška, zatraži da se pripremi za sjednicu 2. oktobra, za svečanu sjednicu 2. oktobra za Dan Tuzle, odluka o dodjeljivanju jednog od najvećih priznanja, dakle povelje ili eventualno plakete, Medihi Nuhbegović sekretaru Gradskog vijeća Tuzla, a koja je evo u protekle gotovo dvije decenije izvanredno obavljala zadatke i poslove, da se uzme biografija i sve što je potrebno, kako bi se moglo dostaviti Vijeću na vrijeme za izjašnjenje prije sjednice.

Dakle to već treba ići za septembarsku sjednicu. Najkasnije za septembarsku, ili čak možda i eventualno prije.

ALEKSANDAR VUJADINOVIĆ

Uredu. Hvala lijepo. Rejhana Dervišević, SDP. Izvolte.

REJHANA DERVIŠEVIĆ

Ja bi samo da kažem da Komisija ne priprema prijedloge. Dakle prijedloge, inicijativu treba da uputi ili Klub poslanika kako ste mi rekli. I ja predlažem da se na taj način definira današnji zaključak.

Dakle da klubovi poslanika pripreme obzirom da je, sutra će na web stranici Grada biti objavljen Javni poziv. Danas je ja mislim objavljen u sredstvima javnog informisanja, tako da ukoliko želimo da imamo blagovremenu prijavu za ovogodišnji 2. oktobar i naravno sve ostale, 25. novembar i ostalo, molim vas da se zaduže na ovaj pravi način ko će pripremiti inicijativu.

ALEKSANDAR VUJADINOVIĆ

Dobro. Hvala lijepo. Mirnes Ajanović, BOSS. Izvolte.

MIRNES AJANOVIĆ

Zadužuje se Stručna služba Gradskog vijeća Tuzla i predstavnik Službe da pripremi shodno poslovničkim odredbama inicijativu za prijedlog po Javnom konkursu koji će bit objavljen.

Dakle ili ispred klubova vijećnika ili ispred Gradskog vijeća Tuzla, kako je to, kako bude dozvoljeno. Eto. (ALEKSANDAR VUJADINOVIĆ – Ispred Kolegija Gradskog vijeća ili Gradskog vijeća.) Dakle ili Kolegija dakle ili. Jeste. Kolegija Gradskog vijeća Tuzla. Ako je ovlašteno, ako ne onda pojedinačno klubova. (ALEKSANDAR VUJADINOVIĆ – Ured. Hvala lijepo.)

I da se dostavi u konkursku proceduru na vrijeme sa svim potrebnim elementima. Hvala.

ALEKSANDAR VUJADINOVIĆ

Dobro. Pitam vijećnike, ko je za ovaj prijedlog zaključaka sa izmjenama i dopunama, molim da digne ruku? (24) Ima li neko protiv? (Nema.) Suzdržan? (Nema.)

24 vijećnika su glasala za, niko nije bio protiv ni suzdržan, te konstatujem da su jednoglasno usvojeni sljedeći zaključci:

1) Svaki politički subjekt, koji participira u Gradskom vijeću Tuzla, može podnijeti inicijativu za izmjenu Poslovnika Gradskog vijeća Tuzla, koja će se razmatrati na Kolegiju Gradskog vijeća Tuzla.

2) Gradsко vijeće Tuzla traži od Stručne službe Gradskog vijeća i Službe za budžet i finansije, da se sve prateće odluke i akta, usaglase sa izmjenama Poslovnika Gradskog vijeća Tuzla.

3) Zadužuje se Stručna služba Gradskog vijeća Tuzla, da zbog izuzetnog rada u Gradskom vijeću Tuzla se u ime Kolegija Gradskog vijeća, jedno od javnih priznanja Grada Tuzle dodijeli Medihi Nuhbegović.

Prelazimo na jedanaestu tačku dnevnog reda:

TEKUĆA PITANJA

a) Obavijest Službe za budžet i finansije o razlozima prolongiranja izrade Izvještaja o izvršenju Budžeta grada Tuzla za period 01. 01. do 30. 06. 2017. godine

b) Obavijest JKP „Komunalac“ Tuzla o razlozima prolongiranja Izvještaja o radu i poslovanju za 2016. godinu

c) Inicijativa za izgradnju kružnog toka u MZ Tušanj (na spajanju ulica VI Bosanske, Pašage Mandžića Meše Selimović i Tušanj)

d) Inicijativa za hitno postavljanje vibrirajućih traka na regionalnoj saobraćajnici M-4 u ulici “Treće Tuzlanske brigade”

Predlažem. Predlažem da se znači izjasnimo o prve dvije ove podtačke da smo primili k znanju znači ova njihova obavještenja koja ste dobili u materijalima, a da zamolimo. Je li se slažete s tim? Dobro. Uredu.

A da sada nam Mirza Tupajić znači vezano za tačku c) i d) je li da neka. (MIRZA TUPAJIĆ – Nema potrebe.) Nema potrebe. Dobro. Onda uglavnom možemo staviti u paketu ove četiri podtačke tačke jedanaest da u paketu glasamo za.

Pa pitam prisutne vijećnike, ko je za to da se usvoje ove podtačke tačke jedanaest, molim da digne ruku? (24) Ima li neko protiv? (Nema.) Suzdržan? (Nema.)

24 vijećnika su glasala za, niko nije bio protiv ni suzdržan, te konstatujem da su jednoglasno primljena k znanju pod a) i b) i usvojena pod c) i d), sljedeća TEKUĆA PITANJA:

a) Obavijest Službe za budžet i finansije o razlozima prolongiranja izrade Izvještaja o izvršenju Budžeta grada Tuzla za period 01. 01. do 30. 06. 2017. godine

b) Obavijest JKP „Komunalac“ Tuzla o razlozima prolongiranja Izvještaja o radu i poslovanju za 2016. godinu

c) Inicijativa za izgradnju kružnog toka u MZ Tušanj (na spajanju ulica VI Bosanske, Pašage Mandžića Meše Selimović i Tušanj)

d) Inicijativa za hitno postavljanje vibrirajućih traka na regionalnoj saobraćajnici M-4 u ulici "Treće Tuzlanske brigade".

Pa pošto smo iscrpili dnevni red u 17 i 30 časova, zaključujemo rad devete redovne sjednice Gradskog vijeća Tuzla.

(S obzirom da je dnevni red iscrpljen predsjedavajući Gradskog vijeća Tuzla zaključio je rad sjednice Gradskog vijeća Tuzla u 17,30 sati.)

STENOGRAM SAČINILI:

Senada Karabegović

Igor Kurcinak

P R E D S J E D A V A J U Ć I

dr.med.sci. Aleksandar Vujadinović s.r.